

Madthe Diadzadkanni Gamoe Nastshul.

Madthe speche skor.

Gome chostshogssi uskyongunni, i spechabo Tsoo Yeshui skutshabs rcugnyissi nañne cig, madthe Griiste inkanboe sponpo taññanog. Madtha thalnenkanzhig inpin, Yeshui tusla kho Israelli nañña yodpin, kaboa Yeshui ñe gyabne ðañste ñe skutshabsgunni nañne cig gyur mols.

I specha Yeshu ðonste sontea zhañste stiñne lo 17 ni nyekhorla ðia dzadte innog. I spechabo madthe khagcan coste mañchea Yahudapa, tene Yahudape chos sheskanni Yahudapa mankangunni phia ðia dzadte inkanbo salpo hagoanog.

Madthe dodpa ni, sunrabs snyiñpe nañña Konchoggi Mashika, skyabgon tañ gyalpo skyodcessi luñstan dzadkanbo, Yeshu khoñrañ inkan silkangunla hagocugces innog.

Madthe, Yeshui shikangun sontea lañcugces, nadpagun phancugces, rdud zhugskangun phiñces tañ, luñtshub chadcugcessi chaglasgun dzadte Konchog tsogssi wañcha tañ shed yodkanbo ñadañgunla stannanog. Innañ khoññi chaglas tagshogpo migun sdigpe kane tharcugte gyalkhamszhig coa dzadcespo in, kagun Konchog nyampo namkhe nañña tusgyun dugin.

I speche stiñjugpoeka Yeshui khoñraññi lobtuggunla jigstenni khag tshañma sonñte migunla khoññika tatpa coste khoñña ðañshesla chos shod zerte stiñjuggi kabo sals..

Tsoo Yeshui phamespogun.

1:1 ne 17

1 ¹ Ibo ni Yeshu mashike phamespogunni thoin, khoñ gyalpo Dabid tañ Abrahammi phorgyud innog.

² Abraham ni Isakgi aba inpin.

Isak ni Yakobbi aba inpin.

Yakob ni Yahuda tañ khoe acono tshañme aba inpin.

³ Yahuda ni Pheres tañ Zerah gunni aba, yañ khoñgunni ama ni Tamar inpin.

Pheres ni Hesronni aba inpin.

Hesron ni Rammi aba inpin.

⁴ Ram ni Amminadabbi aba inpin.

Amminadab ni Nahashonni aba inpin.

Nahashon ni Salmonni aba inpin.

⁵ Salmon ni Boazzi aba,

yaŋ khoe ama ni Rahab inpin.

Boaz ni Obeddi aba,

yaŋ khoe ama ni Rud inpin.

Obed ni Yishee aba inpin.

⁶ Yishe ni gyalpo Dabiddi aba inpin.

Dabid ni Solomonni aba,

yaŋ khoe ama ni uriyi nama badshiba inpin.

⁷ Solomon ni Rehabboammi aba inpin.

Rehabboam ni abiye aba inpin.

Abiya ni asi aba inpin.

⁸ Asa ni Yehoshaphaddi aba inpin.

Yehoshaphad ni Yehorammi aba inpin.

Yehoram ni uzziyi aba inpin.

⁹ Uzziya ni Yothammi aba inpin.

Yotham ni Ahazii aba inpin.

Ahazi ni hizikiyi aba inpin.

¹⁰ Hizikiya ni Manashee aba inpin.

Manashe ni Amonni aba inpin.

Amon ni yoshiyi aba inpin.

¹¹ Yaŋ maggi stiŋne Yahudapagun Babelonla khyerri tus Yoshiya ni Yekoniya taŋ
khoe aconogunni meme gyur.

¹² Babelonla khyerte stiŋne

Yekoniya ni Shaaltiyelli aba inpin.

Shaaltiyel ni Zerupbabelli meme inpin.

¹³ Zerupbabel ni Abihuddi aba inpin.

Abihud ni Eliyakimmi aba inpin.

Eliyakim ni Azorri aba inpin.

¹⁴ Azor ni Zadoggi aba inpin.

Zadog ni Akimmi aba inpin.

Akim ni Elihuudi aba inpin.

¹⁵ Elihud ni Eliazarri aba inpin.

Eliazar ni Madthanni aba inpin.

Madthan ni Yakobbi aba inpin.

¹⁶ Yakob ni Yosebba aba yaŋ Yosebba nama ni Miryam inpin, khoa Yeshu, Konchoggi Idamma dzadkanni Mashika Itams.

¹⁷ Dorldusna Abrahamne gyalpo Dabiddi parla Mirabs 14, yaŋ gyalpo Dabiddi tusne Yahudapagun Babelonni yulla khyerkhyer tshagpa Mirabs 14, yaŋ Yahudapagun Babelonla khyerkanni tusne mashike tus tshagpa Mirabs 14 yodte innog.

Yeshu Mashika thujstshul.

1:18 ne 25

¹⁸ Yeshu, Konchoggi Idamma dzadkanni mashike thuj tshul ni izuggi cuŋste inpin, khoŋŋi ama Miryammi Yoseb nyampo nama cocesla khachamste inpin. Innaŋ khoŋgun dzomste nyampo duggi saŋ sŋunla dampe thugnyiddi Miryam skyecesmazhig gyurcugs. ¹⁹ Kho nama ŋikan Yoseb, mi ɗaŋpozhiŋ inpa, Miryamma migunni dunla thelba cha micug samste, khoranŋi sambe naŋŋa saŋwe thogne Miryam nyampo nama mico samste thagcads.

²⁰ Tezug thagcadte stiŋne, Yosebba nyilammi naŋŋa Konchoggi phonye izug molin jal, "Gyalpo Dabiddi phorgyud Yoseb, Miryamma nama coste khyercesla jigs majigs, Miryammi naŋŋa chagskanni ŋugubo dampe thugnyiddi zhaste in.

²¹ Miryamma butshazhig skyein, yaŋ khyoranŋi khoŋŋi tshanla Yeshu^a taggos ciazerna khoŋŋi khoŋraŋŋi migun khoŋgunni sdigpe kane skyobba dzadin."

²² Luŋstonpa Yeshya gyudte Konchoggi molkan tshanŋma ɗubcessi phia te tshanŋma cuŋste innog. Yeshaye Griiskanbo ni,

²³ "Stos nachuŋ, butsha nyampo ɗel machakan zhiggi naŋŋa

ŋugu chagste butshazhig jorin,

Yaŋ khoŋŋi tshanla Emmanuel zhuin,^b

Kaboe tontagpo ni "Konchog ŋadaŋ nyampo" innog.

^a1:21 Yeshui tonbo ni "Tsoo Konchoggi skyobba dzaddanog"

^b1:23 ibo zhalchad snyiŋpe yeshaye speche naŋne 7:14 taŋ 8:8 taŋ 10 naŋŋa yodte innog.

²⁴ Yosebba nyiditshaddacig, Tsooe phonye molkan nanzhin Miryam nyampo nama coste khoranji khaŋpa khyers. ²⁵ Innaŋ ŋaspo jorjor tshogpa Yosebba Miryam nyampo lusdel mane mabors, yaŋ ŋaspoe tshanla Yosebba Yeshu tagga dzads..

Shar chogsne skyodkanni shesrabscangun.

2:1 ne 12

2 ¹ Heroda gyalpo in zane, yahude yulli Bedlehemmi nanja Yeshu sku ltams. Tedusla shar chogsne shesrabscan skarma silkanni mi khacig Yerushalemmi gyalsa yonste ² tis, "Yahudape gyalpo ltamskanbo kane dug? Njazhaa khorŋi skarma shar chogsla thonpa, khorŋa colla yonspin."

³ Te sperabo tshorracig, gyalpo Heroda halaste jigs yaŋ Yerushalempa tshanman. ⁴ Gyalpo Herodadi lama uskyon taŋ chosthimsla khaspa tshanma bodte Konchoggi Idamma dzadkanni Mashika karu thunsshes dug zerte tis.

⁵ Khorŋgunni lantaŋs, "Yahude donkhyer Bedlehemma: kazug lunstonpa miki Konchoggi molla dzadkanbo dia dzadte innog,

⁶ " 'Yahude donkhyer Bedlehem,

" Yahudape yuljonssi nanja khyozhe donkhyer chunboan,
Donkhyer ma khagcanzhig gyurin,

Ciazerna khyozhe tone tezug wanŋulpazhig yonin,
Kaboe Israelpa ne migunla lugsdzi tshulla stastog coin."^c

⁷ Tene Herodadi shar chogssi shesrabscangun suaŋ gyuscha macugga cigpo bodte skarma gomaraŋ thonkanni tuspo gyuscos. ⁸ Khor khorŋun Bedlehemma lamcugste zers, "Soŋ, zhibsal coste tugubo tsol, yaŋ khor thobbacig logste yonste naa shod, ciazerna naa khor jalla sonŋe khorŋa colin."

⁹ Gyalpoe spera zerkangun nyante stinje, khorŋun shar chogsla thonkanni skarme gyabne son, kabo tugu yodse nasseka lebbacig, namkhe nanja dul madulla dug. ¹⁰ Skarmabo dul madulla dugste thonnacig, khorŋgunni sems thadpoe gaŋs.

¹¹ Khaŋpe nanja chacig, khorŋgunni tugu khoranji ama Miryam nyampo thon, yaŋ khorŋgunni pigmoeka gyelte kupa nyampo chagphuls. Tene sterghamgun pheste ser, tizhimcanni spos taŋ mir zerkanni tizhimcanni marnaggi skyesgun khorŋa phuls.

^c2:6 ibo zhalchad snyinpe miki speche nanje 5:2 nanja yodte innog.

¹² Yaŋ nyilammi naŋŋa Konchoggi khoŋgunla gyalpo Heroda yodsa logste michacesla spanpudpa, lam sosozhigne raŋyulla logste soŋ.

Ijibbi yuljoŋsla shorra dzads.

2:13 ne 18

¹³ Shesrabscangun logste chacig, Konchoggi phonyazhig Yosebbi nyilammi naŋŋa molin jal, "Loŋs, ʔugu taŋ khoŋŋi amaa Ijibbi yuljoŋsla thidte shor. Yaŋ namtshogpa ʔe mizer tetetshogpa teru dug, ciazerna gyalpo Herodadi i ʔugubo sadcesla tsalin."

¹⁴ Yoseb laŋste ʔugu taŋ ʔugui ama Miryam nyisko thidte tenna tshanla Ijibbi yulla shorte soŋ, ¹⁵ karu khoŋgun gyalpo Heroda shishi tshogpa zhugs. Kazuggi Konchoggi luŋstonpa gyudte, "ʔe Ijib yulne philogga ʔaraŋŋi butsha bodpin"^d molte yodkanbo ɗaŋɗa ɗub.

¹⁶ Gyalpo Herodadi shesrabscangunni gobskor taŋkanbo hagopa maŋaŋte ŋo yoŋs. Khoe Bedlehem taŋ te nyekhorri yulli naŋŋa yodkanni butsha lo nyis yaŋ tesaŋ chuŋŋa tshaŋma sod zerte ka taŋs, kabo shesrabscangunni taŋporaŋ skarmabo thoŋ zerkanni tus naŋzhin inpin. ¹⁷ Tene luŋstonpa yeremyi gyudte Konchoggi molkangun ɗub. Tebo ni,

¹⁸ "Rame yulne skad tshorin,

Duin yaŋ sdugpo coin.

Rahelli phorgyud raŋŋi ʔugugunni phia ʔuin,

Innaŋ semsso migos,

Ciazerna ʔugugun shite med.^e

Ijibne logte skyods.

2:19 ne 23

¹⁹ Gyalpo Heroda shite stiŋne, Yoseb Ijibbi yulla yoddi tusla khoa nyilammi naŋŋa Konchoggi phonyazhiggi mols, ²⁰ "Loŋs, ʔugu taŋ khoŋŋi ama thidte Israelli yulla soŋ ciazerna ʔugu saddala tsalkangun shite med."

²¹ Teboephia Yoseb laŋste ʔugu taŋ khoŋŋi ama thidte Israelli yulla logste soŋ.

²² Innaŋ Yosebbi Arkhelyis khoe aba Herodadi tshabsla yahude gyalpo cokanbo

^d2:15 ibo zhalchad snyiŋpe Hoshayi speche naŋne 11:1 naŋŋa yodte innog.

^e2:18 ibo zhalchad snyiŋpe yeremyi speche naŋne 31:15 naŋŋa yodte innog.

tshorracig, kho yahude yuljoŋsla logste chacesla jigs. Khoa nyilammi naŋŋa spaŋpudda dzad pasañ Galillii yuljoŋsla soŋ. ²³ Khoŋgun soŋte Natsared zerkanni doŋkhyerri naŋŋa dugs. Tennaboephia sŋunme luŋstonpagunni khoŋŋi skorla molkanbo daŋda dub, "Khoŋŋa Natsaredpa zhuain."

Yohanan thussalkanni migun daŋdig dzads.

3:1 ne 12

3 ¹ Lo maŋpoe stiŋne thussalkan Yohananni chosshadces gozugs, khoŋŋi yahude ristoŋŋi naŋŋa migunla chosshadin ² mols, "Namkhe gyalšid nyemoa lebste innog, gyodpa coste Konchog chogsla sems gyurshig." ³ Luŋstonpa yeshaye thussalkan Yohananni skorla moldug,

"Ristoŋŋi naŋŋa skad chenmozhiggi molin,

'Tsoo phebshesla daŋdig coshig,^f

Yaŋ khoŋŋi phebslambo daŋpo coshig."^g

⁴ Yohananni rŋaboŋŋi Baalla thagskanni Kos taŋ skedpa koe skerag ciŋŋadpin. Khoŋŋi kharji ni butsig taŋ ristoŋŋi raŋtsi inpin. ⁵ Tedus Yerushalem, Yahuda gaŋpo taŋ Yordan luŋpa gaŋpoe migun khoŋŋa staces taŋ nyannala soŋ.

⁶ Khoŋgunni raŋraŋŋi sdigpe lasgun migunni dunla shads pasañ Yohananni khoŋgunla Yordan lsaŋspoe naŋŋa thussalla dzads.

⁷ Innaŋ pharushipa taŋ saddukipa maŋpozhiŋ thuslenna yoŋin zigste Yohananni mols, "Khyozhaa tugrulli phorgyudgun, yoŋcescanni Konchoggi chadpane shor zerte khyozhaa spaŋ sui phuds. ⁸ Sdigpa coces spaŋste Konchoggi lammika dukanni dasbu smincug. ⁹ Yaŋ khyozhe masamshig 'Ŋazhaa Abrahammi phorgyud in pasañ tharin'. De khyozhagunla zerrad, Konchoggi i rdoagunni naŋne Abrahammi phia phorgyud dzadnyanin. ¹⁰ Shaŋ coshig. Stari ni lcaŋmagunni stsika borte dug, dasbu zaŋpo masminkanni lcaŋma tshaŋma cadte mee naŋŋa phaŋin."

¹¹ "De khyozhaa gyodpa coste Konchoggi chogsla sems gyurcesla chuithus taŋŋad. Innaŋ ŋe stiŋne skyodcescan, khoŋ ŋe saŋ maŋŋa waŋcan, yaŋ ŋa ni zhabshi tsogsla khoŋŋi zhabpul khurcessi ospa med. Khoŋŋi dampe thugnyid taŋ mee thussalin. ¹² Zhiŋbadpe yulthagga zar nyampo, do taŋ phugma pheste do

^f3:3 Griissi skaddi naŋŋa "Tsooe phia phebslammi daŋdig coshig" molte dug.

^g3:3 ibo zhalchad snyiŋpe yeshaye speche naŋne 40:3 naŋŋa yodte innog.

khoranji banje nanja yan phugma mee nanja şagga tsogsla khoranjan khoranji migun tan mi nanpagun sosa phea dzadin.

Yeshui thus lenna dzads.

3:13 ne 17

¹³ Tene Yeshu Galilli yuljonsne Yordan ltsanspoa Yohananne thus lennala skyods.

¹⁴ Innañ Yohananni Yeshua thus lencesne ghagcessi stsonđus coin mols, "Daa nyerañi thussal goshes innog. Tene nyerañ neka thus lenna cia skyodte in?"

¹⁵ Yeshui Yohananna mols, "Dagsa ña thuslencug ciazerna izug cocespoe ñadañi Konchoggi thugjons đub cugganog." Tene Yohanan khorña thussalcesla thad.

¹⁶ Thus namste Yeshu chui nanje phiññacig, namkhaa bete, phurgonzhiggi tshulla Konchoggi thugnyid babste khorñika zhugsa dzads. ¹⁷ Yan namkane sunskadshiggi mols, "Ibo ni ñe cespe butsha in, khyorañ nyampo ñaa maşante thadpo in."

Shetanni Yeshua tshodltas.

4:1 ne 11

4 ¹ Tene rdudgunni gobaa tshodlta cugcesla Konchoggi thugnyiddi Yeshu ristonji nanja khyerra dzads. ² Tshannyin zhibcu dontañ madonna roza zhugspa Yeshu rimste yodpin.

³ Tshodldakanni shetan khorñi dunla yonste zers, "Galtes nyerañ Konchoggi şas inna i rdoagun tagi gyurcesla ka sal?"

⁴ Tsoo Yeshui lansals, "Dampe sunrabssi nanja điadzadte dug,

'Mi tagi cigpoe sontea milus

Innañ Konchoggi zhalne biñña dzadkanni

Zhalta reree khaa nyancesne sontea lusin.^h "

⁵ Tene khoe Yeshu dampe gyalsa Yerushalemma thidte khyers yan chodkhanji goliñña khyerte ⁶ khorña zers, "Galtes nyerañ Konchoggi şas inna ikane thurla lcebbañ ciazerna sunrabssi nanja điadzadte dug

'Khyorañ skyobcesla Konchoggi phonyagunla ka salin.

Khyorañi kanpañ rdoeka phog micugcessi phia,

Phonyagunni lagpa şkyañste khyorañ zumma dzadin.ⁱ

^h**4:4** ibo ni zhalchad snyinpe nanja thimssi specha nyispa, Mozessi specha şñape 8:3 nanja yodte innog.

ⁱ**4:6** ibo ni zhalchad snyinpe sunğurri speche nanje 91:11 tan 12 i nanja yodte innog.

⁷ Yeshui khoa lansals, "Dampe suṅrabssi naṅṅa iboaṅ moldug.

'Tsoo khyozharaṅṅi Konchogga tshod mastaa.'^j "

⁸ Yaṅskyar rduddi gobe khoṅ ri thonpozelligika khyerte jigstenni gyalṣid tshaṅma taṅ tegunni spal stante, ⁹ zers, "Galtes khyoraṅṅi ṅa chagphulte colna, ṅe khyoraṅṅa i tshaṅma taṅin."

¹⁰ Yeshui khoa mols, "Shetan khyoraṅ ikane soṅ, ciazerna dampe suṅrabssi naṅṅa ḍiadzadte dug,

'Khyozhe Tsoo khyozharaṅṅi Konchogga colgos.

Yaṅ khoṅ cigpoa zhabstog zhugos.'^k

¹¹ Tene rdudgunni goba khoṅne bete soṅ yaṅ Konchoggi phonyagun skyodte khoṅṅa stastog coa dzads.

Tsoo Yeshui Galillii naṅṅa zhabstog gozug dzads.

4:12 ne 17

¹² Yohanan zumste tsonkhaṅṅa kagskanbo Tsoo Yeshui sannacig, khoṅ Galillii yuljoṅsla logste skyodda dzads. ¹³ Natsareddi ḍoṅkhyerla mazhugssa, tshoe dunla yodkan Zebulon taṅ Nabthallii yuljoṅssi Kapharnahum ḍoṅkhyerla skyodte zhugsa dzads. ¹⁴ Sṅunme luṅstonpa Yeshya gyudte Konchoggi molkanbo ḍaṅḍa ḍubthubcessi phia Yeshui te tshaṅma coa dzads. Yeshaye ḍia dzadte dug,

¹⁵ "Zebulon taṅ Nabthalli yulgun,

Tshoe lammika Yordan ltsaṅspoe pharka,

Galillii yuljoṅssi naṅṅa dugkan Yahudapa mankan,

¹⁶ Munpe naṅṅa dugkangunla

Od ldaṅshanzhig thoṅin.

Shicessi munpe yulla dugkangun

Nyima sharte od phogin.'^l

¹⁷ Tenna tusne pharla Yeshui chosshadces gozug dzads, "Namkhe gyalṣid nyemo innog, gyodpa coste Konchog chogsla sems gyurshig."

^j4:7 ibo ni zhalchad snyiṅpe naṅṅa thimssi specha nyispa, Mozessi specha ṣṅape 6:16 naṅṅa yodte innog.

^k4:10 ibo ni zhalchad snyiṅpe naṅṅa thimssi specha nyispa, Mozessi specha ṣṅape 6:13 naṅṅa yodte innog.

^l4:16 ibo zhalchad snyiṅpe yeshaye speche naṅne 9:1 taṅ 2 naṅṅa yodte innog.

Yeshui gome lobtuggun Idamma dzads.

4:18 ne 22

¹⁸ Tsoo Yeshu Galillii tshoe thamane zhabdul dzadin yodtus, khoṅṅi acono nyis, Shimon kaboa Pitarraṅ zerrad taṅ khoe no Endriu zigs. Khoṅṅunni tshoe naṅṅa nyadol phaṅṅadpin ciazerna khoṅṅun nya zumkan inpin. ¹⁹ Yeshui khoṅṅunla mols, "De gyabne yoṅste ṅe lobtug gyur, tanepharla ṅe khyozhagunla nye tshabsla migun zumces labin." ²⁰ Tennamalla nyadol spaṅste khoṅṅun Yeshui gyabne ḍaṅs.

²¹ Yeshu tekane skyod zane acono nyis, zebeddii butsha Yakob taṅ Yohanan zigs, khoṅṅunni aba nyampo, ṭuziṅṅi naṅṅa khoranṅunni nyadol ḍaldig coadpin, Yeshui khoṅṅunla bodda dzads. ²² Tennamalla Yakob taṅ Yohananni ṭuziṅ taṅ aba borte Tsoo Yeshui gyabne ḍaṅs.

Yeshui nadpagun phancugga dzads.

4:23 ne 25

²³ Yeshu Galillii yuljoṅs gaṅpoe naṅṅa skyods, khoṅṅi dukhanṅunni naṅṅa labzha salin, namkhe gyalṣiddi gamoe nastshulbo shadda dzads, yaṅ zumo taṅ nad tshaṅmane migun phancugga dzads. ²⁴ Khoṅ miṅcanni nastshulbo thagriṅ Siriya yuljoṅs tshogpa khyebs pasaṅ migunni zumo minḍa minḍa yoṅskanni nadpagun khyoṅs: sperna natsha maṣaṅṅe, rdud zhugskan, mirgi yoṅkan, taṅ zaphogkan gun, te nadpa tshaṅma Tsoo Yeshui gyalcugga dzads. ²⁵ Galilli, gyalsa rcu zersa, Yerushalem, Yahuda taṅ Yordan ltsaṅspoe nyekhorne mi maṅpo Tsoo Yeshui stiṅraṅne yoṅs.

Tsoo Yeshui rika chos salla dzads.

5:1 ne 12

5 ¹ mitshogs chenmo dzomin zigssacig, Tsoo Yeshu rika kyenla skyodte zhugsa dzads. Tene khoṅṅi lobtuggun khoṅ yodsa yoṅs. ² Yeshui khoṅṅunla labzha salces gozug dzadte mols,

³ Konchogne rogs tsalkangun cinlabscan in,

Ciazerna khoṅṅunla namkhe gyalṣid norskalla thobin.

⁴ Semssi naṅṅa sdugpo yodkangun cinlabscan in

Ciazerna Konchoggi khoṅṅunla semsso salla dzadin.

⁵ Pasma yodkangun cinlabscan in

Ciazerna khomeunla jigsten ganpo norskalla thobin.

⁶ Danpo thea dzadcesla stogsin skomsin yodkangun cinlabscan in
Ciazerna khomeun tshimshugga dzadin.

⁷ Zhanmaa snyirje stankangun cinlabscan in
Ciazerna khomeunla snyirje stanna dzadin.

⁸ Sems lagmo yodkangun cinlabscan in
Ciazerna khomeunni Konchog jalin.

⁹ Thundel khomeunkangun cinlabscan in
Ciazerna khomeunla Konchoggi tugu molin.

¹⁰ Lam danpoeka dulcespoe sdugsnal thonekangun cinlabscan in
Ciazerna khomeunla namkhe gyalid norskalla thobin.

¹¹ Na tatpa cocespoe, zhanmagunni thel cugste nagsbardo yan zunme tamjan
snatsogs phogkangun khomezhaa cinlabscan in. ¹² Gamo tan thadpo coshig, ciazerna
namkhe nanja khomezhaa solras tagpo yod, khomeunni khomezhe san sjunla yonkan
Konchoggi lunstonpagunla tenna tsogs nagsbardo stante inpin.

Tsha tan od.

5:13 ne 16

¹³ Yeshui mols, "Jigstenpagunni phia khomezhagun tsha in. Innan galtes tshi dodpo
yolna tebo kazuggi logste khomejin? Tebo philogga phanste migunni kanpe yogga
nances mane yan can phanthogs medkyag."

¹⁴ "Jigstenpagunni phia khomezhaa od innog, rika yodkanni gyalsa kab minyances
tsogs. ¹⁵ Migunni od tugste gormoe yogga maborra nanja yodkan tshanmaa
thocesla odstagsika borin. ¹⁶ Tenna tsogsla khomezhe las zanjogun thonte migunni
khomezhe namkhaa zhugskanni yab Konchogga stodpa phulcessi phia khomezhe oddi
ldanspo khomeunnika phogcugshig."

Konchoggi kathimspo khagcan in.

5:17 ne 20

¹⁷ Tsoo Yeshui mols, "Na Mozessi kathims ya lunstonpagunni labzhagun medkan
coa yonte innog masamshig. Tegun medkan macoa dub cuggala yonspin. ¹⁸ De
denba zerrad namkhaa tan sa nyisko storri san sjunla Konchoggi kathimssi ige ya
tsagcigan mastorra te tshanma danda dubin. ¹⁹ Galtes suzhiggi Konchoggi kagya
tshanmesan chunzhiggan cagna yan tenna tsogsla zhanmagunla labbadna te

miboa namkhe gyałšiddi naŋŋa tshaŋmesaŋ rinmed stsiin. Innaŋ galtes suzhiggi ka ŝuŋste zhanma tetsogs coces labbadna te miboa namkhe gyałšiddi naŋŋa rincan stsiin.

²⁰ Ta ŋe zerrad, galtes chosthimsa khaspa taŋ pharushipa gunni mitshe ɔaŋpozhiŋ phudkanboe saŋ khyozhe mitshe phudkanbo maŋŋa ɔaŋpozhiŋ medna namkhe gyałšiddi naŋŋa khyozhagun mane zhugs minyan."

Šoe skorla Yeshui labzha sals.

5:21 ne 26

²¹ Yeshui mols, "Konchoggi ŋadaŋŋi phamespogunla molkanbo khyozhe tshorte innog. Mi masad, mi sadkangunla thimscad phogin. ²² Innaŋ ŋe zerrad raŋŋi spunla ŝo cokaŋboŋ thimscad phogin. Yaŋ raŋŋi spunla smadra taŋkaŋboŋ thimskhuŋŋa khyoŋin. Galtes khyoraŋŋi spunzhigga buŋbu innog zerna khyoraŋŋa nyalwe me chadpa phogcessi jigspa innog.

²³ Teboephia chodthiika chodpa phulli tus, galtes raŋŋi spunzhiggi gyabgalla ŋaŋpa coskaŋbo khyoraŋŋa idtu yoŋna, ²⁴ chodthii dunla chodpa borte goma raŋŋi spun nyampo thundel cos, tene soŋte chodpa phul.

²⁵ Khyoraŋŋa nyadkalte thimskhuŋŋa khyerkaŋbo nyampo teru lebbi saŋ sŋunla lamma gyogspa naŋɔig cos. Te manna khoe khyoraŋ thimspunla stadšidces innog, yaŋ thimspunni thimskhuŋŋi magspunla stadte khyoraŋ tsonkhaŋŋa kagin. ²⁶ Ŋe khyozhaa denba zerrad, khyoraŋ tsonkhaŋne tetetshogpa miphud namtshogpa khyoraŋŋi chadpe pene tshaŋma mishal.

Logyemmi skor.

5:27 ne 30

²⁷ Tsoo Yeshui mols, "Konchoggi molkanbo khyozhe tshorte innog, 'Riŋŋi zhidmad manpa zhanma nyampo lusɔel maco'. ²⁸ Innaŋ ŋe khyozhaa zerrad bumoa lusɔelli dodpa nyampo stakaŋboe, khoranŋi snyiŋŋi naŋŋa khoranŋi zhidmad mankaŋni te bumoa nyampo lusɔel coste innog. ²⁹ Galtes khyoraŋŋi mig yaspe khyoraŋŋa sdigpa cocuggadna, te migpo ɔuste phaŋstoŋ, lus gaŋpo nyalwe naŋŋa phaŋŋi saŋ lussi khagcig medkaŋ chana gyal. ³⁰ Yaŋ galtes khyoraŋŋi lagpa yaspe khyoraŋŋa sdigpa cocuggadna, te lagpa cadte phaŋstoŋ, lus gaŋpo nyalwe naŋŋa phaŋŋi saŋ lussi khagcig medkaŋ chana gyal.

Zhidmad cadcessi skor.**5:31 ne 32**

³¹ Tsoo Yeshui mols, "Khyozhe ibo tshorte innog, 'Nama cadkanni butshe khoranji nama cadkanboa cadkanni ige tanjos.' ³² Innan ne khyozhagunla zerrad, ranji zhidmad mankan nyampo lusdel cocessi naslug mastogs, suzhiggi khoranji nama cadna, khoe te bumoboa logyem cocugste innog. Yan te bumo nyampo nama cokanboen logyem coste innog.

Naa skyalcessi skor.**5:33 ne 37**

³³ Tsoo Yeshui mols, "Dadanji phamespogunla i zerkanboan khyozhagunni tshorte innog. Naa khurkanbo macag, innan khyozhe Tsoo nyampo naa khurkanbo ducugshig. ³⁴ Innan ne khyozhaa zerrad, naa mane makhurshig, namkhe naa makhur ciazerna namkhaa ni Konchoggi zhugsthis in, ³⁵ ya jigstenni naa makhur ciazerna jigstennika Konchoggi zhabs borra dzaddanog, ya Yerushalemmi naa makhur ciazerna Yerushalem ni tagpo gyalpoe gyalsa in. ³⁶ Ranji goi naa makhur ciazerna khyozhaa khyozhe sa ciggan karmo ya nagpo conyanna manog. ³⁷ Khyozhe lanbo inna in ya manna man zer ciazerna igunni san thalte cizhig zernan shetan nanpane cunanog."

Danpe lanla nanpa.**5:38 ne 42**

³⁸ Yeshui mols, "Khyozhe iboan tshorte innog, chadpa maskyonbonan zobgos, 'Miggi lanla mig, soi lanla so', ³⁹ innan ne khyozhaa zerrad, khyozhaa nanpa cokanboa tenna tsogs lan matanshig. Galtes suzhiggi dampa yaspaa damlcags tanja, dampa yoman damlcags lennala stanton. ⁴⁰ Galtes suzhiggi khyoranja skyon kalte thimskhunja khyerte chadpe tshulla khyoranji kamispo ton zerna, kamispo matshad ranji Kospoan tanjon. ⁴¹ Galtes suzhiggi khyozhaa kilomitar cig wan tanste dulcugna, kho nyampo kilomitar nyis dulton. ⁴² Ton zerkanboa tanston, khyozheka skyia yonkanboa lagstonja lammacug."

Đaoa camspa cos.**5:43 ne 48**

⁴³ Yeshui mols, "Khyozhagunni ibo tshorte innog, 'Khyimtshespa cespa yaŋ đaoğunla naphrad cos'. ⁴⁴ Innaŋ ƚe khyozhaa zerrad, đaoğunla camspa cos yaŋ khyozhaa nagsbardo stankangunni phia moslam tob, ⁴⁵ tezug cona khyozhaa, namkhaa zhugskanni yabbi lammika đullanog. Nyime od taŋ charpa gun Konchoggi zaŋƚan maphea mitshaŋmala sallanog. ⁴⁶ Galtes khyozhaa camspa cokangunla khyozhe camspa cona, khyozhaa solras cia thobin? Gobskor taŋkanni thalnenkangunniyaŋ tezug coanog. ⁴⁷ Galtes khyozhe spunla cigpoa lon şulna, zhanmagunni saŋ khyozhe maŋƚazhig ci coste in? Zhan chosluggi migunniyaŋ tezug coa manogga? ⁴⁸ Teboephia khyozhe namkhe yab, dzomspo zhugskan tsogsla khyozhaŋ dzomspo yonƚos."

Chinba taŋces.**6:1 ne 4**

6 ¹ Yeshui mols, "Migunla stancesi phia las zaŋpo maco. Tezug cona namkhe naŋƚa zhugskan khyozhe yabne solras caŋ mithob. ² Gosdom yodkangunla chinba taŋ zane dukhaŋ taŋ lam gunla tuŋ maphushig, kazug migunni stodpa thobcesla khachospagunni coad. Đe denba zerrad, khouŋgunla solras gaŋpo thobte in. ³ Innaŋ chinba taŋ zane raŋƚi lagpa yomaa lagpa yaspe ci coad gyus cha macugshig. ⁴ Chinba saŋste taŋna, tene khyozhe namkhe yabbi saŋwe naŋƚa khyozhe las cokanbo zigste solras salin."

Moslammi skor.**6:5 ne 15**

⁵ Yeshui mols, "Moslam zhu zane, khachospagun tsogs yonƚ magos ciazerna khouŋgun dukhaŋ taŋ saŋƚi đuka laŋste mia thoŋcugste moslam tabbala thaddanog. Đe khyozhaa denba zerrad te khachospagunla solras gaŋpo thobte in. ⁶ Moslam tab zane, raŋƚi naŋƚa soŋte gho cugste saŋwe thogne raŋƚi namkhe yabba moslam zhushig. Tene khyozhe saŋwe naŋƚa cokanni lasgun zigste khyozhe namkhe yabbi khyozhaa solras salin."

⁷ "Khyozhe moslam zhu zane, tonmeddi tshigsgun zerin zhan chosluggi migun tsogs maco, ciazerna khouŋgunni sammanog moslam riŋmo zhucespoe Konchoggi

khonḡunni moslambo sanin. ⁸ Khonḡun tsogs maco, ciazerna zhui saḡ sḡunla khyozhe gosdomḡun namkhe yabbi khyenna dzaddanog. ⁹ Khyozhe moslam itsogsla zhus,

'Namkhaa zhugskanni ḡazhe yab,

Nyeraḡḡa ḡog yodkan tshaḡme stsiwa thobshig.

¹⁰ Nyeraḡḡi ḡyalḡid ḡyogspa lebshig.

Nyeraḡḡi thugḡoḡs namkhe naḡḡa ḡubba tsogsla,

I ḡigstennikaḡ ḡubshig.

¹¹ Dirin ḡazhaa gosdommi kharji salla dzad.

¹² Ḋazhei sdigpa cokangunla shagspa salla dzad,

Kazuggi ḡazhe ḡyabgalla sdigpa cokangunla

Ḋazheaḡ shagspa taḡspin.^m

¹³ Tshodlte tusla sdigpa cocesne ḡazhaa skyobbadzad,

Yaḡ ḡanpa shetanne ḡazhaa thar cugga dzad."ⁿ

¹⁴ Yeshui mols, "Galtes khyozhe ḡyabgalla sdigpa cokangunla shagspa taḡḡa, khyozhagunni namkhe yabbiaḡ khyozhagunla shagspa salla dzadin. ¹⁵ Innaḡ galtes khyozhe ḡyabgalla sdigpa cokangunla shagspa mataḡḡa, khyozhagunni namkhe yabbi khyozhe sdigpaḡunla shagspa salla midzad."

Roza dugscessi skor.

6:16 ne 18

¹⁶ Yeshui mols, "Khyozhagun nyenasla dug zane, sdugpo maco, kazug khachospagunni khoranḡunni ldonḡbo sdigpazhig coste nyenasla dugkanbo migunla sḡon cugganog. De khyozhagunla denba zerrad te khachospagunla solras ḡaḡpo thobtsharte in. ¹⁷ Innaḡ khyozhagun nyenasla dug zane ḡa mar skuste ldonḡ thuste dugshig. ¹⁸ Khyozhaa nyenasla dugkanbo suiḡ majalkanni khyozhe yabba mastogs yaḡsuzhigḡaḡ misheshesla te tsogs coshig. Yab Konchoggi khyozhe saḡwe naḡḡa cokaḡbo zigste solras salla dzadin."

^m**6:12** Griissi naḡḡa izug zerinzhig ḡia dzadte dug, "Ḋazhei bulonboa shagspa salla dzad kazuggi ḡazheka bulon yodkangunla ḡazheaḡ shagspa taḡḡe yod.

ⁿ**6:13** gome lokhyelcanni ldeḡgunni naḡḡa "Ciazhuna ḡyalḡid taḡ waḡ taḡ zirrijid ni tusḡyun nyeraḡḡi innog, amen" Griiste midug.

Namkhe naŋŋa nor.**6:19 ne 21**

¹⁹ Yeshui mols, "Khyozharaŋŋi phia jigstennika norgun masagshig. Tegun mugpe zaces taŋ yaa yoŋces matshad ŝkunma yoŋste ŝkuin. ²⁰ Innaŋ khyozharaŋŋi phia namkhe naŋŋa nor sogshig, teru mugpe mizaa yaŋ yaa miyoŋ matshad ŝkunmian miŝku. ²¹ Khyozhe nor yodsa khyozhe snyiŋŋaŋ chagsin."

Zugssi od.**6:22 ne 23**

²² Yeshui mols, "Mig ni zugssi odpo in. Migpo khamzaŋ yodna khyozhe lus gaŋpo oddi gaŋin. ²³ Innaŋ galtes migpo khamzaŋ medna, khyozhe lus gaŋpo muŋdiggi gaŋin. Galtes khyozhe khyozharaŋŋi semssi naŋŋa Konchoggi od yod samkanbo ŋospoa muŋdig inna tene te muŋdigpo tsamshig jigssnaŋcan miyoŋ.

Konchog taŋ gyunor.**6:24**

²⁴ Yeshui mols, "Suzhiggiaŋ sponbo nyissi zhabstog co minyan, cigpoa naphrad yaŋ cigpoa cespa coanog, ya cigpoa snyiŋne zhabstog zhuin yaŋ cigpoa mathadda zhabstog zhuanog. Tenna tsogsla Konchog taŋ nor nyiskoa zhabstog zhu minyan."

Tsher matsher.**6:25 ne 34**

²⁵ "Teboephia ŋe khyozhaa zerrad, ci zen, ci thuŋin ya zugsla ci gonin samste raŋŋi mitshee phia tsher matsher. Zanni saŋ ŝogpo yaŋ Kossi saŋ luspo khagchea manogga? ²⁶ Nammi cagunla stossaŋ, tegunni zhiŋ tabba ya zhiŋ rŋaa ya baŋŋe naŋŋa do sagga midug, innaŋ khyozhe namkhe yabbi tegunla zan salla dzaddug. Tegunni saŋ khyozhaa maŋŋa rin michea? ²⁷ Khyozhaa suzhiggi tsherkha coste khyozhe mitshe naŋŋa chutshod cig skyed thubinna?"

²⁸ "Koslaggi phia cia tsherrad? Spaŋthaŋŋi mentoggun kazuggi ldandug stosshig, tegunni las coa ya Baal khalte Kos thagga midug. ²⁹ Innaŋ ŋe khyozhaa zerrad, gyalpo Solomon, khoraŋŋi spalli naŋŋa maŋagpo koslag gonnaŋ te mentoggun tsogs ldemo taŋ dzespo thonŋa medpin. ³⁰ Galtes Konchoggi diriŋ yodkan thore mea ŝagga phaŋcescanni spaŋthaŋŋi mentoggunla tetsogssi koslag skon thubbadna,

tatpa uthugscan Konchoggi khyozhagunla tegunni saŋ koslag tagpo skonna midzadda?"

³¹ "Teboephia 'Dadaŋ ci zen ya ŋadaŋ ci thuŋin ya ŋadaŋ ci gonin' zerte tsherkha maco. ³² Zhan chosluggi migun te tshaŋme stiŋraŋne baŋtaŋŋanog, yaŋ khyozhe namkhe yabbi khyozhe tetsogs gosdomgun khyenna dzaddanog. ³³ Innaŋ goma khyozhagun Konchoggi gyaŋsid taŋ mitshe ɗaŋpo phudcessi stiŋraŋne baŋtoŋshig, tene khoŋŋi teka nante khyozhe zhan gosdomgunnaŋ salla dzadin."

³⁴ Thore phia diriŋ tsherkha macoshig ciazerna thore cuŋcessi tsherkhagunni skorla samba thore taŋnyannanog. Diriŋŋi tsherkha diriŋŋi phia tsam thathadinnog.

Zhanmaa skyonrjod micoces.

7:1 ne 5

7 ¹ Yeshui mols, "Khyozhe zhanmaa skyonrjod maco tene khyozhaŋ skyonrjod midzad. ² Kazug tshulla khyozhe zhanma skyonrjod cos tenna tshulla khyozhaŋ skyonrjod dzadin, khyozhe kolkanni tshadpo khyozhagunni phiaŋ kolla dzadin."

³ "Khyozhe raŋŋi miggi naŋŋa yodkanni rduŋmaboa naŋstag coa medna tene spunni miggi naŋŋa yodkanni shiŋpheboa cia stad? ⁴ Khyoraŋŋi spunla, ŋe khyoraŋŋi miggi naŋne shiŋphebo phiŋin zercessi hampa kazuggi coad, nam tus gaŋpo khyoraŋŋi miggi naŋŋa rduŋmabo yod. ⁵ Khyozhaa khachospagun, sŋunla raŋŋi miggi rduŋmabo phiŋ, tene spunni miggi naŋne shiŋphebo phiŋŋala khyozhaa salpo coste thoŋ thubin."

Dampe ka snaŋmed cokan.

7:6

⁶ Yeshui mols, "Dampa inkanbo khyigunla mataŋ galtes taŋna tegun khyozha chogsla gyurte ŋaŋte thamsin. Mutig rincan phaggunni dunla maphaŋ galtes phaŋna phaggunni tebo kaŋpe yogga nante ɗulin.

Zhuces, tsalces taŋ gho rduŋces.

7:7 ne 12

⁷ Yeshui mols, "Zhuin dug khyozhaa salla dzadin, tsalin dug khyozhaa thobcugga dzadin, gho rduŋin dug phea dzadin. ⁸ Zhukan tshaŋmala salla dzadin, tsalkan tshaŋmala thobin, yaŋ gho rduŋkan tshaŋmala phea dzadin." ⁹ "Khyozhagunni ɗone sui raŋŋi butshe tagi toŋ zerna rdaa taŋin? ¹⁰ Ya ɗugui nya toŋ zerna, rul

tañin? ¹¹ Khyozhagun sdigcan ininnañ raññi ÷ugua phanthogscan tañcespo shesna tene khyozhe namkhaa zhugskanni yabbi mañña phanthogscan khoñña zhuwa zhukangunla misalla?

¹² Zhanme khyozhaa cogos samkan tsogs khyozhagunniñañ citshañme nañña zhanmagunla cos, teboe kathims tañ luñstonpagunni Griiskangun ÷anðaa ÷ub cugganog."

Gyasgho nyis.

7:13 ne 14

¹³ Yeshui mols, "Gyasgho ÷amone zhugsshig ciazerna thestor chogsla chakanni lam tañ gyasgho zhañcan tañ ÷ulcesla lamo yodte innog yañ tenañña mi mañpo zhugste chanog. ¹⁴ Innañ thamedpe mitshee chogsla thidkanni gyasgho ni ÷amo yañ lam ni kagspo yodte innog, tsalkanni mi nyuñunzhigga mane te lambo mithob."

Lcañma tañ teboe ÷asbu.

7:15 ne 21

¹⁵ Yeshui mols, "Luñstonpa zusmagunni kane shañ coshig, nodpa miskyalanni lugua zuste khoñgun khyozhe ÷oa yoñin, innañ semssi nañña khoñgun nodskyal jigssnañcanni shañku tsogs yodte innog. ¹⁶ Khoñgunni ÷asbu gyudte khyozhe khoñgun shesin. Khyozhagunni ci sammarañ, khyozhe tshernaññi kane rgunni khazas ya ljañtserri kane phiggi khazas tunyaninna? ¹⁷ Tenna tsogsla lcañma zañpzhigga ÷asbu zañpo sminnanog yañ lcañma ñanpazhigga ÷asbu ñanpa. ¹⁸ Lcañma zañpone ÷asbu ñanpa mismin yañ lcañma ñanpane ÷asbu zañpo mismin. ¹⁹ ÷asbu zañpo masminanni lcañma, cadte mea tabba dzadin. ²⁰ Khoñgunni ÷asbu gyudte khyozhe khoñgun shesin."

Denbe lobtuggun.

7:21 ne 23

²¹ Yeshui mols, " 'Ñaa, Tsoole, Tsoole,' zerkangunni nañne tshañma namkhe gyañiddi nañña cha minyan, namkhaa zhugskanni ñe yabbi thuggoñs ÷ubcugkangun cigpo chanyanin. ²² Konchoggi thimscaddi zhagga mi mañpoe ñaa zerin, 'Tsoole, Tsoole, ñazhe nyeraññi tshanni nañña luñstan shadpin, migunni nañne rdudgun phiñspin, yañ halasshessi dzadpa mañpo stanpin.' ²³ Tene ñe

khoṅgunla zerin, 'Ñe khyozhaa shessamed, las ṅanpa cokangun ṅe kane thagriṅṅa soṅ'."

Stsigson nyis.

7:24 ne 27

²⁴ Yeshui mols, "Ñe speragun nyante teka laglen cokan tshaṅma, khoranṅi khaṅpa ḍaggika stsigkanni stsigson khaspa tsogs in. ²⁵ Charpa babste, chulog taṅ luṅspo shedcan yoṅte khaṅpaa phognaṅ, tebo rdib mi rdib ciazerna tebo ḍaggika stsigste innog. ²⁶ Ñe zerkangun tshorte laglen macokan tshaṅma, khoranṅi khaṅpa pemeka stsigkan ldadpa medkan mi tsogs in. ²⁷ Charpa babste chulog taṅ luṅspo shedcan yoṅste khaṅpa phogna tebo rdibste pad medkan chen."

Yeshui waṅcha.

7:28 ne 29

²⁸ Tsoo Yeshui molcesgun mol tsharracig, mimaṅsgun khoṅṅi labzhagunnika halas, ²⁹ ciazerna khoṅṅi labzhagun chosthimsla khaspagun tsogs medpa, waṅcha nyampo salladpin.

Dzenadcanzhig phancugga dzads.

8:1 ne 4

8 ¹ Tsoo Yesu rine yogga babste skyod zane, mitshogs chenmozhig khoṅṅi stiṅraṅne yoṅs. ² Dzenadcanni mizhig Tsooe dunla yoṅs yaṅ pigdoṅ tsugste zers, "Tsoole, nyeraṅ thugsthadna ṅa gyalcugste stsaṅma dzad nyannanog."

³ Yeshui chag ṣkyaṅste khoa thugcugga dzadte mols, "Ña khyoraṅ gyal cugte stsaṅma coa thaddarag.", tennamalla dzenadpo medkan soṅ. ⁴ Tene Yeshui te miboa mols, "Suaṅ mashad, innaṅ soṅte raṅṅi zugspo lama ston yaṅ luṅstonpa Mozessi ka salkan naṅzhin Konchogga chodpa phul, tebo migunla khyoraṅ stsaṅma chakanni spaṅpo in."

Maggye sponboe tatpa.

8:5 ne 13

⁵ Tsoo Yesu Kapharnahummi ḍoṅkhyerri naṅṅa cab lebbacig, Rommi maggye sponbozhig khoṅṅi dunla yoṅste rogs dzadcesla zhus, ⁶ "Tsoole, ṅe yogpoa zaphogte khaṅpaa zumo ṣaṅte yoṅin yod."

⁷ Yeshui mols, "Da yonste kho phancugin."

⁸ Maggye sponboe zers, "Tsoole, nyeraŋ ɲe khaŋpa skyodcessi ospa ɲa man. Innaŋ nyeraŋɲi ka salna ɲe yogpo phanin. ⁹ Waŋche yogga ɲaŋ duggad yaŋ ɲe waŋche yogga magmigun yod. De cigga soŋ zerna chanog yaŋ cigga yoŋ zerna yoŋɲanog, yaŋ ɲe yogpoa i laspo cos zerna coanog."

¹⁰ Yeshui tebo sannacig halaste khoŋɲa ɗaŋste yoŋkanni migunla mols, "De khyozhaa denbaa zerrad, Israelli naŋɲa ɲa itsogssi tatpacanzhig mane mathob.

¹¹ De khyozhaa zerrad, Yahudapa mankan maŋpo shar taŋ nubne yoŋste, namkhe gyaɗɗiddi naŋɲa dontaŋɲi phia ɲadaŋɲi phamespo Abraham, Isak taŋ, Yakob nyampo raŋɲi nasseka dugin. ¹² Innaŋ Israelpa kagunni phia namkhe gyaɗɗidpo ɗalɗig coa dzadte inpin khoŋgun philogga mundiggi naŋɲa phaŋɲa dzadin, teru nags ɗaŋte zhaste ɲuces taŋ so ɗigces yoŋin."

¹³ Tene Yeshui maggye sponboa molla dzads, "Soŋ, khyoraŋɲi tatpa cokan naŋzhin khyoraŋɲi yogpo gyalin." Yeshui molkanni tenna tustshotpoeka yogpoe zumo gyals.

Yeshui mi maŋpo phancugga dzads.

8:14 ne 17

¹⁴ Tsoo Yeshu Pitarri khaŋpa skyoddacig, khoŋɲi Pitarri name ama tshad yoŋste maltse naŋɲa dugste zigs. ¹⁵ Yeshui khoe lagpaa chagthugga dzad pasaŋ tshadpo medkan soŋ, kho laŋste khoŋɲa zhabstog zhus.

¹⁶ Tenna phitog migunni rdud zhugskan maŋpo khoŋ yodsa ɗhidte khyoŋs, khoŋɲi "Biŋ" molte ka sal pasaŋ rdudgun biŋs yaŋ zumo yodkan tshaŋma phancugga dzads. ¹⁷ Mashike skorla luŋstonpa yeshaye ɗia dzadkanbo ɗaŋɗa ɗubcesla Yeshui tegun dzads. Yeshaye Griiskanbo ni,

"Khoŋɲi ɲadaŋ nadne skyobba dzads,
Yaŋ zumone phancugga dzads."

Yeshua ɗaŋshes lamo man.

8:18 ne 22

¹⁸ Tsoo Yeshui, khoŋɲa skorkanni mitshogspo zigssacig, khoŋraŋɲi lobɗuggunla tshoe pharka chacesla ka salla dzads. ¹⁹ Chosthimsa khaspazhig yoŋste zers, "Lobponle, nyeraŋ karu skyodnaŋ ɲa nyeraŋɲa ɗaŋste yoŋin."

²⁰ Yeshui lansals, "Watsei watshaṅs taṅ, namkhe ca catshaṅs yodte innog, innaṅ ṅa mirigssibua go borte ṅaltshocessi nassaṅ med."

²¹ Zhan lobṭugzhiggi zers, "Tsoole, sṅunla ṅa khaṅpa soṅte ṅaraṅṅi aba shite subcessi phia ḍaldig cocesla goṅspa sal."

²² Yeshui mols, "Ḍe stiṅraṅne ḍoṅs, yaṅ semsnyiddi thogne shikangunla khoranṅunni shikangun subcug."

Yeshui luṅrag medkan dzads.

8:23 ne 27

²³ Tene Tsoo Yeshu ṭuziṅṅi naṅṅa zhonna dzads yaṅ lobṭuggun khoṅ nyampo soṅ.

²⁴ Hunmedla namtshubste tshoe naṅṅa luṅrag tagpo yoṅcespoe chulbag ṭuziṅṅi naṅṅa lebnaṅ, Yeshu nalzimste yodpin. ²⁵ Lobṭuggun soṅte Yeshua nyidtshadda dzadte zers, "Tsoole, Tsoole, ṅazhagun chui naṅṅa nubte shices dug. Skyobba dzaddaṅ."

²⁶ Yeshui lan sals, "Tatpa chuṅuncan, cia jigssad?" Khoṅ zhaṅste, luṅrag taṅ chulbag gunla khashyeya dzadpa tennamalla tegun medkan soṅte tshoe naṅṅa pad zhide cuṅ.

²⁷ Khoṅgun halaste zers, "Khoṅ kazug mizhig inhe? Luṅspo taṅ chulbag gunniaṅ khoṅṅi khaa nyandug."

Rdud zhugskan nyis phancugga dzads.

8:28 ne 34

²⁸ Tsoo Yeshu taṅ khoṅṅi lobṭuggun tshoe pharka, Gerasenni yuljoṅsla lebbacig, Romkhaṅṅi nassane biṅste yoṅin yodkan rdud zhugskan nyis Yeshua thug. Khoṅgun ma nodskyal jigssnaṅcan yodcespoe suzhiggaṅ te lamne chathubba medpin.

²⁹ Khoṅgunni kuco saṅte taṅin zers, "Konchoggi saṅ nyeraṅ ṅazhe lassi naṅṅa cia ḍessad?. Konchoggi ldamma dzadkanni thimscaddi tuspoe saṅ sṅunla ṅazhaa nags stannala skyodpinna?"

³⁰ Khoṅgun yodse saṅ tsapig thagriṅṅa phaggi khyu chenmozhibig stsa zen yodpin.

³¹ Rdudgunni Yeshua juju zhuin, "Galtes nyeraṅṅi ṅazhaa khoṅgunni naṅne phiṅna, ṅazhaa a phaggunni naṅṅa chacugga dzad" zers.

³² Yeshui khoṅgunla "Soṅshig" molpa, tegun biṅte phaggunni naṅṅa zhugsacig, phaggi khyu gaṅpo rine thurla baṅtaṅste tshoe naṅṅa soṅ yaṅ chui naṅṅa nubte shi.

³³ Phagtshokan ðoŋkhyerla baŋtaŋste soŋ, yaŋ rdud zhugskangunla cuŋkan tshaŋma migunla shads. ³⁴ Tene ðoŋkhyerpa tshaŋma Yesu jalla yoŋs, yaŋ Yesu jallacig, khoŋgun ŝante jigs pasañ khoŋŋa juju khoŋgunni yulne biŋte skyod zers.

Zaphogkanzhig phancugga dzads.

9:1 ne 8

9 ¹ Tsoo Yesu tuziŋŋa zhonte tshoe pharka khoŋraŋŋi ðoŋkhyerla skyodda dzads. ² Teru mi khaciggi zaphogkanzhig maltseka khurte Yesu yodsa khyoŋs. Khoŋgunni mibo gyalcugcessi tatpa cokaŋbo Yeshui zigste khoŋŋi zaphogkaŋboa mols, "Butsha semsde cos, ŋe khyoraŋŋi sdigpagunla shagspa taŋŋad."

³ Tebo tshorracig choŝthimsla khaspa khaciggi semssi naŋŋa sams, "I miboe dadlog cos."

⁴ Khoŋgunni samkaŋbo Yeshui khyente mols, "Khyozhe khyozharaŋŋi semssi naŋŋa semsŋan cia sammad. ⁵ Ci sammarag, 'Khyoraŋŋi sdigpaa shagspa taŋste in' zercespo lamo innogga ya 'Laŋste ðul' zercespo? ⁶ Innaŋ mirigssibua jigstennika sdigpaa shagspa taŋcessi waŋchaa yodkaŋbo khyozhaa stanin" tene Yeshui zaphogkaŋboa mols, "Loŋs, raŋŋi maltsa khurte khaŋpa soŋ."

⁷ Kho laŋs yaŋ khaŋpaa soŋ. ⁸ Mitshogssi tebo thoŋŋacig, stsiwa taŋ jigssi naŋŋa, mia itsogssi waŋchaa salla dzadcesla Konchogga stodpa phuls.

Madthaa bodda dzads.

9:9 ne 13

⁹ Tsoo Yesu tekane skyodin yod zane, Madtha thalnense nasseka dugste yodda zigs yaŋ khoŋŋi khoa mols, "De stiŋraŋne ðoŋs." Kho laŋste Yeshui stiŋraŋne ðaŋs.

¹⁰ Stiŋne Yesu madthe khaŋpa goŋzan donnala skyodte yodtus, thallenkan taŋ zhan sdigcan mi maŋpoaŋ Yesu taŋ lobtuggun nyampo kharji zala yoŋste yodpin.

¹¹ Pharushipagunni tebo thoŋŋacig, khoŋgunni Yeshui lobtuggunla tis, "Khyozhe lobpon, thallenkan taŋ sdigcan migun nyampo cia dontaŋ donnanog?"

¹² Yeshui tebo sannacig, khoŋŋi mols, "Zumo yoŋkanzhigga mane khamzaŋ mizhigga amchi gossa manog. ¹³ Soŋ yaŋ Konchoggi, 'Chodpa phulces manpa, cig taŋ cigga snyiŋrje stancespo ŋe dodpa in' molkaŋni tonbo ci in hagogessi stsonðus cos. Naŋa khyozha ðaŋpo in samkaŋgunla manpa, sdigcaŋgunla bodda yoŋspin."

Snyiṅpa lugṣolgun Yeshui soma labzhagun nyampo maṣe.

9:14 ne 17

¹⁴ Tene Yohananni lobṭuggun Tsoo Yeshu yodsa yoṅste khoṅṅa ṭis, "Ḍazhaa taṅ pharushipagun nyenasla lan maṅpo duggad, innaṅ nyeraṅṅi lobṭuggun cia nyenasla dugga manog?"

¹⁵ Yeshui lansals, "Bagstonni naṅṅa magpa nyampo yod zane khoe ḍonpogun sdugpo coinna? Mico. Tuspo lebin nam magpa ḍonpogunne pheste khyerin, tene khoṅgunni sdugpo coste nyenasla dugin."

¹⁶ "Suzhiggiṅ koslag snyiṅpazhigga ras some lanba tabba manog, galtes tabna Kos ṭhuacig lanba somabo khoṅste Kos chadkanbo maṅṅa thua coanog."

¹⁷ "Tenna tsogsla chaṅ soma pagspe skyapa snyiṅpe naṅṅa milug. Galtes lugna chaṅboa skyur laṅste pagspe skyapa boste chadin, chaṅ bote skyapaṅ dodmed chen. Innaṅ chaṅ soma pagspe skyapa some naṅṅa lugna chaṅ taṅ pagspa nyisko skyobin.

Zumo yodkanni bumo taṅ bumo chuṅun shikan.

9:18 ne 26

¹⁸ Tsoo yeshi tegun molin yodtus, Yahudape dukhaṅṅi uskyoṅzhig yoṅste pigdoṅ tsugste khoṅṅa zers, "Ḍe bumo dagsaraṅ shi, innaṅ nyeraṅ skyodte nyeraṅṅi chag khoeka borra dzadna, kho sonin."

¹⁹ Yeshu taṅ khoṅṅi lobṭuggun zhaṅste uskyoṅ nyampo skyodda dzads. ²⁰ Tenna tusla budkanni lo rcugnyisne pharla tusgyun zugspo zhigcessi zumo yoṅskanni bumozhig Yeshui gyabne yoṅste khoṅṅi namze ṭuzhigga lagpa tugs. ²¹ Khoe khorāṅṅi semssi naṅṅa sam, "Galtes khoṅṅi namzaa lagpa thugna ṅe zumo gyallanog."

²² Yeshu gyurra dzadte bumoa zigs, "Bumo, semste cos. Khyoraṅṅi dadpe khyoraṅ phancugste in", tennamalla khoe zumo gyal.

²³ Yeshu uskyoṅṅi khaṅpe naṅṅa skyoddacig liṅbu phukangunni nyaṅanni nyags phuṅin yaṅ migun kuco taṅin ṅuin zigs. ²⁴ Yeshui khoṅgunla mols, "Biṅte soṅ, bumobo mashia nyidlogste in", innaṅ khoṅgunni thelgod taṅs. ²⁵ Khoṅgun philogga phiṅste stiṅne Yeshu bumo yodse naṅṅa skyodte, khoe lagpaa thamssacig, bumoa ṣog logste thob yaṅ koag laṅs. ²⁶ Yaṅ te nastshulbo yul gaṅpoe naṅṅa phel.

Zhara tañ handaṅ gun phancugga dzad.

9:27 ne 34

²⁷ Bumoe khaṅpane Tsoo Yeshu biṅte skyod zane, zhara nyis khoṅṅi stiṅraṅne yoṅste kuco taṅin zers, "Gyalpo Dabiddi phorgyud^o ṅazheka snyinṅrje dzad."

²⁸ Yeshu khaṅpe naṅṅa skyoddacig, zhara nyisko khoṅ yodsa yoṅs. Khoṅṅi mols, "Ḍaa, khyozhaa phancug nyanin samte idshes coadda?" Khoṅ nyiskoe "Ḍazhe idshes coad" zers.

²⁹ Tene Yeshui khoṅgunni miggika chag borte mols, "Khyozhaa idshes yodkan naṅzhin ḍubshig." ³⁰ Khoṅgunni mig gyalte thoṅthub yaṅ Yeshui khoṅgunla, "Iboe skorla suaṅ mashad" molte spaṅ pudda dzads. ³¹ Innaṅ khoṅgun philogga soṅte yuljoṅs gaṅpoe naṅṅa Yeshui khoṅgunla dzadkanni nastshulbo phelcugs.

³² Khoṅ nyisko chaa tsharracig, rdud zhugskan handaṅzhig Yeshu yodsa khyoṅs, ³³ yaṅ rdudpo phiṅṅacig, handaṅboe spera taṅs. Mitshogs halaste zers, "Israelli naṅṅa itsogshig mane mathoṅ."

³⁴ Innaṅ pharushipagunni zers, "Rdudgunni gobe khoa rdudgun phiṅcessi khyud taṅste innog."

Lasmii gosdom.

9:35 ne 38

³⁵ Tsoo Yeshu ḍoṅkhyer taṅ gamyul tshaṅmala skyodte, dukhaṅgunni naṅṅa labzha salin namkhe gyalṣiddi gamoe nastshulbo shadda dzads, yaṅ zumo taṅ nad tshaṅma phancugga dzads. ³⁶ Khoṅṅi mitshogspo zigssacig, khoṅgunnika snyinṅrje skyes ciazerna khoṅgun nags thoṅkan yaṅ rogs mathobkan, lugsdzi medkanni lug tsogs yodpin. ³⁷ Tene Yeshui lobṅuggunla mols, "Stonthog chenmozhiṅ rṅa chogchog dug, innaṅ stonthog rṅakanni lasmi ma nyuṅunzhig mane midug.

³⁸ Teboephia stonthoggi dagpo Konchogga stonthog rṅakanni lasmi maṅṅa kalla dzadcesla zhuwa phul."

^o9:27 gyalpo Dabiddi phorgyud zercespo ni Yahudapagunni zer tshulla Konchoggi damcha dzadkanni skyabgon inkanbo hagoanog.

Yeshui skutshabs rcugnyis skoa dzads.

10:1 ne 4

10¹ Khoŋŋi lobtug rcugnyispoa bodda dzadte, khoŋgunla rdud zhugskangunni naŋne rdud phiŋces taŋ nad taŋ zumoe rigs tshaŋma gyalcugcessi waŋcha salla dzads. ² Skutshabs rcugnyissi miŋgun, taŋpo Shimon (Kaboia Pitarraŋ zerrad). Yaŋ khoe no Enđriu, zebeddii butsha Yakob taŋ khoe no Yohanan, ³ Philip, Bartholma, Thomas, thallenkan Madtha, Alphaiussi butsha Yakob, Thaddaus, ⁴ Shimon (Yuldadcan) taŋ Yuda karyodpa, khoe Tsoo Yeshua stiŋne ŋolog cos.

Yeshui skutshabs rcugnyispo lamcugga dzads.

10:5 ne 15

⁵ Tsoo Yeshui skutshabs rcugnyispoa i labzhagun salla dzadte lamcugga dzads, "Yahudapa mankangunni toa machaa ya samarriye doŋkhyergunni naŋŋa mazhugs, ⁶ Konchoggi storkanni lug, Israelpagunnika soŋ. ⁷ Khyozha chaa zane 'Namkhe gyalšid nyemoa dug' zerin lon zaŋpobo shod. ⁸ Yaŋ nadpagun gyalcug, shikangun soncug, dzenad yoŋkangun gyalcugste stsaŋma cos, rdud zhugskangunni naŋne rdudgun phiŋ. Te waŋcha khyozhagunla chonla thobste in pasaŋ lasgun chonla cos. ⁹ Besla cha zane skegui naŋŋa ser ya mul ya raganni pene, ¹⁰ ya jola ya koslag theba ya pabu ya dulcessi phia berga makhur ciazerna las cokangunla gossdomgun thobces ospa innog."

¹¹ "Doŋkhyer taŋ gamyul karu lebnaŋ, thadpo nyampo gasus zhukanzhig tsalte te doŋkhyerne chacha tshagpa khoe khaŋpe naŋŋa dug. ¹² Te khaŋpe naŋŋa zhugs zane Konchogga khoŋgunla zhide cinlabs salcesla zhus. ¹³ Galtes khoŋgun teboe ospa yodna Konchoggi zhide salla dzadin, innaŋ ospa medna te zhidebo khyozhaa salla dzadin. ¹⁴ Galtes khaŋpa ya doŋkhyerzhiggi naŋŋa suzhiggiaŋ khyozhaa gasus macona ya khyozhe zerkanboa manyanna, te doŋkhyer ya khaŋpane biŋ zane raŋŋi kaŋpe thalba ŋug. ¹⁵ Ne khyozhagunla denba zerrad Konchoggi thimscaddi zhagga, Sodom taŋ Gamora doŋkhyerri miŋanpagunni saŋ te doŋkhyerri migunla chadpa maŋŋa ŋante phogin."

Yeshui lobtuggunla sdugsnal thonces.

10:16 ne 25

¹⁶ Yeshui mols, "De khyozhaa shanjui toa lug tsogsla lamcuggad. Teboephia rul tsogs khaspa tan nodpa matanjan phurgon tsogs gyur. ¹⁷ Migunni kane shan coste dug, ciazerna khyozhaa tenna yulli wanşulpe sde thusmigunni lagga stadte dukhangunni nanja stallcag gyabcugin. ¹⁸ Khyozhaa neka tatpa yodcespoe thimscaddala kalon tan gyalpo gunnika khyerin. Tedus khyozhaa nja su inkanboe spanpo wanşulpa tan tatpa medkan gunla tancessi skabs thobin. ¹⁹ Khongunni khyozha wanşulpe lagga staddacig, ci zerin ya kazuggi zerin samte tsher matsher, ciazerna tenna tusla khyozhaa rerea zercessi tshigsgun salla dzadin. ²⁰ Tedus spera zerkanbo khyozhaa manpa khyozhe nanja yodkanni yab Konchoggi thugnyiddi khyozhaa gyudte mollarog."

²¹ "Acogunni nogunla yan abe butshaa yan tugi phamagunla nolog coste sadcugin. ²² Khyozhaa neka tatpa yodcespoe mitshanme khyozhagunla naphrad coanog. Innan thama tshogpa dadpe nanja stanpo luskangunla Konchoggi thamedpe mitshe salin. ²³ Yulzhiggi nanja khyozhaa nagsbardo stanna yan yulzhigga shorte soj. De khyozhaa denba zerrad, Israelli donkhyer tshanme nanja khyozhaa las cotsharri san sjonla mirigssibu logste yonin."

²⁴ Yeshui mols, "Lobtug lobponni san tagga, yan yogpo sponboe san tagga manog. ²⁵ Innan lobtug lobpon tsogs yan yogpo sponbo tsogs gyurnyannanog. Galtes nja sponbo in innan nja Belzebul yan rdudi goba zerradna, tene khyozhaa ne lobtug incespoe manja nanpa mizerra?"

Migunla manpa Konchogga jig.

10:26 ne 33

²⁶ Yeshui mols, "Khyozhaa jigssanjan stankangunla majigs, ciazerna tuspo lebin nam Konchoggi kabste borkan tshanma phinjan dzadin ya vaste borkan tshanma migunla sjon cugga dzadin. ²⁷ De khyozhagunla mundiggi nanja shadkangun nyime oddi nanja shod, khyozhe namchoggi nanja shubste ne shadkangun kharpe khethogne kuc tanste shod."

²⁸ "Semsnyid manpa lus cigpo sad nyankangunla majigs, innan nyalwe nanja pharste lus tan semsnyid nyisko medkan dzadnyankanni Konchogga jigs. ²⁹ Cipa nyis penchun cigga tsonjan midugga? Innan namtshogpa namkhe yabbi gonspa

misal cipa ciggaŋ seka mibud. ³⁰ Khyozhe goeka yodkanni ŧe ɗaŋskaŋ khoŋŋi khyenna dzaddanog. ³¹ Tennaboephia jigs majigs, Konchoggi skundunla cipa maŋpoe saŋ khyozhaa cig maŋŋa rinchea innog."

³² "Migunni dunla, Yeshu ŋe Tsoo in zerkan tshaŋmaa ŋeaŋ ŋe yab namkhe naŋŋa zhugskanni skundunla khoŋgun ŋe denbe lobtuŋ in zerin. ³³ Innaŋ migunni dunla ŋaa misheszun taŋkan tshaŋmaa ŋeaŋ ŋe yab namkhe naŋŋa zhugskanni skundunla khoŋgun mishes zerin."

Zhide manpa nolces.

10:34 ne 39

³⁴ Yeshui mols, "Khyozhe ŋa jigstennika zhide khyoŋŋa yoŋste innog masamshig. Na zhide manpa nolcuggala yoŋste in. ³⁵ Ciazerna, ŋaa tatpa cocespoe

Butshe raŋŋi abaa ŋolog coin,

Yaŋ bumoe raŋŋi amaa ŋolog coin,

Yaŋ butshe name raŋŋi magpe amaa ŋolog coin,

³⁶ Mizhiggi ɗao, khoranŋi naŋmigun gyurin. ³⁷ Raŋŋi aba ya amaa ŋe saŋ maŋŋa yasha cokanbo ŋe lobtuŋ gyurcessi ospa man, yaŋ raŋŋi butsha ya bumoa ŋe saŋ maŋŋa yasha cokanbo ŋe lobtuŋ gyurcessi ospa man. ³⁸ Raŋŋi sdugsŋalli ŧkyaŋshin khurte ŋe stiŋne maɗaŋskanbo ŋe lobtuŋ gyurcessi ospa man. ³⁹ Raŋŋi mitshea thamste dugkangunni denbe mitshe skyalin, innaŋ ŋe phia khoranŋi mitshe skyalkangunla denbe mitshebo thobin."

Solras.

10:40 ne 42

⁴⁰ Yeshui mols, "Khyozhaa gasus cokangunni ŋaa gasus coste innog, yaŋ ŋaa gasus cokangunni, ŋa kalla dzadkanboa gasus zhuste innog. ⁴¹ Konchoggi ka shadkan incespoe luŋstonpa gasus zhukangunla luŋstonpa thobkan tsogs solras thobin. Yaŋ ɗaŋpo incespoe mizhigga gasus zhukangunla mi ɗaŋpozhiŋga thobkan tsogs solras thobin. ⁴² Ne khyozhaa denba zerrad ŋe lobtuŋ nyamshuŋzhigga chu ɗaŋmo kore gaŋ taŋkangunla tantanla solras salla dzadin."

Yeshu tañ thussalkan Yohanann.**11:1 ne 19**

11 ¹ Tsoo Yeshui lobtug rcugnyisla labzha sal tsharte stiñne, khoñ tekane labzha salces tañ chosshaddala Galillii yuljoñssi ðoñkhyergunla skyods.

² Yohananni tsonkhaññi nañña, mashike halasshessi dzadpa dzadkangun tshorracig, khoñraññi lobtuggun Yeshu yodsa, i tiwabo ñiala lamcugs,

³ "Luñstonpagunni skyodin molkan Mashika nyerañ zhugste inna ya ñazhaa yañzhigga şuñ?"

⁴ Yeshui lansals, "Logste soñ yañ khyozhe tshorkan tañ thoñkangun Yohananna shod. ⁵ Zharagunla thoñ, zhaogun ðuls, dzenadcangun gyalte stsañma soñ, matshorkangunni tshor, shikangun sontea lañs, yañ nyalbacangunla gamoe nastshul shads. ⁶ Khoa shod, ñe cokangunni zhaste ñaa maphañkangunla cinlabs salla dzadin."

⁷ Yohananni lobtuggun logste chacig, Yeshui mitshogsla Yohananni skorla molces gozugs, "Khyozhaa ristoññi nañña kazug mizhigga stala soñpin? Chui thame ljañspa luñspoe skulla tsogsla, labzhe nañña tusgyun gyurja khyoñkan zhigga? ⁸ Galtes manna khyozhagun ci stala soñpin? Mi koslag jampo tañ rincan gonkanzhig khyozhagunni thoñña? Mathoñ. Kos rincan gonkangun gyalpoe kharla dugganog. ⁹ Khyozhaa luñstonpazhigga stala soñpinna? Ona, kho luñstonpa sañ taggazhig in. ¹⁰ Dampe suñrabssi nañña khoe skorla Konchoggi molla dzadte dug, 'Stos, khyoraññi sañ şunla ñe ñaraññi lonkhyerkanbo kalin.

Khoe khyoraññi phia lam ðaldig coin.'

¹¹ Ñe khyozhaa denba zerrad, dagsa tshogpa skyeskan migunni nañne Yohanann thussalkanni sañ taggazhig suañ medpa innog, innañ namkhe gyalşiddi nañña chuñshogpo Yohananni sañ tagga in. ¹² Thussalkan Yohananni chosshadces gozugspane dagsa tshogpa Konchoggi wañ nyampo khoñraññi gyalşidpo gyasshugga dzadin innog, innañ nodskyal mi ñangunni teboe gyabgalla nolin innog. ¹³ Yohanann yoññi sañ şunla namkhe gyalşiddi skorla kathimssi specha tañ luñstonpa tshañme luñstan shadda dzads. ¹⁴ Galtes ñe zercespoa idshes coa thadna, Yohanann ni Eliya in kabo luñstonpagunni yoñin molte inpin. ¹⁵ Namchog yodkangunni ñe zerkanla nyonshig."

¹⁶ "Ñe i Mirabspo su nyampo ldur? Thomssi nañña dugkanni tuggun tsogs kagunni dzaogunla bodin zerdug,

¹⁷ Dazhe liṅbu phusteaṅ khyozhaa mastses.

Dazhe shadpa taṅ zane khyozhe nyaṅaṅ macos.

¹⁸ Tenna tsogsla Yohanan yoṅste zan mazos ya chaṅ mathuṅspa migunni khoe naṅṅa rdud zhugste innog zers. ¹⁹ Mirigssibu yoṅte zan zoste chaṅ thuṅspa, khyozhe kho zen dugkan taṅ raroṅte dugkan yaṅ ṭhallenkan taṅ sdigcan gunni dzao innog zers. Innaṅ ṅazhaa Konchoggi shesrabssi lammika ḍulkanbo ṅazhe lassi ḍasbugunni stanin.^P

Tatpa medkangunla ṭhimscadda dzadin.

11:20 ne 24

²⁰ Tene Tsoo Yeshui khoṅṅi halasshessi dzadpa maṅpo stanna dzadkanni gyalsagunni gyabgalla mols, ciazerna tenaṅṅa yodkangunni sdigpa spaṅste gyodpa macos. ²¹ Korazinpa taṅ Bedsedapa gun khyozhagunla tsamshiggi jigṅaṅ manog. Galtes khyozhe naṅṅa stankanni dzadpagun, Thayir taṅ Sidon ḍoṅkhyer ṅanpagunni naṅṅa stanpinna, khoṅṅunni sdigpa spaṅste gyodpa coste buri gonte, Gogthal yogin sdugpo coste yodḍo. ²² Innaṅ ṅe khyozhagunla zerrad Konchoggi ṭhimscaddi zhagga, Thayir taṅ Sidon ḍoṅkhyerri migunni saṅ khyozhaa chadpa maṅṅa ṣaṅṅe phogin."

²³ "Wa Kapharnahumpagun ci khyozhaa stsiwa taṅste namkhaa thenna dzaddanog samma ragga? Mane mithen. Khyozhagun nyalwe naṅṅa phaṅṅa dzadin. Galtes khyozhagunla stanna dzadkanni dzadpagun ṅanpa Sodompagunla stanpinna gyodpa coste khoṅṅun daga tshogpa i jigstennika luste yodḍo. ²⁴ Innaṅ ṅe khyozhagunla zerrad Konchoggi ṭhimscaddi zhagga, Sodom ḍoṅkhyerri migunni saṅ khyozhaa chadpa maṅṅa ṣaṅṅe phogin.

Dalkangunla ṅaltsho salin.

11:25 ne 30

²⁵ Tenna tusla Tsoo Yeshui moslam zhuin mols, "De yab namkhaa taṅ jigstenni Tsoole, ṅe nyeraṅṅa stodpa phullad ciazerna nyeraṅṅi ḍaṅpo lambo khaspa taṅ yontancangunne vaste, ṭugu tsogs yodkangunla sṅon cugga dzads. ²⁶ Ona yable tezug dzadcespoa nyeraṅ thugsthad."

^{P11:19} Griissi skaddi naṅṅa "Innaṅ shesrabs denba inkanbo khorṅṅi ḍasbui stanin" zerte Griiste dug.

²⁷ "Ñe yab Konchoggi waŋcha tshaŋma ŋaa stadda dzadte in. Yabbi mane zhansuaŋ butsha mishes, yaŋ butshe mane zhansuaŋ yab mishes, innaŋ ñe ldamkangunla yab sŋoncugin."

²⁸ "Semssi naŋŋa ŋalkan taŋ khurru lcinte khurkan tshaŋma ŋa yodsa yoŋ, yaŋ ñe khyozhaa ŋaltsho taŋin. ²⁹ Ñe nyashiŋbo khur yaŋ ñe kane lob ciazerna ŋa ni semssi naŋŋa bolmo taŋ nyamshuŋ in, yaŋ khyozhagunni semsla ŋaltsho thobin. ³⁰ Ñe nyashiŋbo khurrala lamo yaŋ ñe khurubo yaŋmo yod.

Yeshu ni shabbaddi zhaggi Tsoo in.

12:1 ne 8

12 ¹ Tenna tusshigga Tsoo Yeshu shabbaddi ŋaltshoe zhagga zhiŋ gyudte skyodin yod zane, khoŋŋi lobtuggun stogste yodpa zhiŋŋi snyema cadte zaces gozug. ² Tebo thoŋte pharushipa khaciggi Yeshua zers, "Khyoraŋŋi lobtuggunni shabbaddi ŋaltshoe zhagga las coste chosthims cagste innog."

³ Yeshui lansals, "Dabid taŋ khoe topagun stogste yod zane ci cos dampe suŋrabssi naŋne khyozhe masilpinna? ⁴ Dabid Konchoggi kurri chodpa phulse nasse naŋŋa soŋ, yaŋ kho taŋ khoe topagunni dampe tagi zoste chosthims cags, tebo Yahudape lamaa mane zachogga medpin. ⁵ Ya chosthimssi naŋŋa masilpinna, chodkhaŋŋi naŋŋa lame chodpa phulcessi las coste shabbaddi zhaggi thims cagnaŋ Konchoggi dunla khoŋgun noŋsmed innog. ⁶ Ñe khyozhaa zerrad, chodkhaŋŋi saŋ taggazhig ika yod. ⁷ Dampe suŋrabssi naŋŋa Konchoggi mols, 'Ñe dodpa ni ŋaa chodpa phulces manpa zhanma snyinrje stancespo in.' Galtes tebo khyozhagunla hagote inpinna tene khyozhe noŋsmedgunla skyon kalte meddo. ⁸ Ciazerna mirigssibua shabbaddi ŋaltshoe zhagga ci co chogs ya michogs zercessi waŋcha yod."

Shabbaddi zhagga nadpa gyalcugga dzads.

12:9 ne 14

⁹ Tsoo Yeshu tekane dukhaŋŋa skyods, ¹⁰ teru lagpa khoŋste kol manyankanni mizhig yodpin. Pharushipagunni Yeshua skyon kalcesla khoŋgunni i tiwabo tis, "Chosthims naŋzhin shabbaddi ŋaltshoe zhagga mizhig gyalcugna digte innogga?"

¹¹ Yeshui khoŋgunla mols, "Galtes khyozhaa ciggi lugzhig shabbaddi zhagga sadoŋŋi naŋŋa budna, khyozhe lugpo zumste phiŋ mi phiŋŋa? ¹² Luggi saŋ mi

maṅsteaṅ rinchea manogga. Teboephia chosthims naṅzhin shabbaddi zhagga las zaṅpo co chogganog."

¹³ Tene Yeshui lagpa khoṅskanboa mols, "Lagpa ṣkyoṅ" yaṅ khoe lagpa ṣkyanṣpa tebo siṅ gyalte zhan lagpabo tsogs shedcan gyur. ¹⁴ Innaṅ pharushipagun philogga soṅte, Yeshu sadcessi thabs ṅanpa ldiṅs.

Konchoggi ldamma dzadkanni zhabstogpa.

12:15 ne 21

¹⁵ Tsoo Yeshui khoṅgunni thabsldiṅkanbo khyen pasaṅ, tekane skyods. Mitshogs chenmozhig khoṅṅa ḍaṅste yoṅs, yaṅ te ṭoa yodkanni nadpa tshaṅma khoṅṅi gyalcugga dzads. ¹⁶ Khoṅṅi gyalcugkangunla khoṅṅi dzadkanbo suaṅ mashad molte ka sals. ¹⁷ Luṅstonpa Yeshya gyudte molkan tshaṅma ḍub cugga dzadcesla khoṅṅi tezug coa dzads. ¹⁸ Konchoggi mols,

"De ldamskanni zhabstogpa stosshig,
Tshaṅmesaṅ maṅṅa khoa ṅe cespa coad,
Yaṅ khoe ṅa thadpo chacugdug.
Khoa ṅe ṅaraṅṅi thugnyid taṅin.
Sdigcangunla chadpa yaṅ ḍaṅpogunla
Solras thobces, khoe gyalkhamsgunla shadda dzadin.

¹⁹ Khoe dziṅmo ya kuco mitaṅ,
Thomssi naṅṅa suzhiggiaṅ khoe kucue skad mitshor.

²⁰ Khoe stsoa nadkangun micag ya shikiyi yodkanni od misad
Tenna tsogsla khoe dadpe naṅṅa nyamshuṅgunla
Ḍaṅpo thimscaddi gyalkhaa khyoṅkhyoṅtshogpa skyobte borra dzadin.

²¹ Gyalkhamsgunni khoeka idshes coste
Khoṅgun skyobcessi rewa borin.

Yeshui gyabgalla spera ṅanpa zerkan.

12:22 ne 37

²² Tene mi khaciggi rdud zhugskan, haṅḍaṅ taṅ zhara yodkanni mizhig Tsoo Yeshu yodsa khyoṅs. Khoa spera taṅcugces taṅ thoṅcugcessi thugsdod Yeshua yod

pasaŋ khoŋŋi kho phancugga dzads. ²³ Mitshaŋma halaste zers, "I mibo gyalpo Dabiddi phorgyud^q innahe kaboa ŋadaŋgun ŧuŋste yod?"

²⁴ Innaŋ pharushipagunni tebo tshorracig zers, "Belzebul rdudgunni gobe khoa rdudgun phiŋcessi khyud taŋste innog."

²⁵ Khoŋgunni samba ŋanpabo Yeshui khyente mols, "Gyalŋiddi naŋŋa yodkangun thunte madugna tebo medkan chen, yaŋ gyalsa ya naŋtshaŋszhiggi migun nolin dugna tegun medkan chen. ²⁶ Galtes shetanni shetan phiŋna, khoe khoranŋi gyabgalla nolte innog, tene khoe gyalŋidpo kazuggi lusin? ²⁷ Yaŋ galtes ŋe rduddi goba Belzebul gyudte rdudgun phiŋŋadna tene khyozhe lobtuggunni su gyudte rdudgun phiŋŋanog? Teboephia khoŋgunni khyozhe zerkanboa skyonrjod coin. ²⁸ Innaŋ galtes ŋe Konchoggi thugnyid gyudte rdudgun phiŋŋadna tene khyozheka namkhe gyalŋid leb tsharte in. ²⁹ Suaŋ mi shedcanzhiggi khaŋpe naŋŋa zhugste khoe nor ŧku minyan namtshogpa khoe ŋunla mi shedcanbo ldam mildam, tene khoe khaŋpe naŋŋa yodkanni norgun ŧkunyanin."

³⁰ "Ŋe chogsla mankangunni ŋaa gyabgalla coanog, yaŋ ŋa nyampo las coste đasbu maldumkangunni, ŋe lassi đasbu yancugganog. ³¹ Teboephia ŋe khyozhaa zerrad, migunni sdigpa cokaŋ taŋ Konchogga dadlog zhukan tshaŋma shagspa salla dzadin, innaŋ dampe thugnyidla dadlog zhukangunla shagspa mane salla midzad ³² yaŋ mirigssibui gyabgalla zerkangunla shagspa salla dzadin, innaŋ dampe thugnyiddi gyabgalla zerkangunla i mitshee matshad yoŋcescanni mitshee naŋŋaŋ shagspa mane misal."

³³ "Lcaŋma zaŋpo inna teboa khazas zaŋpo sminin, ya lcaŋma ŋanpa inna teboa khazas ŋanpa sminin. Lcaŋma teboe đasbui kane shessanog. ³⁴ Khyoraŋ pharushipa, tugrulli tŋugugun, khyozha ŋanpa ininzhig kazuggi spera zaŋpo taŋin? Snyin gaŋste ludkanbo kane biŋŋanog. ³⁵ Mi zaŋpoe sems zaŋpoe baŋdzodne đasbu zaŋpo sminnanog, yaŋ mi ŋanpe sems ŋanpe baŋdzodne đasbu ŋanpa sminnanog. ³⁶ Innaŋ ŋe khyozhagunla zerrad, Konchoggi thimscaddi zhagga khyozhe snaŋmed coste spera zerkan rere ton Konchoggi skundunla shadgosin. ³⁷ Ciazerna khyozhe spera zerkangunni khyozhaa noŋsmed ya noŋscan yodkanbo stanin."

^q**12:23** gyalpo Dabiddi phorgyud zercespo ni Yahudapagunni zer tshulla Konchoggi damcha dzadkanni skyabgon inkanbo hagoanog.

Lujstonpa yone stags.**12:38 ne 45**

³⁸ Tene chosthimsa khaspa tañ pharushipa khaciggi Yeshua zers, "Lobponle, ñazhaa nyerañji kane halasshessi stagsshig stanyinrag, kaboe nyerañña Konchoggi wañcha salkanbo tantan coin."

³⁹ Khoñji khoñgunla lansals, "Mirabs ñanpa tañ Konchogga idshes medkangunni halasshessi stags ston zerranog. Innañ lujstonpa yone stagspo mane khoñgunla yañstagsshig mistan. ⁴⁰ Kazuggi lujstonpa Yona nyima sum tañ tshan sum chui semscan ma chenmozhiggi ðodpe nañña luskan tsogsla mirigssibuañ nyima sum tañ tshan sum se nañña lusin."

⁴¹ "Konchoggi thimscaddi zhagga lañs zane ninewapagunni i Mirabspoa chadpa phogces ospa innog zerin ciazerna khoñgunni yone chosshadkanbo nyante, gyodpa cos, stossañ Yona sañ taggazhig dagsa ika yod. ⁴² Thimscaddi zhagga lañs zane lo chogssi gyalmoen i Mirabspoa chadpa phogces ospa innog zerin ciazerna kho gyalpo Solomonni shesrabssi speragun nyannala sacha ma thagriñne yoñs, stossañ Solomonni sañ taggazhig dagsa ika yod."

⁴³ "Mizhiggi nañne goñpo biñte stiñne, goñpoe chu medsa ristoñji nañña khorin ñaltshosse nassa tsalteañ mathob pasañ, ⁴⁴ khoe khorañña zerranog, 'Ña biñte yoñkanni tenna mii nañña logste chen.' Teru lebbacig, te nassabo stoñpa tañ lagmo lduste citshañma rañrañji malla borte thoñ. ⁴⁵ Tene kho soñte khorañji sañ mañña ñanpa zhan goñpo rdun khorañ nyampo khyoñste tenna nasse nañña dugs. Yañ te mii naslugpo sñunni sañ thua soñ.

I Mirabs ñanpa nyampoañ tenna tsogs jigsnañcanni naslug sharin.

Tsoo Yeshui ama tañ no gun.**12:46 ne 50**

⁴⁶ Tsoo Yeshu mitshogsla zhalta salin yod zane khoñji ama tañ nogun yoñste, khoñña spera tañcesla khoñgun khañpe philogga şunste dugs. ⁴⁷ Mizhiggi khoñña zers, "Nyerañji ama tañ nogun nyerañña spera tañcesla philogga şunste dug."

⁴⁸ Yeshui khoa lansals, "Su innog ñe ama tañ nogun." ⁴⁹ Lobtuggun chogsla dzigu tsugste, "Igun ñe ama tañ nogun in. ⁵⁰ Ñe yab Konchog namkhe nañña zhugste yodkanni thuggoñs nañzhin cokangun ñe ama tañ miñşin gun in."

Zhiñbadpe saon tabkanni ruņs.**13:1 ne 23**

13 ¹Tenna zhagga Tsoo Yeshu khaņpane biņņa dzadte tshoe thama zhugs. ²Khoņ yodsa mitshogs maņsteaņ maņpo dzompa khoņ țuziņņi naņņa zhonte zhugs, yaņ mi tshaņma tshoe thama dug.

³Tene khoņņi migunla ruņs gyudte labzha maņpo salla dzadte mols, "Nyonszig, zhiñbadpazhig saon tabbala soņ. ⁴Zhiņņa saon tab zane khacig lammika bud, cipa yoņste tegun zos. ⁵Saon khacig sa maņpo medse đaggika bud, sa maņpo medcespoe saonbo gyogspa skyes. ⁶Innaņ nyime tshaddi zhaste zhiņ skyekanbo tshigs, yaņ pațag tiņcan med pasañ, tebo skamste shi. ⁷Saon khacig tshermanņi țoa bud, yaņ tsherman skyeste nanpa, zhiņbo ldan mathub. ⁸Zhan saongun sa gyalla yodse zhiņņika budpa, stonthog smin, kabo saon tabkan ni 30, 60, yaņ 100 gyur yodpin. ⁹Namchog yodkangunni ñe zerkanla nyonszig."

¹⁰Lobțuggun yoņste khoņņa țis, "Nyerañņi migunla ruņs gyudte labzha cia salla dzaddad."

¹¹Yeshui lansals, "Namkhe gyalșiddi saņwagun hagocessi skabs khyozhagunla salla dzadte innog, innaņ khoņgunla masals. ¹²Ñe labzha nyankangunla maņņa hagocugga dzadin, matshad khoņņi naņne ludte chen innaņ manyankangunni naņne hagote yodkanboañ khyerra dzadin. ¹³Ñe ruņs gyudte shadcessi tonbo ni ibo in",

"Khoņgunni stadug innaņ khoņgunla denba thoņņa midug,

Nyandug innaņ khoņgunla tshorra ya hago thubba midug.

¹⁴Teboe Yeshya luņstonpe maoņ luņstanbo đubte innog, kabo

Khoņgunni ñe shadkangun tshornaņ hagothubba midug,

Khoņgunni ñe cokangun thoņnaņ ña su inkanbo ñoshessa midug.

¹⁵Ciazerna khoņgunni snyiņ skyoņpo gyurte dug.

Namchoggun gagste miggun tsumste dug

Te mane khoņgunni namchogne tshorte miggunne thoņte,

Khoņgunni snyiņne ña su inkanbo hagote ña chogsla sems gyurte,

Ñe khoņgun phancugste yodđo."

¹⁶"Innaņ khyozhe mig taņ namchog gun cinlabscan in ciazerna khyozhe miggi thoņņaog yaņ namchoggi tshorranog. ¹⁷Ñe khyozhaa denba zerrad, khyozhagunla thoņkan taņ tshorkan gun, sñunme luņstonpa taņ mi đaņpo maņpozhiđgi thoņces taņ tshorcessi dodpa yodnaņ mathoņņa yaņ matshorra inpin."

¹⁸ "Ta zhiñbadpe saon tabkanni ruñssi donbo nyon. ¹⁹ Lamma saon budkangun ni namkhe gyałšiddi ka tshorteañ hamagokangun innog ciazerna shetan yonste khoᅅgunni snyiññi nañña tabkanbo kogste khyerranog. ²⁰ Ḍaggika saon budkanbo ni namkhe gyałšiddi ka tshorracig thadpo nyampo tatpa cokangun innog. ²¹ Innañ teboa patag tiñcan med pasañ tusyunriñ milus. Khoᅅgunni ke nañña tatpa cocespoe nags tañ bardo thoññacig tatpa phañin. ²² Tshermanñssi toa saon budkanbo ni Konchoggi ka tshorkangun innog, innañ mitshee tsherkha yañ norri dodpa gunni nancespoe teboa ḍasbu sminna manog. ²³ Innañ sa zañpoeka saon budkanbo ni Konchoggi ka nyante hago thubkangun innog, yañ khoᅅgunla ḍasbu saon tabkanboe 30, 60, yañ 100 gyur sminnanog."

Zhiññi nañña tsañanni ruñs.

13:24 ne 30

²⁴ Tsoo Yeshui yañ ruñsshig shadda dzads, "Namkhe gyałšid ni zhiñbadpe khoraññi zhiñña saon zañpo tabkan tsogs in. ²⁵ Tshanla tshañma nyidlogste yodtus, khoe ḍao yonste ḍo tabkanni toa tsañanni saon tabs yañ soñ. ²⁶ Zhiñ ldante snyema chagssacig tsañannañ teᅇtoa skyekanbo thoñ."

²⁷ "Lasmigun yonste sponboa zer, 'Nyeraññi zhiñña saon zañpo matabspinna? Tene tsañan kazuggi skyeste inhe?' "

²⁸ "Sponboe zers, 'Ḍaoe tabste innog.' Lasmigunni khoa, 'Ḍazhaa soñte tsañanpagun phudte phañña?' Zers."

²⁹ "Khoe lantañs, 'Macha, tsañanpa nyampo ḍoe zhiññañ budte yonšidces innog. ³⁰ Rñabsa tañtañ tshogpa nyisko nyampo skyecug, tedusla ñe rñakangunla zerin, sñunla tsañanpa tuste mea tabbala ldom. Tene ḍogun baññe nañña khyer.' "

Nyuñskarri saonni ruñs.

13:31 ne 35

³¹ Tsoo Yeshui yañ ruñsshig shadda dzads, "Namkhe gyałšid ni nyuñskarri saon tsogs innog kabo mizhiggi khoraññi zhiñña tabbala khyers. ³² Saongunni ᅇone tebo tshañmesañ chuñun innañ, ldan tsharracig tshassi nañña tshañmesañ chenmo lcañma gyur, yañ namkhe cagun yonste teboe yalgeka tshañs cos."

³³ Khoññi yañ ruñsshig shadda dzads, "Namkhe gyałšid ni skyur tsogs in, kabo bumoe, phe mañpoe nañña ᅇeste ruspa skyurbo pagpe gañpoe nañña ḍes."

³⁴ Yeshui mitshogsla labzha sal zane tusgyun ruņs kolla dzaddadpin. Khoņņi ruņs gyudte mastogs ci labzhazhiggañ salla medpin. ³⁵ Teboe luņstonpa gyudte sñunla molkangun đanđa đubte in,

"De migunla ruņs gyudte spera tañin.

Yañ jigsten chagspane pharla

Sañste yodkangun shadin."

Tsañanni ruņssi ton.

13:36 ne 43

³⁶ Tene Tsoo Yeshu mitshogspo philogga borte khaņpe naņņa skyods. Khoņņi lobtuggun yoņste khoņņa zers, "Tsañanni ruņssi tontagpo ñazhaa hagocugga dzaddaņ."

³⁷ Khoņņi mols, "Saon zaņpo tabkanbo, mirigssibu in. ³⁸ Zhiņbo jigsten, saon zaņpo namkhe gyałšiddi migun, yañ tsañanbo ñanpa inkan shetanni migun innog. ³⁹ Tsañan tabkanni đao ni rdudgunni goba, rñabsa ni thame tus yañ rñakangun ni phonyagun innog."

⁴⁰ "Thame tusla tsañan tuste mea tabkan tsogs cuñin. ⁴¹ Mirigssibui khorañņi phonyagun kalin, yañ khoņgunni khoe gyałšiddi naņne sdigpe gyu tshaņma tañ ñanpa cokañ tshaņma phiñin. ⁴² Yañ phonyagunni khoñ tshaņma nyalwe mee naņņa phañin, teru nags sañte zhaste ñuces tañ so šiğces yoñin. ⁴³ Tene mi đañpogun khoņgunni namkhe yabbi gyałšiddi naņņa nyima tsogsla lđañshan barin. Namchog yodkangunni ñe zerkanla nyonshig."

Gyunor rincan vaste yodkanni ruņs.

13:44 ne 46

⁴⁴ "Namkhe gyałšid ni zhiņņi naņņa vaste yodkanni gyunor rincan tsogs in. Mizhigga teboa thobbacig thadte tenna zhiņņi naņņa yaņskyar vas, tene kho soņte yodkanni nor tshaņma tsoņs yañ te zhiņbo nyos."

⁴⁵ "Namkhe gyałšid ni tshoņpe tsalkanni mutig lagmo rincangun tsogs in.

⁴⁶ Mutig rincanzhig thobbacig kho soņte khorañņi gyunor tshaņma tsoņste, tebo nyos."

Nyadolli ruņs.**13:47 ne 52**

⁴⁷ Tsoo Yeshui mols, "Namkhe gyałsid ni gyatshoe naņņa nyarigs snatshogs zummala phaņkanni nyadol tsogs in. ⁴⁸ Nyadolbo gaņņacig tshoe thama đudte khyerin, yaņ seka dugste nya gyallagun pagtse naņņa gyaņs yaņ gyalla medkangun phaņs. ⁴⁹ Tenna tsogs thame tusla cuņin, phonyagun skyodte mi đaņpogunni ẵone ẵanpagun phea dzadte, ⁵⁰ khoņgun nyalwe mee naņņa phaņin, teru nags ẵante zhaste ẵuces taņ so ẵigces yoņin. ⁵¹ Yeshui khoņņi lobẵuggunla ẵia dzads, "I tshaņma khyozhe hagoa?" Khoņgunni lantaņs, "Hagole."

⁵² Yeshui khoņgunla mols, "Namkhe gyałsiddi lobẵug gyurkanni chosthims labkan tshaņma khaņpe khaņdag tsogs in, kaboe dzoddi naņne nor rincan soma taņ snyiņpa nyisko phiņste khyoņņanog.

Lunstonpaa stsiwa mithob.**13:53 ne 58**

⁵³ Tsoo Yeshui ruņsgun shad tsharracig khoņ tekane skyods. ⁵⁴ Khoņraņņi đoņkhyerla skyodte dukhaņņi naņņa migunla labzha salces gozug. Migun halaste ẵis, "I miboa shesrabs taņ dzadpagun dzadcessi khyud kane thobkyag? ⁵⁵ Kho shiņkanboe butsha manogga? Khoe ama Miryam yaņ Yakob, Yoseb, Shimon taņ Yuda gun khoe no manogga? ⁵⁶ Khoe ẵiņmo tshaņma ẵadaņgun nyampo medda? Tene i miboa te khyudgun kane thobkyag? ⁵⁷ Khoņgunni snyiņgun skyoņpo coste khoņņika tatpa macoa khoņņa gyabgal cos.

Yeshui khoņgunla mols, "Lunstonpazhigga raņņi đoņkhyer taņ raņņi naņtshaņssi naņņa mane, zhan karuņsa stsiwa corug." ⁵⁸ Khoņgunni tatpa micocespoe zhaste, Yeshui teru halasshessi dzadpa maņpo stanna madzads.

Yohanan đoņskanni skor.**14:1 ne 12**

14 ¹ Tenna tusla kalon Herodala Tsoo Yeshui chaglasgunni skorla tshorte ² khoe, khoa khadda taņkangunla zers, "I mibo thussalkan Yohanan innog kho shikangunni ẵone sonte a laņņa dzadcespoe, khoa i dzadpagun stannyante innog."

³⁻⁴ Herodadi Herodassi zhaste Yohanan zums cugste tsonkhaŋŋa kagste inpin, ciazerna Yohananni Herodala molladpin, "Khyoraŋŋi aco Philibbi nama Herodas nyampo nama cocespo Konchoggi thimssi gyabgal innog." ⁵ Herodala Yohanan sadnyin yodpin, innaŋ mitshogsla jigssadpin ciazerna khoŋgunni Yohanana luŋstonpa stsiadpin.

⁶ Innaŋ Herodadi skyezhaggi zhagga, ðonpogunni dunla Herodassi bumoe stsestaŋte Heroda ŝaŋte thad cugspa, ⁷ khoe bumoa ci gosnaŋ taŋin zerte naa khurs. ⁸ Bumoe ame zerkan naŋzhin, "Ŋaa thussalkan Yohananni go thallizhiggika sal" zers. ⁹ Gyalpo tsher innaŋ ðonpogunni dunla naa khurkanboe zhaste bumoa goskanbo toŋ zerte ka taŋs. ¹⁰ Tene tsonkhaŋŋi naŋŋa Yohananni go cadte ¹¹ thallika khyoŋste Herodassi bumoa taŋs. Bumoe tebo khorraŋŋi ama yodsa khyers. ¹² Yohananni lobtuggun yoŋste khoŋŋi spurbo khyerte subs. Tene khoŋgun soŋte Yeshua shads.

Stoŋŝŋa ðaŋsshugga dzads.

14:13 ne 21

¹³ Tsoo Yeshui te cuŋkanbo sannacig khoŋraŋŋi lobtuggun nyampo tuziŋzhiggi naŋŋa zhonte suaŋ medse nassazhigga skyods. Mitshogssi tebo tshorracig ðoŋkhyergunne biŋte Yeshu skyodse nassa ðulte soŋ. ¹⁴ Khoŋŋi tuziŋ tshoe thama lebbacig khoŋŋi mitshogs chenmo zigs yaŋ khoŋgunnika snyiŋrje skyea dzadte nadpagun gyalcugga dzads.

¹⁵ Nyima nub zane lobtuggun khoŋ yodsa yoŋste zers, "Gamyulgunla soŋte khorraŋgunni phia zan nyocesla mitshogspo lamcugga dzaddaŋ ciazerna ŋadaŋgun caŋ medse ristoŋŋi naŋŋa innog yaŋ muncuaŋ rubkyis dug."

¹⁶ Yeshui lansals, "Khoŋgun chagos med. Khyozhe khoŋgunla zaces toŋ" mols.

¹⁷ Khoŋgunni zers, "Ŋazhe lagga tagi ŝŋa taŋ nya nyis mane med."

¹⁸ Yeshui "Tebo ŋeka khyoŋ" mols. ¹⁹ Tene mitshogspoa stsika dugcesla mols. Tagi ŝŋa taŋ nya nyispo chagga namste, namkhaa zigste Konchogga thugrjeche zhus yaŋ tagi cagste mitshogsla gocessi phia lobtuggunla salla dzads. ²⁰ Khoŋ tshaŋma ðaŋðaŋ zos yaŋ lobtuggunni laglusgun lduŝpa pagtse rcugnyis gaŋ. ²¹ Bumo taŋ tuŋugun mathea stoŋŝŋa zamshig teru zan zakan yodpin.

Yeshu tshoeka zhabdul dzads.**14:22 ne 36**

²² Tennamalla Tsoo Yeshui mitshogspo logste lamcugga dzad zane lobtuggun khoṅṅi khoṅraṅṅi saṅ sṅunla tuziṅṅi naṅṅa tshoe aṅo chogsla lamcugga dzads.

²³ Mitshogs logte lamcug tsharracig Yeshu cigpo rika moslam zhua skyods. Khoṅ teru cigpo yoddi tus muncurub.

²⁴ Tenna tusla tuziṅbo sakyadne thagriṅṅa lebte yod zane, golog chogsne luṅspo tagpo yoṅspa chulbag tuziṅṅa gyabs. ²⁵ Datoggi nyima sharri saṅ sṅunla Yeshu tshoe kane ḍulin lobtuggun yodsa skyod. ²⁶ Lobtuggunni khoṅ tshoe kane ḍulin skyodda thoṅṅacig maṣaṅṅe jigste, kuco taṅin zers "Shinḍe innog."

²⁷ Innaṅ tennamalla Yeshui khoṅgunla mols, "Jig majigs ṅa in. Hampa cos."

²⁸ Pitarri lantaṅs, "Tsoo nyeraṅ inna ṅaa chuika ḍulte nyeraṅ yodsa yoṅ mollaṅ."

²⁹ Yeshui, "Yoṅ" mols.

Pitar tuziṅne babste chuika ḍulin Yeshu yodsa soṅ. ³⁰ Innaṅ luṅspo ṣaṅṅe taṅ chulbag thoṅṅacig kho jigs yaṅ nubces gozugpa kuco taṅste zers, "Tsoole, ṅa skyobba dzad."

³¹ Tennamalla Yeshui chag ṣkyaṅṅa dzadte kho zums, "Tatpa chuṅun yodkan khyoraṅṅi thetshoms cia coad" mols.

³² Khoṅ nyisko tuziṅṅi naṅṅa zhonnacig luṅspobo chad. ³³ Tuziṅṅi naṅṅa yodkangunni khoṅṅa colin zers, "Denba, nyeraṅ Konchoggi ṣas innog."

³⁴ Tene tshoe aṅo chogsla skyodte Genesareddi ḍoṅkhyerla leb. ³⁵ Te ḍoṅkhyerpagunni Yeshu inkanbo ṅoshespa nyekhorri yul tshaṅmala Yeshu skyodte dug zerte lon kals. Migunni nadpa tshaṅma khoṅ yodsa thidte khyoṅs.

³⁶ Khoṅgunni nadpagunla Yeshui namze tuzhigga lagpa stse cugga dzadcesla juju zerin zhuwa phuls, yaṅ khoṅṅi namzaa lagpa stsekan tshaṅma phan.

Stsaṅma taṅ tshitu.**15:1 ne 20**

15 ¹ Tene pharushipa taṅ chosthimsla khaspa khacig Yerushalemmi gyalsane Tsoo Yeshu yodsa yoṅste tis, ² "Nyeraṅṅi lobtuggunni ṅadaṅṅi phamespoe lugṣol cia cagganog? Khoṅgunni zan ze saṅ sṅunla lagpa thua midug."

³ Yeshui khoṅgunla lansals, "Khyozhe khyozharaṅṅi lam lugṣol ṣuṅcesla Konchoggi ka cia caggad? ⁴ Sperna Konchoggi molte innog, "Raṅṅi aba taṅ

amaa stsiwa cos, yaŋ raŋŋi aba ya amaa ŋan tabkangun sadgos. ⁵ Innaŋ khyozhe migunla raŋŋi phamaa, 'De khyozhagunla rogs cocespo Konchogga phulin zerte zhalchad coste in zerces labdug.' ⁶ Tezug cocesne khyozhagunni khorŋunla raŋŋi aba ya amaa stsiwa co macugga innog, tennaboephia khyozharaŋŋi lam luḡsol ŋuŋcessi naŋŋa khyozhe Konchoggi ka cagste innog. ⁷ Khachospa khyozhe skorla Konchoggi Yeshya gyudte maŋ luŋstan salkanbo denba innog, kaboe naŋŋa,

⁸ 'I migunni kane ŋaa stsiwa conaŋ

 Khoŋgunni snyiŋgun ŋane thagriŋ dug.

⁹ Khoŋgunni ŋaa colcespo rinmed innog,

 Ciazerna khoŋgunni khoranŋunni luḡsolgun

Konchoggi ka in zerte migunla labbanog'."

¹⁰ Yeshui mitshogsla bodda dzadte mols, "De zerkanbo nyante hagocessi stsonḡus cos. ¹¹ Khe naŋŋa chakangunni mi tshitu gyurcugga manog, innaŋ khe naŋne spera ŋanpa biŋkanboe tshitu gyur cugganog."

¹² Tene lobḡuggun khoŋ yodsa yoŋste zers, "Nyeraŋŋi molkanboe pharushipagun maŋante thelba chacugkanbo nyeraŋŋi khyenna?"

¹³ Yeshui lansals, "De namkhe yabbi matsugkanni lcaŋmagun patagne phudda dzadin. ¹⁴ Tsherkhaa maco, te pharushipagun zharaa lam stankanni zharagun innog, galtes zharazhiggi zharazhigga lam stanna nyisko sadoŋŋi naŋŋa budin."

¹⁵ Pitari zers, "Dazhagunla te ruŋspo hagocugga dzaddaŋ."

¹⁶ Yeshui mols, "I tshaŋma tshorteaŋ khyozhaa hamagoa?" ¹⁷ Thoŋŋa midugga, kane zakanni zanbo ḡodpe naŋŋa lebte zugspone philogga biŋŋanog? ¹⁸ Innaŋ kane biŋkan spera semssi naŋne biŋte migun tshitu gyur cugganog. ¹⁹ Ciazerna samba ŋanpa, mi sadces, raŋŋi zhidmad manpa zhanma nyampo luḡdel, luḡdel ŋanpa, ŋkuces, thimskhuŋŋa zunba spaŋpo taŋces taŋ zhanme codpe skorla ŋanpa zerces gun semssi naŋne biŋŋanog. ²⁰ Te tshaŋme migun tshitu gyur cugganog, innaŋ lagpa mathua zan zacespoe mi tshitu gyurcugga manog."

Kenanmazhiggi tatpa.

15:21 ne 28

²¹ Tekane biŋte Tsoo Yeshu Thayir taŋ Sidonni gyalsagunla skyods. ²² Te yuljoŋssi Kenanma bumozhiggi khoŋŋika yoŋste kuco taŋin zers, "Gyalpo Dabiddi

phorgyud^r Tsoole, n̄eka snyinrje dzad. D̄e bumoe nan̄na rdud zhugste nags ōante standug."

²³ Yeshui cañ mamols. Lobtuggun Yeshu yodsa yon̄ste zers, "Juju i bumobo logste lamcugga dzaddañ ciazerna kho kuco tañin n̄adañgunni gyabne yon̄dug."

²⁴ Yeshui te bumoboa lansals, "D̄a Konchoggi lug storkan Israelpagun cigpoe phia kalla dzadte in."

²⁵ Kho khoññi dunla yon̄ste pigdoñ tsugste, "Tsoole, n̄aa rogs coa dzaddañ" zers.

²⁶ Yeshui mols, "T̄ugui tagibo lente khyia phañna maḍigga innog."

²⁷ Khoe lantañs, "Denba innog Tsoole, innañ khañdaggi cogtse kane kharji budkangun khyi chuñgunniañ zadug."

²⁸ Yeshui lansals, "Bumo, khoran̄na tatpa tagpo dug. Khyoran̄ñi dodpa cokañbo ḍubshig." Tenna tustshotpoe ka rdud biñte soñ yañ khoe bumo phan.

Yeshui mi mañpo phancugga dzads.

15:29 ne 31

²⁹ Tsoo Yeshu tekane zhañste Galillii tshoe thama gyudte kyenla rizhiggika skyodte zhugsa dzads. ³⁰ Teru zhao, zhara, han̄añ, lusskyonba tañ zhan mañpo thidte mitshogs chenmozhiḡ Yeshui dunla dzoms, yañ khoññi khoñgun phancugga dzads. ³¹ Han̄añgunni spera tañces, khoñskangun thañspo soñte, zhaogun ḍulces yañ zharagunla thoñces migunni thoññacig khoñgun halaste Israelli Konchogga stodpa phuls.

Yeshui mi stoñzhi ḍañsshugga dzads.

15:32 ne 39

³² Tsoo Yeshui lobtuggun bodda dzadte mols, "I migun n̄a nyampo dugste zhagma sum soñ yañ zacesla cañ med pasañ, n̄a snyinrjea skyearag. D̄e khoñgun stogria lamcugnyin merag ciazerna khoñgun lamma goyoñ khor̄te gyel ṣidces innog."

³³ Khoññi lobtuggunni lantañs, "D̄adañna i mitshogs chenmobo ḍañshessi tagi i ristoññi nan̄na kane thobin?"

³⁴ Yeshui khoñgunla tia dzads, "D̄adaññi lagga tagi tsamshig yod." Khoñgunni lantañs, "Tagi rdun yañ nya chuñun khacig yodle."

^r15:22 gyalpo Dabiddi phorgyud zercespo ni Yahudapagunni zer tshulla Konchoggi damcha dzadkanni skyabgon inkanbo hagoanog.

³⁵ Yeshui mitshogspoa seka dugcesla mols. ³⁶ Khoṅṅi tagi rdun taṅ nyagun namssa dzadte Konchogga thugrjeche zhus, yaṅ tegun cagste lobṭuggunla sals, yaṅ khoṅgunni mitshogsla goste taṅs.

³⁷ Khoṅ tshaṅme tshimstshims zos. Stiṅne lobṭuggunni tagi lagmagun dumspa pagtse chenmo rdun gaṅ. ³⁸ Bumo taṅ ṭugugun mathea kharji zakanni mi stoṅzhi yodpin. ³⁹ Mitshogs logste lamcugga dzadte Yeshu lobṭuggun nyampo ṭuziṅṅi naṅṅa zhonte Magadanni yuljoṅsla skyods.

Halasshessi stags stancesla zers.

16:1 ne 4

16 ¹ Pharushipa taṅ saddukipa gun Tsoo Yeshuika tshodltacesla yoṅste, khoṅṅa Konchoggi waṅcha salkanbo tantan cocesla namkhe stagsshig ston zers.

² Khoṅṅi lansals, "Phitog nam marpo yodda thoṅte khyozhe thore namla gyalla yoṅṅanog zerdug, ³ yaṅ ṅatog ṣinnag gaṅste namtshubste thoṅna, diriṅ luṅrag taṅ charpa taṅṅanog zerdug. Khyozhagunni namkhe naṅṅa cuṅkanni namle stagsgun shadnyandug, innaṅ khyozhagunni itussi stagsgun cia shadnyanna merak. ⁴ Mirabs ṅanpa taṅ Konchogga idshes medkangunni halasshessi stags ston zerranog. Innaṅ luṅstonpa yone stagspo mane yaṅstagsshig mistan." Tene khoṅ khoṅraṅṅi lobṭuggun nyampo tekane skyods.

Zusme labzhagunni kane shaṅ skuls.

16:5 ne 12

⁵ Tshoe pharkaa lebbacig lobṭuggunla tagi khurrala rjedkanbo idtu yoṅs. ⁶ Tsoo Yeshui khoṅgunla mols, "Pharushipa taṅ saddukipe skyurne shaṅ cos."

⁷ Khoṅgunni cig taṅ cigga zers, "Ḍadaṅṅi tagi khurte medpa khoṅṅi tebo molte innogga?" ⁸ Khoṅgunni zerkanbo Yeshui khyente ṭia dzads, "Khyozhaa tatpa chuṅgun, tagi medkanni skorla khyozhagunni cia spera taṅṅad? ⁹ Taruṅṅaṅ khyozhagunla hamagoa? Idtu merakga tagi ṣṅane mi stoṅṣṅa ḍaṅshes matshad khyozhe luskanni tagi lduspa pagtse tsam gaṅ, ¹⁰ ya tagi dunne mi stoṅzhi ḍaṅshes matshad khyozhe luskanni tagi lduspa pagtse tsam gaṅ? ¹¹ Ḍe tagi skorla spera taṅste innog khyozhe cia sam? Innaṅ pharushipa taṅ saddukipe skyurri kane shaṅ cos."

¹² Tene khoṅgunla tagi cocesla kolkanni skyurri skor manpa, pharushipa taṅ saddukipe labzhagunne shaṅ cocesla zhukanbo hago.

Pitarri Yeshu su inkanbo shads.**16:13 ne 20**

¹³ Tsoo Yeshu Kesarria Philipi yuljoŋsla lebbacig, khoŋŋi khoŋraŋŋi lobtuggunla t̄ia dzads, "Migunni mirigssibu su innog zerdug?"

¹⁴ Khoŋgunni lantaŋs, "Khaciggi thussalkan Yohanan, khaciggi luŋstonpa Eliya yaŋ zhanmagunni luŋstonpa Yeremya ya luŋstonpagunni t̄one cigcig zhugste innog zerdug."

¹⁵ "Innaŋ khyozhe ci sammarag?" Yeshui t̄ia dzads, "Ŋa su innog?"

¹⁶ Shimon Pitarri lantaŋs, "Nyeran Konchoggi ldamma dzadkanni Mashika, sonpo Konchoggi ŋas innog."

¹⁷ Yeshui mols, "Yone butsha Shimon khyoran cinlabscan innog. Tebo khyoraŋna mii chogsne manpa ne namkhe yabbi ŋoncugga dzadte in. ¹⁸ Ŋe khyoraŋna zerrad, khyoran Pitar^s innog, yaŋ i đaggika ne ŋaraŋŋi chostshogs stsigin. Ŋe chostshogssika shetanni waŋna gyalkhaa mane mithob.^t ¹⁹ Namkhe gyalšiddi kuliggun ne khyoraŋna taŋin. Jigstennika khyoraŋŋi goŋspa mataŋkanboa namkhe Konchoggian goŋspa salla midzad, yaŋ jigstennika khyoraŋŋi goŋspa taŋkanboa namkhe Konchoggian goŋspa salla dzadin.

²⁰ Tene khoŋraŋŋi lobtuggunla khoŋ Mashika inkanbo suaŋ mashad molte ka sals.

Yeshui khoŋraŋ shicessi skorla luŋstan dzads.**16:21 ne 28**

²¹ Tenepharla Tsoo Yeshui khoŋraŋŋi lobtuggunla, khoŋ Yerushalemma soŋte uskyoŋgun, lama uskyoŋgun taŋ chosthimsa khaspagunni kane sdugsŋal maŋpo nyoŋste sadgoshes yaŋ zhag sumpe zhagga sonpo laŋsshessi skorgun hagocugces gozug dzads.

²² Pitarri khoŋ sosa khyerte khaskyes yaŋ zers, "Tsoole, tezug Konchoggi chacugga midzad. Nyeranŋa itsogs mane chaa magos."

²³ Yeshui Pitar chogsla zigste mols, "Shetan, ŋane thagriŋna soŋ. Khyoraŋŋi ŋaa ghaggyab cugganog. Khyoraŋŋi samtshul Konchoggi chogsne manpa, mii chogsne innog."

^s16:18 Griissi skaddi naŋna Pitarri donni đag innog.

^t16:18 Griissi skaddi naŋna "Nyalwe ghoe ne chostshogspoa phamkal minyan" zerte Griiste dug.

²⁴ Tene Yeshui khoŋraŋŋi lobtuggunla mols, "De stiŋraŋne yoŋŋa thadkangun, raŋdod phaŋste raŋŋi sdugsŋalli ŋkyaŋshiŋ khurte ŋaa ɔaŋsgos. ²⁵ Raŋŋog skyobnyin yodkangunni denbe mitshe skyalin, innaŋ ŋe phia khoranŋi ŋog skyalkangunla denbe mitshebo thobin. ²⁶ Mizhigga jigsten gaŋpo thobteaŋ raŋŋi thamedpe mitshe skyalna ci phanthogs, ya mizhiggi teboe tshabsla ci taŋnyanin? ²⁷ Mirigssibu namkhe yabbi zirrijiddi naŋŋa khoŋŋi phonya nyampo yoŋste, mi rerea raŋraŋŋi las naŋzhin solras taŋin. ²⁸ De khyozhaa denba zerrad, ika yodkan khaciggi mirigssibu khoranŋi gyaŋsiddi naŋŋa skyodcespo thoŋte mane mishi."

Yeshui zirrijid ŋons.

17:1 ne 13

17 ¹ Zhag ɔuggi stiŋne, Tsoo Yeshui Pitar, Yakob taŋ khoe no Yohanan thidte suaŋ medsa ri thonpozihiggika skyods. ² Teru khoŋgunni dunla Yeshui skuzugs gaŋpo gyurte, khoŋŋi zhaldonŋ nyime zer tsogs yaŋ khoŋŋi namza karpod od tsogs gyur. ³ Hunmedla khoŋgunni luŋstonpa Mozes taŋ eliyee Yeshua zhalta salin jal.

⁴ Pitarri Yeshua zers, "Tsoole, ŋazhaa ika yodcespo magyalla soŋ. Galtes nyeraŋ thugsthadna ŋe zhugsa sum stigin, nyeraŋŋi phia cig, Mozessi phia cig, yaŋ eliyee phia cig."

⁵ Khoe tegun zerin yod zane, ŋin lɔaŋshanzhiggi khoŋgun kabs yaŋ ŋinni naŋne suŋskadciggi mols, "Ibo ŋe cespe butsha in, kho nyampo ŋa maŋaŋte thadpo in, khoe kanyon." ⁶ Tebo tshorracig lobtuggun maŋaŋte jigste khalbugga gyel.

⁷ Innaŋ Yeshu skyodte khoŋgunla chagthugga dzadte mols, "Loŋshig jigs majigs."

⁸ Khoŋgunni go stagste stacig Yeshu mane suaŋ majal.

⁹ Rine babste skyodin yod zane, Yeshui khoŋgunla, "Namtshogpa mirigssibu shikangunni ɔone sontea laŋŋa midzad, khyozhaa thoŋkanbo suaŋ mashad" molte ka sals.

¹⁰ Lobtuggunni khoŋŋa ɔis, "Tene chosthimsa khaspagunni Mashika skyoddi saŋ ŋunla luŋstonpa Eliya skyodgos cia zerte innog."

¹¹ Yeshui lansals, "Tantanla, citshaŋma ɔaldig cocesla Eliya ŋunla yoŋin. ¹² De khyozhaa zerrad, Eliya yoŋ tsharte in, innaŋ khoŋgunni kho inkanbo ŋo mashes yaŋ kho nyampo coin samkan tshaŋma cos. Tenna tsogsla mirigssibuaŋ khoŋgunni lagne sdugsŋal nyoŋgosin." ¹³ Tene Yeshui thussalkan Yohananni skorla molte inkanbo lobtuggunla hago.

Rdud zhugskanni t̄uguzhig Yeshui phancugga dzads.

17:14 ne 20

¹⁴ Khoᅅgun rine babste mitshogs yodsa skyoddacig, mizhig Yeshui dunla yoᅅste pigmoeka gylte ¹⁵ zers, "Tsoole, ᅅe butsheka snyiᅅrje dzaddaᅅ juju. Kho gylte zugspo gaᅅpo darin nags saᅅte thoᅅdug. Lan maᅅpo kho me yaᅅ chui naᅅᅅa gyl. ¹⁶ Nyeraᅅᅅi lobt̄uggun yodsa khyoᅅspin innaᅅ khoᅅgunni khoa phancug manyan."

¹⁷ Yeshui mols, "Tatpa medkan taᅅ ᅅaᅅpa Mirabs, namtshogpa ᅅa khyozhagun nyampo dug? Namtshogpa ᅅe khyoraᅅgun nyampo zodpa bor? Butshabo ika ᅅa yodsa khyoᅅ." ¹⁸ Yeshui rdudpoa khaskyea dzadpa kho t̄ugui naᅅᅅe biᅅte soᅅ yaᅅ tennamalla t̄ugubo gyal.

¹⁹ Tene lobt̄uggun Yeshu yodsa soᅅte suᅅ tshor macugga t̄is, "ᅅazhagunla rdudpo cia phiᅅ manyanna innog?"

²⁰ Khoᅅᅅi lansals, "Ciazerna khyozhaa Konchoggika tatpa ma chuᅅun yodte innog. ᅅe khyozhaa denba zerrad, galtes khyozhaa nyuᅅskarri saon chuᅅun zamshiggi tatpa yodna i ribo ikane aka soᅅ zerna chen, yaᅅ khyozhagunla co minyances caᅅ miyoᅅ."

Yeshui khoᅅraᅅ doᅅshessi skorla yaᅅskyar mols.

17:21 ne 23

²¹ ^{u22} Lobt̄ug rcugnyispo Galillii yuljoᅅssi naᅅᅅa dzomte yodtus, khoᅅgunla Yeshui mols, "Mirigssibua ᅅolog coste daogunni lagga stadin ²³ khoᅅgunni kho sadin yaᅅ zhag sumpe zhagga sotea laᅅsshugga dzadin." Lobt̄uggunni sems tsherkhe gaᅅs.

Chodkhaᅅᅅi phia thalshalces.

17:24 ne 27

²⁴ Tsoo Yeshu taᅅ khoᅅᅅi lobt̄uggun Kapharnahummi gyalsa lebbacig, chodkhaᅅᅅi thal ldukanbo Piᅅar yodsa yoᅅste t̄is, "Khyoraᅅᅅi lobponni chodkhaᅅᅅi phia thal shalla manogga?"

^{u17:21} sᅅunme tussi Griissi speche naᅅᅅa 17:21 bo Griiste medte innog. Innaᅅ stiᅅmagunni naᅅᅅa ibo thudte innog, kaboe naᅅᅅa "Innaᅅ moslam phulces taᅅ nyenasla dugces cigpoe mastogs zhanyaᅅ ci lasshiggiaᅅ itsogssi goᅅszhugsgun phiᅅ nyanna manog" zerte dug.

²⁵ Pitarri zers, "Shalla dzaddanog." Pitar naŋŋa yoŋŋacig khoe zerri saŋ sŋunla Yeshui ƚia dzads, "Shimon, ci sammaraŋ? Jigstenni gyalpogunni ƚal sui kane lendug, khoranŋi ƚugu kane lendugga ya zhanme kane?"

²⁶ Pitarri lantaŋs, "Zhanmagunni kane." Yeshui mols, "Tene ƚugugunni ƚal shal magos. ²⁷ Innaŋ khorŋunla ŋatika ōo miyoŋcessi phia tshoa soŋte nyakug toŋ, yaŋ nya goma zumkanboe khaa phes, tenaŋŋa khyoraŋŋa muli penezhig thobin. Tebo khyerte ŋadaŋ nyiskoe ƚal khorŋunla shol."

Namkhe gyałšiddi naŋŋa tagshog.

18:1 ne 10

18 ¹ Tedus lobƚuggun Tsoo Yeshuika yoŋste ƚis, "Namkhe gyałšiddi naŋŋa tagshog su innog?"

² Yeshui ƚugu chuŋunzhigga bodte khorŋunni skyilla laŋcugga dzads. ³ Khorŋi mols, "Ŋe khyozhaa denba zerrad, khyozhe sems ƚugu chuŋun tsogs gyurte mane namkhe gyałšiddi naŋŋa khyozha cha minyan. ⁴ Teboephia ƚugu tsogsla pasmo gyurkangun namkhe gyałšiddi naŋŋa cheshogpo in."

⁵ "Ŋe lobƚug incespoe suzhiggi i ƚugu tsogsshigga gasus cona ŋaa gasus coste in, ⁶ innaŋ ŋa tatpa cokaŋ chuŋungunni naŋŋe cigga sdigpa cocuggi saŋ khoranŋi skyea ranthaggi rdoa chenmo tagste, gyatshoe naŋŋa nubste shina gyal."

⁷ "Sdigpe naŋŋa gyelcugkan jigstenpagunla tsamshiggi jigspa miyoŋ. Tebo tantan cuŋin, innaŋ tebo cuŋcugkanboa tsamshiggi jigspa miyoŋ. ⁸ Galtes khyoraŋŋi lagpa ya kaŋpe sdigpa cocuggadna, cadte phaŋstoŋ, lagpa nyis taŋ kaŋpa nyis yodte nyalwe naŋŋa phaŋcuggi saŋ, lagpa cig taŋ kaŋpa cig nyampo thamedpe mitshee naŋŋa chana gyal. ⁹ Yaŋ galtes khyoraŋŋi miggi sdigpa cocugna, tebo ƚuste phaŋstoŋ. Mig nyis yodte nyalwe naŋŋa phaŋcuggi saŋ, mig cig nyampo thamedpe mitshee naŋŋa chana gyal."

¹⁰ "I ƚugu chuŋungun ciggaŋ rinmeddi mig nyampo mastaa. Ŋe khyozhaa zerrad, khorŋun skyobkanni phonyaa ŋe namkhe yabbi dunla tusgyun zhugste khorŋi nastshul shaddanog."

Lug storkanni ruņs.**18:11 ne 14**

¹¹ ^{v12} Yeshui mols, "Ci sammaraġ? Mizhigga lug gya yodkanboe naņne lug cig storna, zhan gubcu gorgubo ria borte storkanni lug cigpo mitsalla? ¹³ Ɗe khyozhaa denba zerrad galtes lug storkanbo thobna, mastorkanni lug gubcu gorgui saņ i storte thobkanni lug cigpoe phia kho maņņa thadpo chen. ¹⁴ Tenna tsogsla khyoraņgunni namkhe yab, tatpa yodkan i chuņgunni naņne ciggaņ storcesla thugsthadda manog."

Spun sdigcanzhig ɖaņpoe lammika khyoņces.**18:15 ne 20**

¹⁵ Yeshui mols, "Galtes tatpacan spunzhiggi khyoraņņi gyabgalla sdigpa cona, kho yodsa cigpo soņte khoe skyonbo ston. Galtes khoe khyoraņņi zerkanbo nyante gyodpa cona, khyoraņņa khyoraņņi sponbo yaņskyar logste thobte innog. ¹⁶ Innaņ galtes khoe khyoraņņi zerkangun manyanna, te zerkan rere denba inkanni spanpo taņcesla tatpacan spun cig ya nyis thidte khyer. ¹⁷ Galtes khoe te spanpogunla manyanna, tene chostshogsla shod, yaņ galtes khoe chostshogslaņ manyanna, tene khoa thalnenkan taņ zhan tatpa medkangun tsogs stsishig."

¹⁸ "Ɗe khyozhaa denba zerrad jigstennika khyozhe goņspa mataņkanboa namkhe Konchoggiaņ goņspa salla midzad, yaņ jigstennika khyozhe goņspa taņkanboa namkhe Konchoggiaņ goņspa salla dzadin."

¹⁹ "Yaņskyar ņe khyozhagunla zerrad, galtes jigstennika tatpacan nyis zhuwa phulcesla cizhiggika khachamsna, tebo ņe namkhe yabbi khyozhe phia coa dzadin. ²⁰ Ciazerna karu ņe miņ khurkan nyis ya sum dzommad ņa teru khoņgun nyampo yod."

^{v18:11} sņunme tussi Griissi speche naņņa 18:11 Griiste medte innog, kaboe naņņa "Mirigssibu storte yodkangun skyobbala yoņspin" zerte dug

Snyiŋrje medkanni yogpoe ruŋs.**18:21 ne 35**

²¹ Tene Pitar Tsoo Yeshu yodsa yoŋste ŋis, "Tsoole, galtes ŋe spunzhiggi ŋe gyabgalla sdigpa cona, tene lan tsam ŋe khoa shagspa taŋgos? Lan rdun^w taŋna diŋga le?"

²² Yeshui lansals, "De khyoraŋŋa zerrad, lan rdun manpa rduncu ldab rdun toŋ."

²³ "Sperna namkhe gyalŋid ni, khoranŋi yogpogunni kane stsis lencesla thagcadkanni gyalpo tsogs in. ²⁴ Stsis lences gozuggacig, gyalpoe dunla karor maŋpoe pene bulon yodkanni mizhig khyoŋs. ²⁵ Bulon shalgyu med pasan gyalpoe te mibo, khoe nama taŋ ŋugugun yaŋ nor yodkan tshaŋma tsoŋste, bulon shalcesla ka taŋs."

²⁶ "Yogpo gyalpoe dunla gyelte juju, 'Daa nyampo zodpa dzad, gyagspa ŋe bulon gaŋpo logste phulin', zerte zhuwa phuls. ²⁷ Gyalpoa snyiŋrje skyes, yaŋ khoe bulonbo medkan coste kho chacugs."

²⁸ "Innaŋ yogpo philogga soŋte stiŋne pene nyuŋun ston khacig bulonla taŋkanni khoe topa yogpoeka soŋ, yaŋ kho zumste skye ldamste, 'De bulon logste toŋ' zers"

²⁹ "Khoe topa yogpoe seka gyelte juju, 'Daa nyampo zodpa dzad gyagspa ŋe bulon logste phulin' zerte zhuwa phuls. ³⁰ Innaŋ khoe zhuwabo manyans matshad bulon shalshal tshogpa kho tsonkhaŋŋa kagcugs."

³¹ "Zhan yogpo topagunla tebo thoŋte ŋo ŋante yoŋs, yaŋ gyalpo yodsa soŋte cuŋkan tshaŋma shads. ³² Tene gyalpoe yogpo snyiŋrje medkanbo bodte khyoŋs yaŋ khoa zers, 'Yogpo ŋanpa khyod, khyoraŋŋi ŋa juju zhuspa snyiŋrje skyeste, ŋe khyoraŋŋi bulon tshaŋma medkan cospin. ³³ Daa khyoraŋŋika snyiŋrje skyea tsogsla, khyoraŋŋaŋ khyoraŋŋi topeka snyiŋrje skye magossa?' ³⁴ Gyalpoa ŋo yoŋste, bulon gaŋpo shalshal tshogpa kho tsonkhaŋŋa kagste nags stannala ka taŋs. "

³⁵ "Galtes khyozhe khyozharaŋŋi spunla snyiŋne shagspa mataŋna ŋe namkhe yabbian khyozha rere nyampo tenna tsogs coin."

^w**18:21** Yeshui tusla Yahudapa lobpon khaciggi, mi cig taŋ ciggi gyabgalla cokanni sdigpa lan sum shagspa taŋgos sammadpin. Pitarri 'Lan rdun shagspa taŋŋa' zer zane khoe gosdommi saŋ maŋŋa taŋste in sam.

Zhidmad cadces tañ nama cocessi labzha.**19:1 ne 12**

19 ¹ Labzha sal tsharte stiņne, Tsoo Yeshu Galilline Yordan ltsaņspoe pharka Yahuda yuljoņsla skyods. ² Mitshogs chenmo khoņņi stiņraņne yoņs yaņ khoņņi zumo yodkangun phancugga dzads.

³ Tshodltacesla pharushipa khacig khoņ yodsa yoņste țis, "Gyuntshan chuņun yodđo ya chenmo, mizhiggi khorañņi nama țhims naņzhin cad chogganogga?"

⁴ Yeshui lansals, "Khyozhe dampe suņrabssi naņne masilpinna? Gozuggika Konchoggi jigsten dzad zane butsha taņ bumo dzadte, ⁵ mols, "Tenna gyuntshanboe phia butsha raņņi aba taņ amane phete khorañņi nama nyampo dzomste khoņ nyisko zugspo cig tsogs gyurin. ⁶ Ta khoņgun nyis manpa cig innog. Teboephia Konchoggi cig dzadkanbo suzhiggaņ phe macug."

⁷ Tene pharushipagunni khoņņa țis, "Tebo inna, nama cadna, namaa cadkanni shugu Griiskanbo khoa toņ zerte ciphia Mozessi ka salte innog?"

⁸ Yeshui lansals, "Khyozhe snyiņ skyoņpo yod pasañ, Mozessi tus maņpoe sņunla khyozhaa nama cadcesla goņspa taņs, innaņ gozuggika tezug medpin.

⁹ De khyozhagunla zerrad, raņņi zhidmad mankan nyampo lușđel cocessi naslug mastogs, suzhiggi khorañņi nama cadte zhan bumozhig nyampo nama cona khoe logyem coste innog."

¹⁰ Lobțuggunni Yeshua zers, "Galtes nama taņ magpe naņņa tezug naslug chana nama macona gyalces rag."

¹¹ Yeshui mols, "Konchoggi bagma macoa dugcessi khyud salla dzadkangun mastogs, tshaņmala khyozhe zerkanni mitshe phudnyanna manog. ¹² Sperna butsha khacig, skyespane pharla aba gyurcessi khyud medkan, yaņ khacigga migunni aba gyurcessi khyudpo medkan cospa, yaņ khaciggi namkhe gyalșidla zhabstog zhucessi phia nama coa manog. Suzhigga i tsogssi mitshe phudnyanna phudshig."

Yeshu taņ țugu chuņungun.**19:13 ne 15**

¹³ Tene phamagunni țugu chuņungun Tsoo Yeshui chag borra dzadte moslam zhucesla khoņ yodsa khyoņs. Innaņ khoņņi lobțuggunni țugu khyoņkangunla khaskyes.

¹⁴ Yeshui mols, "Ṭugu chuṅgun ghag maghagga ṇa yodsa yoṅcug ciazerna itsogsgunni phia namkhe gyaḷsidpo in." ¹⁵ Khoṅgunnika chag borra dzadte cinlabs salla dzads, tene Yeshu tekane skyods.

Zhonnu chugpozhig.

19:16 ne 30

¹⁶ Mizhig Tsoo Yeshu yodsa yoṅste zers, "Lobponle, thamedpe mitshe thobcessi phia ṇe zaṅpo las ci cogos?"

¹⁷ Khoṅṇi khoa mols, "Zaṅpo ci in zerte ṇaa cia ṭiad. Konchog cigpo mastog suaṅ zaṅpo man. Galtes khyoraṅṇa thamedpe mitshe gosin yodna, tene Konchoggi kagyagun kanyon."

¹⁸ Khoe Yeshua ṭis, "Kagun? Yeshui lansals, "Mi masad, riṅṅi zhidmad manpa zhanma nyampo lusḍel maco, ṣkumaṣku, spaṅpo zunba mataṅ, ¹⁹ raṅṅi aba taṅ amaa stsiwa cos, yaṅ raṅṇa cokan tsogs khyoraṅṅi khyimtshespa cessa cos."

²⁰ Zhonnui Yeshua zers, "Te tshaṅma ṇe coadle, teka theba ṇe ci cogos?"

²¹ Yeshui mols, "Galtes khyoraṅ dzomspozhig gyurdod yodna, soṅ yaṅ khyoraṅṅi gyunorgun tsoṅste pene nyalbacangunla toṅ, namkhe naṅṇa khyoraṅṇa baṅdzod thobin. Tene yoṅste ṇe gyabne ḍoṅs."

²² Tebo tshorracig, khoa tsherkhaa yoṅste soṅ ciazerna kho machugpo yodpin.

²³ Tene Yeshui lobṭuggunla mols, "Ḍe denba zerrad, mi chugpo namkhe gyaḷsiddi naṅṇa lebces ma kagspo innog. ²⁴ Yaṅskyar ṇe khyozhaa zerrad mi chugpo Konchoggi gyaḷsiddi naṅṇa lebcessi saṅ ṇaboṅ khabbi migne biṅcespo lamo chen."

²⁵ Tebo tshorracig lobṭuggun mahalaste ṭis, "Tene sua tharpa thobin?"

²⁶ Yeshui khoṅgunla zigste mols, "Ibo mia co mane minyan, innaṅ Konchogga citshaṅma dzad nyannanog."

²⁷ Pitari Yeshua zers, "Ḍazhe citshaṅma phaṅste, nyeraṅṇa ḍaṅspin. Ḍazhaa solras ci thobin?"

²⁸ Yeshui khoṅgunla mols, "Ḍe khyozhaa denba zerrad, Konchoggi citshaṅma yaṅskyar soma coa dzadces yaṅ mirigssibu zirrijdcanni thissika dug zane ṇe stiṅraṅne ḍaṅskan khyozhagunnaṅ Israelli mirigs rcugnyissika waṅṣulcesla this rcugnyissika dugin. ²⁹ Ḍe tonla khaṅpa ya acono ya ace nomo ya aba ya ama ya ṭugu ya zhiṅ phaṅskan tshaṅmala tegunni gyaḷdab matshad thamedpe mitsheaṅ

thobin. ³⁰ Innañ dagsa goeka yodkan mañpo stinjugga lusin yañ dagsa stinjuggika yodkan mañpo goeka lebin."

Rguntshassi lape ruñs.

20:1 ne 16

20 ¹ Tsoo Yeshui mols, "Namkhe gyalşid ni rguntshassi dagpo ñatog ñamone rguntshassi nañña las cocesla lapa tsalla biñkan tsogs in. ² Nyimaciggi nyinla mulli pene cig tañces khachamste khoñgun rguntshassi nañña las coa lamcugs."

³ "Halam chutshod rgupazhiggika dagpo philogga biñte soñ, yañ thomsa las mathobkanni zhan lapagun thoñte ⁴ khoñgunla zers, 'Khyozhagunnañ ñe rguntshassi nañña las coa soñ, ospa inkanni lacha ñe tañin.' ⁵ Tene khoñgun las coala soñ. Chutshod rcugnyis tañ sumpeka dagpo yañskyar philogga soñte, tenna tsogs cos."

⁶ "Phitog chutshod şñapeka dagpo yañskyar philogga biñte soñ, teru las mathobkanni lapagun dugste yodda thoñte khoñgunla ʈis, 'Khyozhaa nyima tshere las macoa ika dugste ci coste in?' "

⁷ "Khoñgunni lantañs, 'Ñazhaa las coala suiñ makhyers.' "

"Rguntshassi dagpoe zers, 'Khyozhagunnañ soñte ñe rguntshassi nañña las cos.' "

⁸ "Phitog rguntshassi dagpoe chagzodla zers, 'Lapagunla bodte stinjugga khyoñkangunne gozugste goma khyoñkangun tsugspa lacha toñ.' ⁹ Chutshod şñapeka las coala khyoñkangunla nyima ciggi lacha thob pasan ¹⁰ gozuggika las coa khyoñkangun lachaa lenna lebbacig zhangunni sañ mañña thobbanog sam. Innañ khoñgunlañ nyima ciggi nyinla mane mathob. ¹¹ Lachaa thobpacig khoñgunni mababs coste dagpoa zers, ¹² 'Chutshod cig mane las macokangunlañ nyeraññi ñazhaa, nyime tshaddi nañña nags thoñin nyima tshere las cokangun tsogs lachaa tañs.' "

¹³ "Innañ dagpoe lantañste khoñ cigga zers, 'Dzaole, ñe khyorañ nyampo miospa macospin. Khyoraññi nyinla, las cocessi khachad macospinna? ¹⁴ Raññi pene khurte soñ. Stinjuggi lasmigunlañ khyorañ ðaᅇᅇa lacha tañces ñaraññi dodpa inpin. ¹⁵ De ñaraññi penea ci conañ ñarañ mithadda? Ya ñe snyiñ pheste tañs pasan tshigces yoñña ragga?' "

¹⁶ "Soñpasañ dagsa goeka yodkangun stinjugga lusin yañ dagsa stinjuggika yodkangun goeka lebin."

Yeshui khoŋraŋ doŋshessi skor shadda dzads.**20:17 ne 19**

¹⁷ Tsoo Yeshu kyenla Yerushalemma skyodin yodtus lobtug rcugnyispo soso khyerte mols. ¹⁸ "Nyonshig, ŋadaŋgun kyenla Yerushalemma chaces innog, mirigssibu lama uskyoŋ taŋ chosthimsila khaspagunni lagga stadin, yaŋ khoŋgunni khoa shicessi chadpa cadte ¹⁹ Yahudapa mankangunni lagga stadin. Tene khoŋgunni khoa thelba stante, stallcag gyabste ŋkyanŋshiŋŋika ŋkyante sadin, yaŋ zhag sumpe zhagga kho sontea laŋsshugga dzadin."

Zhanmagunla zhabstog zhuces.**20:20 ne 28**

²⁰ Tene zebeddii nama, Yakob taŋ Yohananni ama, khoŋgun nyampo Tsoo Yeshui skudunla yoŋs yaŋ pigdoŋ tsugste khoeka kaŋin dzadcesla zers.

²¹ Yeshui khoa mols, "Nyeranŋa ci gossad?"

Khoe zers, "Nyeranŋi gyalŋiddi nanŋa ŋe butsha nyisko nyeranŋi chag yaspa taŋ yome stsiwacan Koseka dug cugga dzadle."

²² Yeshui khoŋgunla lansals, "Khyozhe zhuwa phulkanbo khyozhaa hamagoa innog, sdugsŋalli kore ŋa thuŋcescanbo khyozhe thuŋnyances ragga?"

Khoŋgunni zers, "Nyancesragle."

²³ Yeshui khoŋgunla mols, "Khyozhagunni tantanla ŋe sdugsŋalli kore nanŋe thuŋin, innaŋ ŋe yaspa taŋ yomeka dugcugcessi waŋcha ŋaa med. Ŋe yabbi te nassagun khoŋŋi ldamma dzadkangunni phia dalŋig dzadte yod.

²⁴ Tebo tshorracig, lobtug cuboa khoŋ nyiskoeka ŋo yoŋs. ²⁵ Yeshui khoŋ tshaŋmaa bodda dzadte mols, "Khyozhaa gyusmedda? Yahudapa mankangunni waŋŋulpagunni khoŋgunnika snyinŋrje medpa waŋŋullanog, yaŋ khoe waŋcha taŋkangunni te yulmigun khoranŋi kaŋpe yogga borte waŋŋullanog. ²⁶ Khyozhe nanŋa tetsogs yoŋ magos. Khyozhe ŋone taŋpo gyurnyin yodkanbo zhangunni yogpo gyurgos, ²⁷ yaŋ khyozhe ŋone goeka lebnyin yodkanbo zhangunni tsheyog gyurgos. ²⁸ Kazug mirigssibu zhabstog zhucugcesla manpa zhabstog zhuala yoŋspin, yaŋ mi manpoe ŋogrin shalcesla khoe raŋŋog taŋin."

Yeshui zhara nyisla thoŋ cugga dzads.**20:29 ne 34**

²⁹ Yeriko ðoŋkhyerne Tsoo Yeshu taŋ khoŋŋi lobtuggun biŋte skyod zane, mitshogs chenmozhig khoŋŋi stiŋraŋne yoŋs. ³⁰ Lammi thameka yodkanni zhara nyissi Yeshu tekane skyoddug zerte tshorracig kuco taŋin zers, "Tsoo, gyalpo Dabiddi phorgyud^x, ŋazheka snyiŋrje dzad."

³¹ Mitshogssi zhara nyiskoa khashkyeste cubcod zers.

Innaŋ khoŋgunni maŋŋa kuco taŋste zers, "Gyalpo Dabiddi phorgyud, ŋazheka snyiŋrje dzaddaŋ."

³² Yeshu ðulla madzadda zhugs yaŋ khoŋgunla bodte ŋia dzads, "De khyozhe phia ci co?"

³³ Khoŋgunni zers, "Tsoole, ŋazhaa thoŋcessi khyudpo sallaŋ." ³⁴ Yeshua khoŋŋika snyiŋrje skyeste khoŋgunni miggika chag borra dzads, tennamalla khoŋgunla thoŋthub yaŋ khoŋgun Yeshui stiŋraŋne soŋ.

Yeshua gyalpoe tshulla gasus zhus.**21:1 ne 11**

21 ¹ Yerushalemmi gyalse nyemoa oliwwi rika^y yodkan Bedphagee ðoŋsebba lebkyis yoddacig, Tsoo Yeshui lobtug nyis sŋunla lamcugga dzadte ² mols, "A ðoŋsebba naŋŋa soŋ, teru lebbacig buŋbuzhig khoranŋi buŋsar nyampo tagste thoŋcen. Tegun tolte ŋa yodsa khyoŋ. ³ Galtes suzhiggi ci coad zerte ŋina, 'Tsooa gossdom dug' zer. Tennamalla khoe khyozhaa tegun khyer cugganog."

⁴ Luŋstonpa gyudte Konchoggi molkanbo ðanda ðubcessi phia, tebo cuŋste innog,

⁵ "Yerushalempagunla^z zer,

Stossaŋ, khyozhe gyalpo khyozhaa yodsa yoŋdug,

Khoŋ ni nyamshuŋ, buŋsarrika zhonte yoŋdug."

⁶ Lobtuggun soŋte Yeshui ka salkan naŋzhin cos. ⁷ Khoŋgunni buŋbu taŋ buŋsarbo khyoŋste khoŋraŋgunni Kos tegunnika sdadpa Yeshu buŋsarrika zhonna dzads.

^x20:30 gyalpo Dabiddi phorgyud zercespo ni Yahudapagunni zer tshulla Konchoggi damcha dzadkanni skyabgon inkanbo hagoanog.

^y21:1 i riboika oliwwi lcaŋma maŋpo skyeste yodpa iboa oliwwi ri zerradpin.

^z21:5 Griissi skaddi naŋŋa i tshigspo ni "Ri Ziyonni bumoa zer" Griiste dug.

⁸ Mitshogssi naŋne maŋcheaboe raŋraŋŋi Kos Yeshu skyodse lammika tiŋs yaŋ zhangunni lcaŋme yalga cadte tiŋs. ⁹ Yeshui gyabdunla yodkanni mitshogssi kuco taŋin zers,

"Gyalpo Dabiddi phorgyuddi^a phia Konchogga stodpa phul,

Tsoo Konchoggi waŋche naŋŋa skyodkanbo cinlabscan.

Namkhaa zhugskan Konchogga stodpa phul."

¹⁰ Yerushalemmi naŋkugga lebbacig, gyalsa gaŋpoe naŋŋa hiliŋs shor yaŋ migunni cig taŋ cigga tiŋs, "I mibo su innog."

¹¹ Yeshu nyampo yodkanni mitshogssi lantaŋs, "Khoŋ ni luŋstonpa Yeshu Galillii yuljoŋs Natsaredne innog."

Tshoŋpagun chodkhaŋŋi naŋne phiŋŋa dzads.

21:12 ne 17

¹² Tsoo Yeshu chodkhaŋŋi naŋŋa skyods, nyobtshoŋ taŋkan tshaŋma philogga phiŋs, pene zhebkanunni cogtse taŋ phurgon tsoŋkanunni kursi logga dzads.

¹³ Yeshui khoŋgunla mols, "Dampe suŋrabssi naŋŋa Konchoggi molla dzadte dug, 'De khaŋpaa moslam zhusse khaŋpa zerin,' innaŋ khyozhagunni tebo cagpagunni tshaŋs coste dug."

¹⁴ Chodkhaŋŋi naŋŋa Yeshu yodsa zhara taŋ zhao gun yoŋspa khoŋŋi khoŋgun phancugga dzads. ¹⁵ Innaŋ lama uskyoŋgun taŋ chosthimsa khaspagunni Yeshui halassi dzadpa dzadkan yaŋ tuŋgugunni chodkhaŋŋi naŋŋa, "Gyalpo Dabiddi phorgyuddi phia Konchogga stodpa phul" zerin kuco taŋŋa thoŋpa, khoŋgunla maŋaŋte ŋo yoŋs.

¹⁶ Khoŋgunni Yeshua tiŋs, "Khyoraŋŋa tshorra, i tuŋgugunni ci zerrarag?"

Yeshui lansals, "Tshor. Dampe suŋrabssi naŋŋa 'Konchoggi omthuŋ taŋ zhan tuŋgugun khoŋraŋŋa stodpa taŋcesla daŋdig dzads' dia dzadkanbo khyozhe masilpinna?" ¹⁷ Te stiŋne Yeshu Bedthani doŋsebba skyods yaŋ tshanla teru zhugs.

Phiggi khazassi lcaŋma skams.

21:18 ne 22

¹⁸ Datog ŋamo gyalsa logste skyodin yod zane lamma Yeshu rims. ¹⁹ Lammi thama khoŋŋi phig khazassi lcaŋmazhig zigs, khoŋ te lcaŋma yodsa skyods innaŋ

^a21:9 gyalpo Dabiddi phorgyud zercespo ni Yahudapagunni zer tshulla Konchoggi damcha dzadkanni skyabgon inkanbo hago thubbanog.

teka loma mane khazas medkanbo zigspa khoṅṅi lcaṅmaa mols, "Khyoraṅṅa ḍasbu mane michags." Tennamalla lcaṅmabo skams.

²⁰ Phiggi khazassi lcaṅma skamssala thoṅte lobṭuggun halas yaṅ Yeshua ṭis, "Izam gyogspa phiggi lcaṅmabo kazuggi skamste innog?"

²¹ Yeshui mols, "Ḍe khyozhaa denba zerrad, galtes thetshoms medpa Konchogga tatpa cona, khyozhe i phiggi lcaṅmaa cokaṅbo coces matshad i riboa, 'Soṅ, khyoraṅ gyatshoe naṅṅa phoṅ' zerna tebo coa dzadin. ²² Galtes tatpa coste khyozhe moslammi naṅṅa cizhig zhunaṅ khyozhagunla thobin."

Yeshua waṅche skorla ṭiwa ṭis.

21:23 ne 27

²³ Tsoo Yeshu chodkhaṅṅi naṅṅa skyods yaṅ labzha salin yodtus lama uskyoṅṅun taṅ Yahudape uskyoṅṅun yoṅste ṭis, "Ka waṅcha nyampo khyoraṅṅi igun coad yaṅ khyoraṅṅa i waṅcha sui taṅs?"

²⁴ Yeshui khoṅṅunla mols, "Ḍe khyozhagunla ṭiwazhig ṭiin, galtes khyozhe lantaṅṅa, tene ṅeaṅ ka waṅcha gyudte igun coad khyozhaa shadin." ²⁵ "Yohananla ṭhussalcessi waṅcha Konchoggi chogsne thobte innogga ya mi chogsne?"

Khoṅṅunni khorāṅṅunni naṅṅa spera taṅste zers, "Galtes Konchoggi chogsne innog zerna khoe, 'Khyozhe khoa cia idshes macospin' zerte ṭiin. ²⁶ Innaṅ galtes mii chogsne innog zerna, migunla ṣo yoṅṅanog, ciazerna khoṅṅunni Yohananla luṅstonpa stsiadpin." ²⁷ Teboephia khoṅṅunni Yeshua lantaṅs, "Ḍazhaa gyusmed."

Tene Yeshui khoṅṅunla mols, "Ḍeaṅ mishad, ṅe sui waṅche naṅṅa igun coad."

Butsha nyissi skorla ruṅs.

21:28 ne 32

²⁸ Tsoo Yeshui mols, "Khyozhe ci sammaraḅ? Mizhigga butsha nyis yodpin. Kho butsha chenmo yodsa soṅte zers, 'Butsha, khyoraṅ diriṅ rguntshassi naṅṅa las coala soṅ.' ²⁹ Khoe zers, 'Ḍa chamed' innaṅ stiṅne semba gyurte las coa soṅ. ³⁰ Tene aba butsha chuṅun yodsa soṅte tenna tsogs zerspa khoe, 'O abale ṅa chen' zers innaṅ masoṅ."

³¹ "Khoṅ nyiskoe naṅṅe abe khaa sui nyans?"

Khoṅṅunni zers, "Butsha chenmoe."

Yeshui mols, "Ḍe khyozhaa denba zerrad, ṭhalnenkangun taṅ zugstsoṅmagun khyozhe saṅ sṅunla namkhe gyaṅṣiddi naṅṅa lebin innog. ³² Ḍaṅpo mitshe

phudcessi lam stannala Yohanan khyozhaa yodsa yoŋsteaŋ, khyozhagunni tatpa macos, innaŋ thalnenkangun taŋ zugstsoŋmagunni tatpa cos. Khyozhe tegun thoŋteaŋ khoe lonboe naŋŋa tatpa coste gyodpa macos."

Rgunthas shasla taŋkanni ruŋs.

21:33 ne 46

³³ Tsoo Yeshui mols, "Yaŋ ruŋsshig nyon, zhiŋŋi dagpoe khoranŋi zhiŋŋa rgun tabste gyaŋskor taŋs. Rgun tsirse nassa đus, yaŋ rgunthasla stacessi phia nassa thonpo stsigs. Tene rgunthaspo zhan zhiŋbadpagunla shasla taŋte khoran zhan yulzhigga dugga soŋ. ³⁴ Stonthoggi tuspo nyemoa lebbacig, dagpoe shiŋtoggi skalla lennala shasla taŋkangunnika khoranŋi yogpogun lamcugs. ³⁵ Shaspagunni yogpogun zumste, cigga rduŋs, cig sads, yaŋ cigga rdoa gyabs. ³⁶ Tene dagpoe sŋunni saŋ maŋŋa yogpo lamcugs, innaŋ khoŋgunni khoŋgunlaŋ tenna tsogs ŋanpa cos."

³⁷ "Stiŋjugpoeka khoe khoranŋi butsha lamcugs yaŋ sam, 'Khoŋgunni tantanla ŋe butshaa stsiwa coanog.' "

³⁸ "Innaŋ shaspagunni butsha thoŋŋacig, khoŋgunni cig taŋ cigga zers, 'I zhiŋ norskalla thobcescanbo yoŋŋala, yoŋshig, kho sadte ŋadaŋŋi khoe norskalbo kogin.' ³⁹ Tene khoŋgunni kho zumste rgunthasne philogga phaŋste sads."

⁴⁰ Yeshui Yahudape sponbogunla ŋia dzads, "Ta rgunthas si dagpo yoŋŋacig, khoe shaspagunla ci coin?"

⁴¹ Khoŋgunni lantaŋs, "Khoete miŋangunla nags saŋte stante sadin yaŋ rgunthaspo khoa stonthoggi skala taŋkanni zhan zhiŋbadpa rigga shasla taŋin."

⁴² Yeshui khoŋgunla mols, "Dampe suŋrabssi naŋŋa Griiste yodkanbo khyozhe masilpinna?"

Ka rdoabo khaŋpa stsigkangunni phanmithogs thes,

Tenna rdoabo khaŋpe ŋurdoabo gyur

Kabo tshaŋmesaŋ khagcan rdoabo innog.

Ibo Tsooe coa dzadte innog,

Tebo thoŋte ŋadaŋ ma halasin.^b

⁴³ "Teboephia ŋe khyoranŋunla zerrad, ta namkhe gyaŋsiddi naŋŋa lebcessi skabs khyozhagunni kane khyerra dzadin yaŋ namkhe gyaŋsiddi đasbu zaŋpo

^b21:42 ibo ni zhalchad snyiŋpe suŋgurri speche naŋne 118:22 taŋ 23 naŋŋa yodte innog.

skyekangunla^c salla dzadin. ⁴⁴ Te rdoeka ghaggyabkangun tumpatumpe nanja chagin, innañ te rdoabo khorngunnika budna, khorngun medkan chen."^d

⁴⁵ Lama uskyongun tañ pharushipagunni ruñspo tshorracig, Yeshui khorngunni skorla molkanbo hago. ⁴⁶ Khorngunni Yeshu zumcessi dodpa yodpin, innañ khorngun migunla jigs ciazerna khorngunni Yeshua lunstonpa stsiadpin.

Bagstonni ruñs.

22:1 ne 14

22 ¹ Tsoo Yeshui chossi uskyongunla yañskyar ruñs gyudte labzha sals, ² "Namkhe gyalşid ni gyalpoe khoraññi butshe bagstonni phia dontañ ðalđig cokan tsogs in. ³ Bagstonla bodte yodkangunla yoñ zerte boddala gyalpoe khoraññi yogpogun lamcugs, innañ khorngun yoññala mathad."

⁴ "Gyalpoe yañskyar zhan yogpogun boddala lamcugste zers, 'Bagstonla bodkangunla, ñe dontañ ðalđig co tshar, lanjo tañ Baalañ gyagspa gun sadte citshañma ðub tshar, bagstonni dontañña yoñshig zer.' ⁵ Innañ khorngunni teboa nañstag matañña, khacig zhiñña soñ, khacig tshoñña soñ. ⁶ Zhan luskangunni yogpogun zumste khorñ nyampo ñanpa coste sad."

⁷ "Gyalpoa şo maşante yoñs, yañ khoraññi magmi lamcugste, te mi sadgun medkan cos yañ khorngunni gyalsa mea şags. ⁸ Tene khoraññi yogpogunla zers, 'Bagstonni dontañ ðalđig cotshar, innañ ñe bodkangun tenañña thushes ospa midug. ⁹ Soñte lamgunnika yodkan tshañma bagstonni ðonla yoñ zerte bod.' ¹⁰ Gyalpoe yogpogun lamgunla soñte teka yodkan zañpo tañ ñanpa mitshañma ldumste khyoñspa, bagstonni khañpa ðonpoe gañ."

¹¹ "Innañ gyalpo ðonpogunla thuggala yoññacig, bagstonnañ zobspe koslag magonkanzhig thoñte, ¹² khoe zers, 'Dzaole, khyorañ zab mazabba bagstonla kazuggi yoñspin?' Khoa cañ lantañ manyan. ¹³ Tene gyalpoe khoraññi yatogunla zers, 'I miboe lagpa tañ kañpa gun ldamste, philogga mundiggi nañña phoñ, teru nags şante zhaste ñuces tañ so şigces yoñin'."

¹⁴ Dorlduste Yeshui mols, "Namkhe gyalşiddi nañña mañpoa bodda dzads, innañ nyuñunzhig mane ldamma madzads."

^c21:43 igun Yeshua tatpa coste khorñi lammika ðulkangun innog

^d21:44 şunme Griissi speche khaciggi nañña i 21:44 Griiste medte innog.

Rompe gyalpoa thalshalces.**22:15 ne 22**

¹⁵ Tene pharushipagun tekane soŋ yaŋ khoŋgunni Tsoo Yeshui molkanni sperarig gyudte khoŋ khadcugcesla đabs coste ¹⁶ khoranŋgunni lobtuggun gyalpo Herodadi chogspagun nyampo Yeshuika izug zercesla lamcugs, "Lobponle, nyeraŋ đanpo dzadkanbo ŋazhaa gyusyod yaŋ đanpo nyampo nyeraŋŋi Konchoggi lammika đulces labba dzaddanog. Nyeraŋŋi mi naŋŋa yaphes dzadda manog ciazerna nyeraŋŋi khoŋgun su inkanboeka snaŋŋa dzadda manog. ¹⁷ Molla dzaddan nyeraŋŋi thugssam ci in? Rommi gyalpoa thal shalcespo ospa innogga ya manog?"

¹⁸ Innaŋ Yeshui khoŋgunni jusŋan khyente mols, "Khachospagun cia ŋa spere naŋŋa skarcessi stonđus coad? ¹⁹ Fhalla taŋkanni penezhig ŋaa stonnaŋ." Khoŋgunni Yeshua Rompe mulli penezhig stans. ²⁰ Yeshui khoŋgunla mols, "I peneka yodkanni par taŋ miŋ sui innog?"

²¹ Khoŋgunni lantaŋs, "Rommi gyalpoe innog."

Tene khoŋŋi khoŋgunla mols, "Gyalpoe inkanbo gyalpoa toŋ yaŋ Konchoggi inkanbo Konchogga phul."

²² Khoŋgunni tebo tshorracig, halaste Yeshu borte tekane soŋ.

Sontea laŋshessi skorla tiwa.**22:23 ne 33**

²³ Tenna zhagga, shikangun sontea laŋŋa manog zerkanni saddukipagun Yeshu yodsa tiwazhig tiŋala yoŋs. ²⁴ Khoŋgunni tiŋs, "Lobponle Mozessi molte inpin, 'Galtes butshazhig tuŋu medpa shina, khoe aco ya noe magpa shikanni bumoa nama coste, shikanboe mirgyud lussnessi phia tuŋu skyecug gos.' ²⁵ Ta acono rdun yodpin, taŋpoboe nama cos, yaŋ tuŋu medpa shi, khoe noe te bumoa nama cos. ²⁶ Tenna tsogs nyispa taŋ sumpa taŋ rdunpaa tshagpa soŋ. ²⁷ Stiŋjugga bumoboan shi. ²⁸ Bumoboe khoŋ tshaŋma nyampo nama cospa, shikangun sontea laŋŋi tusla kho khoŋgunni naŋŋe sui nama gyurin?"

²⁹ Yeshui mols, "Khyozhe samtshulbo norte innog ciazerna khyozhagunla Konchoggi stobs ya dampe suŋrabsपो hamagoa innog. ³⁰ Konchoggi shikangun sontea laŋŋa dzad zane, khoŋgunni nama mico ya bagma mitaŋ, khoŋgun namkhe phonya tsogs gyurin."

³¹ "Innañ shikangun sountea lanña dzadcessi skorla dampe suñrabssi nanña Konchoggi molkanbo khyozhe masilpinna? ³² Tebo ni,

'Da ni Abrahammi Konchog,

Isakgi Konchog tañ Yakobbi Konchog in.'

Khoñ ni shikangunni Konchog manpa, sonpogunni Konchog innog."

³³ Tegun tshorracig mitshogs khoññi labzhagunnika halas.

Kagya tshañmesañ khagcan.

22:34 ne 40

³⁴ Saddukipagunni Tsoo Yeshui molkanboa lantañ manyanpa pharushipagun dzoms. ³⁵ Khoñgunni nanne chosthimsa khaspazhiggi Yeshua tshodltacesla i tiwabo tis, ³⁶ "Lobponle, kathimssi nanne ka kagyabo tshañmesañ khagcan innog?"

³⁷ Yeshui mols, "Raññi Tsoo Konchogga raññi snyiñ ganpo, sems ganpo tañ samba ganpone cessa cos. ³⁸ Tebo ni kagya ma khagcan tañ tagshogpo in. ³⁹ Tenna tsogsla kagya khagcan nyispabo ni, rañña cokañ tsogs khyoraññi khyimtshepa cessa cos. ⁴⁰ Mozessi kathims tañ luñstonpagunni Griiskanni spechagun te kagya nyiskoe nanña dorlduste innog."

Mashika sui phorgyud in.

22:41 ne 46

⁴¹ Pharushipagun dzomste yodtus, Yeshui khoñgunla tia dzads, ⁴² "Konchoggi Idamma dzadkanni mashike skorla khyozhe ci sammarañ? Kho sui phorgyud innog?" Khoñgunni lantañs, "Gyalpo Dabiddi phorgyud innog."

⁴³ Yeshui khoñgunla mols, "Gyalpo Dabiddi Mashikaa, dampe thugnyid gyudte Tsoo ciphia zerte innog? Dabiddi zers,

⁴⁴ 'Konchoggi ñe Tsooa mols,

Ñe khyoraññi ðao tshañma,

Khyoraññi kañpe yogga borbor tshagpa,

Khyorañ ñe lagpa yaspe thissika dug.'

⁴⁵ "Galtes Dabiddi Mashikaa 'Tsoo' zerradna, tene kazuggi Mashika khoe phorgyud innog?"

⁴⁶ Suzhiggañ lantañ manyan, matshad te zhagne pharla suzhiggañ khoñña tiwa ticessi hampa macos.

Yeshui chossi uskyongunla skyonrjod dzads.

23:1 ne 36

23 ¹Tsoo Yeshui mitshogs tañ khoṅṅi lobṭuggunla mols, ²"Chosthimsla khaspa tañ pharushipa gunla, Mozessi thimsgun Yahudapagunla hagocugcessi waṅcha yodte innog. ³Teboephia khoṅgunni khyozhaa labkangun kanyante coshig. Innañ khoṅgunni cokan tsogspo khyozhagunni macoshig ciazerna khoṅgunni labkanbo khoranṅunni laglen coa manog. ⁴Chosthimssi khuru lcinte zhanme gyabba kalcesla khoṅgun thaddanog, innañ yato coste tegun stagcesla khoranṅunni dziguanṅ skaṅṅa thadda manog."

⁵"Khoṅgunni las cokan tshaṅma migunla stancesi phia coanog, sperna khoranṅunni thodpa tañ lagpeka ldamkanni chos Griiskangun zhaṅcan tañ shantabbi rugun riṅmo coanog. ⁶Donni naṅṅa ḍalḡo yaṅ dukhaṅṅi naṅṅa stsiwacanni nassa tsallanog. ⁷Thomssi naṅṅa migunni kane stsiwa thobces tañ lobpon zerte boddala thaddanog."

⁸"Innañ khyozhagunla rabbi^e zer macug ciazerna khyozhaa lobpon cigcig mane med, yaṅ khyozhaa tshaṅma spun innog. ⁹Yaṅ jigstennika suaṅ yab mazer, ciazerna namkhaa zhugskanbo ni khyozhagunni yab cigpo in. ¹⁰Ya khyozhagunla lobpon zer macug ciazerna ldamma dzadkanni Mashika cigpo ni khyozhagunni lobpon in. ¹¹Khyozhagunni ṭone tagshog gyurnyin yodkanbo zhangunni yogpo gyurgos. ¹²Fagpo stankangunla pasmo coa dzadin yaṅ khoranṅ pasmo borkangunla stsiwa salla dzadin."

¹³"Chosthimsla khaspa tañ pharushipa khachospagun, khyozhaa tsamshiggi jigspa miyoṅ. Khyozhe migunni ldonṅika namkhe gyaḷṣiddi gho cugdug, khyozharanṅun tenaṅṅa cha midug matshad tenaṅṅa chacessi stsonḍus cokangun chacugga midug."

¹⁴^{f15}"Khyozhaa chosthimsla khaspa tañ pharushipa gunla tsamshiggi jigspa miyoṅ. Mi cig lobṭug cocesla khyozhaa sakyad tañ tsho maṅpo rgalte chadug. Lobṭug gyur tsharracig, khoṅgun khyozharanṅi saṅ nyildab ṅanpa gyurcugdug."

^e23:8 ibripe skaddi naṅṅa rabbi donni lobpon innog.

^f23:14 sṅanme Griissi speche naṅṅa i kaṅpa 14 Griiste medte innog, innañ stiṅmagunni naṅṅa ibo thudte innog, kabo ni "Chosthimsla khaspa tañ pharushipa, khyozhagunla tsamshiggi jigspa miyoṅ. Khachospa khyozhagunni ane maraṅmogunla gobskorte khoṅṅi khaṅpagun khyerces, yaṅ migunla stancesi phia moslam riṅmo zhudug. Tennaboephia khyozhagunla chadpa ṣante taṅin.

¹⁶ "Lamstanpa zhara khyozhaa tsamshiggi jigspa miyoŋ. Khyozhagunni zerdug, chodkhaŋŋi naa skyalkangunla caŋ misto, innaŋ chodkhaŋŋi naŋŋa yodkanni serri naa skyalkangunla te naa skyalkanbo cogosin. ¹⁷ Zhara, samba medkangun serbo tagga innogga ya chodkhaŋ kaboe te serpo dampa coad? ¹⁸ Khyozhagunni zerdug, chodthi naa skyalkangunla caŋ misto, innaŋ chodthiika yodkanni chodpe naa skyalkangunla te naa skyalkanbo cogosin. ¹⁹ Zharagun, chodpa tagga innogga ya chodthi kaboe chodpabo dampa coad? ²⁰ Tene chodthi naa skyalkangunni chodthi taŋ chodthiika yodkan tshaŋme naa skyalte innog. ²¹ Yaŋ chodkhaŋŋi naa skyalkangunni chodkhaŋ taŋ chodkhaŋŋi naŋŋa nassa dzadkanboe naa skyalte in. ²² Yaŋ namkhe naa skyalkangunni Konchoggi zhugsthis taŋ teka zhugste yodkanni Konchoggi naa skyalte innog."

²³ "Chosthimsla khaspa taŋ pharushipa khachospagun, khyozhaa tsamshiggi jigspa miyoŋ. Khyozhagunni masala tabkanni yoŋgo chuŋshoggi naŋneŋ rcukhag cigta phuldugpa, innaŋ Mozessi ma khagcan kathimsgunla snaŋmed corug sperna ospe thimscad, snyinrje taŋ idshescanni mitshe phudces. Khyozhe te kathimsgunla snaŋŋa coces matshad yoŋgoe rcukhagpoŋ Konchogga phulgos. ²⁴ Chossi lamstankan zharagun, khyozhe chu thuŋŋi saŋ sŋunla tenaŋne tshitu cokanni butsig chuŋunbo phiŋdug innaŋ sŋaboŋbo smidtaŋdug."

²⁵ "Chosthimsla khaspa taŋ pharushipa khachospagun, khyozhaa tsamshiggi jigspa miyoŋ. Kore taŋ thalli philogpo lagmo corug, innaŋ khyozhe naŋkugpo nabsems taŋ raŋdoddi gaŋste dug. ²⁶ Pharushipa zharagun, goma kore taŋ thalli naŋkugpo lagmo cossaŋ, tene philogpoŋ lagmo chen."

²⁷ "Chosthimsla khaspa taŋ pharushipa khachospagun, khyozhaa tsamshiggi jigspa miyoŋ. Khyozhagun kartsi skuskanni Romkhaŋ tsogs innog, kabo philogne ldemo thoŋnaŋ naŋkugpo roe ruspa taŋ tshitui rigs tshaŋma gaŋste yodte innog. ²⁸ Tenna tsogsla khyozhaa philogne migunla daŋpo thoŋnaŋ khyozhe naŋkugpo khachos taŋ ŋanpa gunni gaŋste yodte innog."

²⁹ "Chosthimsla khaspa taŋ pharushipa khachospagun, khyozhaa tsamshiggi jigspa miyoŋ. Khyozhe luŋstonpagunla spurkhaŋ stsigdug, yaŋ mi daŋpogunni spurkhaŋŋa stsiŋulte ldemo corug. ³⁰ Yaŋ khyozhe zerdug, galtes ŋazhaa ŋazhe phamespogunni tusla yodpinna, luŋstonpagun sadcessi naŋŋa ŋazhaa deŋte meddo."

³¹ "Khyozhe zerkanboe khyozhaa luŋstonpagun sadkanni phorgyud inkanboe spaŋpo taŋŋanog. ³² Ta soŋte khyozhe phamespogunni gozug cokanni las ŋanbo

ḍubcug. ³³ Rulgun, khyozhaa tugrulli gyudgun, nyalwe chadpane kazuggi khyozhaa tharthubin?"

³⁴ "Teboephia khyozheka ṇe luṇstonpagun, shesrabscangun taṇ lobpongun kalin. Yaṇ khoṅgun tsalla ḍoṅkhyerne ḍoṅkhyerla soṅte khyozhe khacig ṣkyañshiṅṅa ṣkyañste sadin, khacigga dukhaṅṅi naṅṅa stallcag gyabin. ³⁵ Teboe zhaste jigsten chagspane pharla mi ḍaṅpo tshaṅme ṣog lenkanni nyadgalbo khyozhagunnika phogin, Abel mi ḍaṅpo sadkan ne taṅste chodkhaṅ taṅ chodṭhii parla sadkanni Baragyi butsha zakarye tshogpa. ³⁶ De denba zerrad, te cuṅkan tshaṅme chadpabo i Mirabspoeaka phogin."

Yeshui Yerushalempagunnika thugstsher dzads.

23:37 ne 39

³⁷ Yeshui mols, "Yerushalempa, Yerushalempa, luṇstonpagun sadkan yaṇ khyozheka lamcugga dzadkangunla rdoa gyabste sadkan gun, camoe raṅṅi ṭugugun skyobcesla shogpe yogga kabba tsogsla, ṇeaṅ khyozhaa lan maṅpo kabcessi dodpa cospin, innaṅ khyozhe ṇaa co macugs. ³⁸ Ta stos, naste yodkanbo biṅte skyodpa khyozhe chodkhaṅ stoṅpa innog. ³⁹ De khyozhaa denba zerrad, khyozhaa ṇa yaṅskyar mithoṅ namtshogpa khyozhe, 'Tsoo Konchoggi waṅche naṅṅa skyodkanbo cinlabscan in' mizer."

Thame tussi skorla luṅstan dzads.

24:1 ne 51

24 ¹ ¹³ Tsoo Yeshu chodkhaṅne biṅte skyodin yod zane khoṅ yodsa lobṭuggun yoṅste chodkhaṅ halasshes stsigste yodkanbo Yeshua stanna dzads.

² Yeshui khoṅgunla mols, "I tshaṅma khyozhaa thoṅdugga? De khyozhaa denba zerrad, i stsigkanni rdoa ciggaṅ ciggika stsagste milus, tshaṅma shigin."

³ Oliwwi rika Yeshu zhugste yod zane, lobṭuggun khoṅ cigpo yodsa yoṅste ṭis, "Ḍazhagunla shadda dzaddaṅ tebo nam cuṅin. Nyerāṅ jigstennika logste skyodces yaṅ tussi thame stagspo cirig yoṅin.

⁴ Yeshui lansals, "Suzhiggaṅ khyozhaa gobskor taṅ micugcesla shaṅ cos, ⁵ ciazerna ṇe miṅ khurte ṇa ldamma dzadkanni Mashika in zerkan maṅpozhiḡ yoṅste mi maṅpoa gobskor taṅin. ⁶ Yaṅ khyozhagunni mag taṅ maggi skorla uyagun tshorracig, jigs majigshig. Tegun cuṅgos, innaṅ thame tus taruṅ mileb.

⁷ Gyalkhams cig taṅ cig yaṅ gyalkhag cig taṅ ciggi gyabgalla mag taṅin. Nassa

manpoe nanja muge tan sangul gun yonin. ⁸ Innan te tshanma ni tugu skyecessi gozuggi zugzerbo tsogs in."

⁹ "Tene khyozhaa sdugsnal stancesla stadte sadin. Khyozhe ne nanja tatpa cocospoe gyalkhams tshanme migunni khyozhagunla naphrad coin. ¹⁰ Tedusla mi manpoe ne nanja tatpa cokbanbo phanin yan khoran cig tan cigga naphrad coste daoe lagga stadin. ¹¹ Zusme lunstonpa manpo yonste mi manpoa gobskor tanin. ¹² Jigstenni nanja nansems gyasshespoe manpozelligi Konchog tan migunni phia yashabo nyamsin. ¹³ Innan thama tshogpa neka tatpa stanpo borkangun tharin. ¹⁴ Gyalkhams tshanme migunni tshorcessi phia jigsten ganpoe nanja namkhe gyaliddi gamoe nastshulbo shadin, tene tussi thama lebin."

¹⁵ "Khyozhe, lunstonpa Danielli dampe sunrabssi nanja dia dzadkan 'Tshitu cokanni khamlogcespo' dampe chodkhanji nanja thonjacig, (Silkangunni ne zercescangunnika sanja ton) ¹⁶ Yahude yuljonssi nanja dugkangun rigunla shorgos. ¹⁷ Khanpe khathogga yodkangun yogga babste khanpe nanja norgun lennala macha. ¹⁸ Zhihijika las coin yodkangun logste khanpaa Kos khyonjala macha. ¹⁹ Tedusla skyecesma tan tuga pibi tan kanni amagunla tsamshiggi jigssnan manog. ²⁰ Khyozhaa shorcessi tuspo ghuntus ya shabbaddi naltshoe zhagga micuncesla moslam zhus. ²¹ Tedusla izam sdugsnal tagpo cunin, kabo jigsten dzadpane pharla daga tsugspa macunja innog yan stinzhinnan micun. ²² Galtes teduspo nyunjun madzadpinna suzhiggan sontea luste meddo, innan Idamma dzadkangunni tonla teduspo nyunjun coa dzadin."

²³ "Tedusla galtes suzhiggi khyozhaa, 'Stosshig Mashika ikane ya akane zhugste dug' zerna idshes maco. ²⁴ Ciazerna Mashika zuma tan lunstonpa zuma gun yonste halassi dzadpa tan stasgun stante Konchoggi Idamma dzadkangunlan gobskor tancessi stondu coin innan tan minyan. ²⁵ Tuspo lebbi san sunla ne khyozhaa shadte in, shan cos."

²⁶ "Galtes suzhiggi 'Mashika a ristonji nanja dug' zerna macha, ya 'Khon a nanne dug' zerna idshes maco. ²⁷ Skamlaggi od namkhe nanja sharne nub tshagpa khyebssa tsogs, mirigssibu logste yon zanean chen. ²⁸ Ro yodsa sha zakanni cagun khorrnog. (Khyozhe te stagsgun cunja thonjacig thame tus lebcespo khyozhaa hagogos)."

²⁹ "Tedussi sdugsnali cab stinne,
'Nyima mundig gyurin,
Lzawe od mitan

Namne skarmagun budin

Yaŋ namkhe waŋgun ŝugga dzadin.⁸

³⁰ "Tene mirigssibu yoŋcessi stags nammi naŋŋa cuŋspa jigstenni gyalkhams tshaŋme migunni nyaŋan coin. Tene khoŋgunni mirigssibu waŋ taŋ zirrijid taŋpo nyampo ŝinnika dugste yoŋŋa thoŋin. ³¹ Tuŋskad chenmo phuacig khoe khoranŋi phonyagun jigsten gaŋpoe naŋne ldamma dzadkangun lducesla kalin."

³² "Ta phig khazassi lcaŋme kane labzha lob. Teboe yalga ŝjonpo soŋte loma soma biŋŋacig, yar nyemo lebkanbo shessanog. ³³ Tenna tsogsla khyozhagunni te stags tshaŋma thoŋŋacig, kho logste yoŋcessi tus nyemo, ghoe dunla lebste yodkanbo khyozhagunni shesin. ³⁴ De khyozhaa denba zerrad, i Mirabspo medkan che saŋ ŝjunla te tshaŋma cuŋin. ³⁵ Namkhaa taŋ jigsten nyisko medkan chen, innaŋ ŋe zerkangun medkan mane micha."

³⁶ "Te tshaŋma cuŋcessi zhag ya tustshotpo Konchog yab cigpoa mane yaŋ suaŋ gyusmed, namkhe phonya ya butshaŋ. ³⁷ Mi ɗaŋpo Noae tusla cuŋkan tsogs mirigssibu yoŋŋi tuslaŋ cuŋin. ³⁸ Jigstennika chulog yoŋŋi saŋ ŝjunla, Noa ɗuziŋŋi naŋŋa chacha tshagpa migun zen taŋ thuŋin, nama coin taŋ bagma taŋin dugs. ³⁹ Chulog yoŋste khoŋ tshaŋma khyerte shishi tshogpa khoŋgunla te cuŋcespo gyus caŋ medpin, tenna tsogs mirigssibu yoŋ zaneaŋ cuŋin."

⁴⁰ "Zhiŋŋika yodkan mi nyissi naŋne cigpo namkhaa khyerra dzadin yaŋ cigpo borin. ⁴¹ Raŋthaggaika ɗo skorin yodkan bumo nyissi naŋne cigpo namkhaa khyerra dzadin yaŋ cigpo borin."

⁴² "Teboephia shaŋ cos, ciazerna khyozhagunla khyozhe Tsoo yoŋcessi zhagpo gyusmedte innog. ⁴³ Innaŋ ibo hagoshig, galtes tshanla ŝkunma yoŋcessi tustshotpo khaŋdagga gyusyodpinna, kho ŝuŋste dugste khoe khoranŋi khaŋpe naŋŋa ŝkunma zhugs micug. ⁴⁴ Teboephia khyozhaa tusgyun ɗalɗig duggos ciazerna khyozhagunni rewa meddi tusla mirigssibu yoŋŝidces innog."

⁴⁵ "Sponboe khoranŋi khaŋpe stastog taŋ zhan yogpogunla tussika zhagdaŋŋi kharji taŋcessi phia skoskan idshescan taŋ shesrabscanni yogpo su innog?

⁴⁶ Sponbo logste yoŋŋacig yogpoboe khoe skoskanni laspo coin thoŋna khoa solras taŋin. ⁴⁷ De khyozhaa denba zerrad, sponboe, khoranŋi nor tshaŋma stastog cocessi khagpo khoa taŋin. ⁴⁸ Innaŋ yogpobo ŋanpa inna khoe, 'De sponbo tusyunriŋ logste miyoŋ' samste ⁴⁹ khoranŋi ɗopa yogpogunla rduŋces gozug coste, raroskangun

⁸24:29 ibo zhalchad snyiŋpe yeshaye speche 13:10 taŋ 34:4 taŋ Yoelli speche 2:10 naŋŋa yodte innog.

nyampo zen chaŋ thuŋin dugin. ⁵⁰ Khoe rewa micoe zhagga yaŋ khoa gyusmeddi tustshotpoeka sponbo yoŋste ⁵¹ kho tumpatumpe naŋŋa cadte khachospagun nyampo borin, teru nags ŝante zhaste ŋuces taŋ so ŝigces yoŋin.

Nachuŋ rcui ruŋs.

25:1 ne 13

25 ¹ Yeshui mols, "Namkhe gyaŝid ni skyoŋtse khurte magpaa thugga chakanni nachuŋ rcu tsogs in. ² Khoŋgunni naŋŋa ldadpa medkan ŝŋa taŋ shesrabscan ŝŋa yodpin. ³ Ldadpa medkan ŝŋakoe skyoŋtseta khurs, innaŋ skyoŋtse naŋŋa nancesi phia theba samar khurrala rjed. ⁴ Shesrabscangunni skyoŋtse nyampo skyoŋtse naŋŋa nancesi phia theba samarraŋ khurs. ⁵ Magpa lebbala tus maŋpo gorpa khoŋ tshaŋma ŋalte nyidla soŋ."

⁶ "Tshanphedshigga 'Magpa lebdug, thuggala yoŋshig' zerte skad tshor."

⁷ "Nachuŋ tshaŋma laŋste odgun salpo cos. ⁸ Ldadpa medkan ŝŋakoe shesrabscan ŝŋakoa zer, 'Ŋazhe odpō shirugpa juju ŋazhaa samar tsapig toŋŋaŋ.' ⁹ Khoŋgunni zers, 'Taŋŋamed. Ŋazhe khyozhaa taŋna ŋadaŋ tshaŋmala nyuŋun chen, tesan samar tsoŋkannika soŋte khyozharaŋŋi phia nyos.' ¹⁰ Khoŋgun samar nyoala soŋte med zane magpa leb. Ŋaldig yodkan nachuŋgun magpa nyampo bagstonni đonla soŋ yaŋ ghobo cugs."

¹¹ "Stiŋne zhan ŝŋakoan yoŋste magpaa zers, 'Acole, acole, ŋazhe phia gho pheadzaddaŋ' ¹² Innaŋ khoe lantaŋs, 'Ŋe denba zerrad, ŋe khyozhaa shessamed.' "

¹³ Dorlduste Yeshui mols, "Mirigssibu ka zhag taŋ tustshottika logste yoŋcespo, khyozhaa gyusmedpa shaŋ cos."

Yogpo summi ruŋs.

25:14 ne 30

¹⁴ Yeshui mols, "Namkhe gyaŝid ni besla che saŋ ŝŋunla mizhiggi khoranŋi yogpogun bodte nor stadkan tsogs in. ¹⁵ Khoe yogpo rerea khyud naŋzhin mulli pene skaŋskanni gigu, taŋpoboa ŝŋa, nyispaboa nyis, yaŋ sumpaboa cig taŋste khoran besla soŋ."

¹⁶ "Mulli pene gigu ŝŋa thobkanboe tennamalla soŋte, penebo lassi naŋŋa taŋspa theba gigu ŝŋa jor. ¹⁷ Tenna tsogs gigu nyis thobkanboan theba gigu nyis jor.

¹⁸ Innaŋ gigu cig thobkanboe saa đuste sponboe pene taŋskanbo vaste bors."

¹⁹ "Tus maṅpoe stiṅne sponbo logste yoṅs yaṅ yogpo sumkoe kane stsirug lens.

²⁰ Gigu ṣṅa skanste mul thobkanboe yaṅ theba gigu ṣṅa khyoṅste zers, 'Sponbole nyeraṅṅi ṅaa gigu ṣṅa sals, zigssaṅ ṅa theba ṣṅa jor.' "

²¹ "Sponboe zers, 'Gyalla cos, yogpo zaṅpo taṅ idshescan, khyoraṅ nyuṅunzhiggi naṅṅa idshescan luspa, ṅe khyoraṅṅa nor maṅpoeka waṅcha taṅin, yoṅ ṅa nyampo gamo cos.' "

²² "Gigu nyis skanste mul thobkanboe zers, 'Sponbole nyeraṅṅi ṅa gigu nyis sals, zigssaṅ ṅaa theba gigu nyis jor.' "

²³ "Sponboe zers, 'Ma gyalla soṅ, yogpo zaṅpo taṅ idshescan, khyoraṅṅi nyuṅunzhiggi naṅṅa ḍaṅpo cospa, ṅe khyoraṅṅa nor maṅpoeka waṅcha taṅin, yoṅ ṅa nyampo gamo cos.' "

²⁴ "Tene gigu cig skanste mul thobkanboe zers, 'Sponbole, nyeraṅ snyiṅrje medkan, khoranṅi matabkanni sakyaddi kane ṅakan taṅ saon mayogkanni sakyaddi kane ldukan inkanbo ṅa gyusyod pasaṅ ²⁵ ṅa nyeraṅṅa jigste, nyeraṅṅi mulli pene gigu se yogga vaste borpin, nyeraṅṅi penebo logste nams.' "

²⁶ "Sponboe zers, 'Yogpo ṅanpa, lasmilam. Ḍa ṅaraṅṅi matabkanni sakyaddi kane ṅakan taṅ ṅe saon mayogkanni sakyaddi kane ldukan inkanbo khyoraṅṅa gyusyodteaṅ, ²⁷ khyoraṅṅi ṅe penebo muldzodkhaṅṅi naṅṅa ciphia mataṅspin? Galtes taṅspinna, ṅa yoṅste pharyampo ṅari pene lente yodḍo.' "

²⁸ "Sponboe zers, 'Khoe kane gigu skanṅskanni penebo lente gigu rcu yodkanboa toṅ ²⁹ taṅskanbo gyalla coste kolkangunla maṅṅa taṅces matshad khoṅṅi naṅṅe ludte chen, innaṅ makolkangunni kane nyuṅun yodkanboṅ khyerin. ³⁰ I phanmithogssi yogpo philogga mundiggi naṅṅa phoṅ, teru nags ṣante zhaste ṅuces taṅ so ṣigces yoṅin' "

Stiṅjuggi thimscad.

25:31 ne 46

³¹ Yeshui mols, "Mirigssibu zirrijiddi naṅṅa phonya tshaṅma nyampo yoṅṅi tus, kho gyalpoe tshulla khoranṅi zirrijiddi thissika dugin. ³² Gyalkhams tshaṅme migun khoe dunla ldusin, lugsdzi Rame ṭone luggun phea tsogsla khoe migun soso phein.

³³ Khoe yaspa chogsla lug taṅ yoma chogsla Rama gun borin."

³⁴ "Tene gyalpoe yasla yodkangunla zerin ṅe yabbi cinlabs salkangun, khyozhe norskal namkhe gyalṣidpo lennala yoṅ, kabo khyozhe phia jigsten dzadpane pharla ḍaldig dzadte in. ³⁵ Ḍa stogs zane khyozhe zan taṅs yaṅ ṅa skoms zane khyozhe

tunçes taŋs, masheskan ininnaŋ ŋaa khyozhe khaŋpe naŋŋa gasus zhus. ³⁶ Ða ljernyalla yod zane koslag skons, ŋa zumo yoŋ zane stastog cos, yaŋ ŋa tsonkhaŋŋa yod zane thuggala yoŋs."

³⁷ "Tene te mi ðaŋpogunni zerin, 'Tsoole, nam nyeraŋ stogria thoŋte ŋazhe kharji taŋs ya skomsa thoŋte thuŋces taŋs? ³⁸ Nam nyeraŋ masheskan thoŋte ŋazhe khaŋpe naŋŋa gasus zhus, ya ljernyalla thoŋte koslag skons? ³⁹ Yaŋ zumo ya tsonkhaŋŋa yodda thoŋte nam thoggala yoŋs?' "

⁴⁰ "Tene gyalpoe zerin, 'Ðe khyozhaa denba zerrad khyozhe ŋe spun uthugs chuŋshog cigga coskangun ŋaa coste in.' "

⁴¹ "Tene yoma chogsla yodkangunla zerin, 'Rŋan phogkan, khyozhagun ŋane thagriŋŋa mane mishicessi mee naŋŋa soŋ kabo shetan taŋ khoe phonya ŋanpagunni phia coa dzadte in. ⁴² Ða stogs zane khyozhe zacesla caŋ mataŋs, ŋa skoms zane thuŋcesla caŋ mataŋs. ⁴³ Ða misheskan in zane khyozhe khaŋpe naŋŋa gasus mazhus, ljernyal yod zane koslag maskons, zumo ya tsonkhaŋŋa yod zane ŋa stastog macos.' "

⁴⁴ "Khoŋgunni lantaŋin, 'Tsoole, nam ŋazhaa nyeraŋ stogria, skomsria, masheskan, ya ljernyalla, ya zumo, ya tsonkhaŋŋa yodda thoŋte nyeraŋŋa rogs macos?' "

⁴⁵ "Tene gyalpoe zerin, 'Ðe khyozhaa denba zerrad, ŋe spun uthugs chuŋshog cigga yato macospa, ŋaa macoain.' "

⁴⁶ "Khoŋgun thamedpe chadpe naŋŋa khyerin innaŋ mi ðaŋpogun thamedpe mitshe naŋŋa chen."

Yeshu sadcessi jusŋan ldiŋs.

26:1 ne 5

26 ¹ Yeshui te tshaŋma mol tsharte stiŋne khoŋŋi lobtuggunla mols, ² "Naŋsla pesaggi tuschen inkanbo khyozhagunla gyusinnog, yaŋ te zhagga mirigssibu ðaoe lagga ŝkyaŋshiŋŋika ŝkyaŋŋala stadin."

³ Tene lama uskyoŋgun taŋ Yahudape uskyoŋgun, lama chenmo Kayaphas zerkanni phodaŋŋi naŋŋa dzomste ⁴ saŋwe naŋŋa Yeshu zumste sadcessi jusŋan ldiŋs. ⁵ Khoŋgunni zers, "Innaŋ pesaggi tuschenni tusla mico ciazerna mitshogsla ŝo yoŋste hiliŋs phiŋŝidces innog."

Yeshui ua țizhimcanni mar lugs.**26:6 ne 13**

⁶ Tsoo Yeshu Bedthani đoņsebba dzenadne phankan Shimonni khaņpe naņņa
⁷ cogtse dunla stente zhugste yodtus, țizhimmi mar rincan skañkanni karyolli nod
khurkanni bumozhig yoņs yaņ țizhimbo khoņņi uika lugs.

⁸ Tebo thoņņacig lobțuggunla șo yoņste, cig taņ cigga zers, "Cia tebo godla
taņste innog? ⁹ Te țizhimmi mar rincanbo rin chenmozhigga tsoņste penebo
nyalbacangunla goste taņshigpiaņ."

¹⁰ Yeshui tebo khyente khoņgunla mols, "Khyozhe i bumoe semsla cia nags
stannad? Khoe ñe phia las zaņpo coste innog. ¹¹ Nyalbacangun tusgyun khyozhaa
nyampo lussanog, innaņ ña khyozhaa nyampo tusgyun milus. ¹² ðe zugspoeka
mar lugste khoe ña shite subcessi phia đaldig coste innog. ¹³ ðe khyozhaa denba
zerrad, jigsten gaņpoe naņņa gamoe nastshul shadsa tshaņmala, i bumoboe ñaa
coskanboaņ shadte kho idtu coin."

Yeshua karyodpa yude ñolog cos.**26:14 ne 16**

¹⁴ Tene lobțug rcugnyissi naņne karyodpa Yuda zerkanbo lama uskyoņgun yodsa
soņte ¹⁵ țis, "Galtes ñe Yeshu khyozhagunla stadna, ñaa ci taņin?" Khoņgunni
khoa mulli pene sumcu taņs. ¹⁶ Tenna tusne pharla yude Yeshu lama uskyoņgunla
stadcessi skabs tsals.

Yeshui lobțuggun nyampo pesaggi dontaņ dons.**26:17 ne 30**

¹⁷ Skyur medkanni tagi tuschenni gome zhag, lobțuggun Yeshuika yoņste țis,
"Đazhe nyeraņ doncessi phia pesaggi dontaņ karu đaldig cole."

¹⁸ Khoņņi mols, "Yerushalemmi gyalse naņņa ñe zerkanni miboeka soņte khoa
zer, 'Lobponni zerdug ñe phia ldamma dzadkanni tuspo nyemo dug. Đaraņņi
lobțuggun nyampo khyoraņņi khaņpe naņņa ñaa pesaggi dontaņ zen.' " ¹⁹ Tene
lobțuggunni Yeshui molkan naņzhin pesaggi dontaņ đaldig cos.

²⁰ Phitog chacig lobțug rcugnyis nyampo Yeshu cogtse dunla nyassika stente
²¹ dontaņ donin yodtus, khoņņi lobțuggunla mols, "ðe khyozhaa denba zerrad
khyozhaa tshaņme naņne cigciggi ñaa đaoe lagga stadin."

- ²² Khoṅgun maṣaṅte tsherte, ciggi stiṅne ciggi ʔis, "Tsoole, tantan ʔata maṅdo?"
- ²³ Yeshui lansals, "ʔa nyampo daben ciggi naṅne zakanboe ʔaa ḍaoe lagga stadin.
- ²⁴ Dampe suṅrabssi naṅṅa Griiste yodkan naṅzhin mirigssibu shigos, innaṅ mirigssibu ḍaoe lagga stadcescanni miboa tsamshiggi jigspa miyoṅ. Te saṅta kho maskyespinna khoe phia gyalla yoddo."
- ²⁵ Tene Yeshu ḍaoe lagga stadcescanni yude zers, "Lobponle tantan ʔata maṅdo." Yeshui mols, "Ona khyoraṅ in."
- ²⁶ Dontaṅ donin yodtus, Yeshui tagi namste Konchogga thugrjeche zhuste cagga dzads yaṅ lobṭuggunla salin mols, "Ibo ʔe zugspo in, lente zo."
- ²⁷ Tene donskyogpo nams yaṅ Konchogga thugrjeche zhuste khoṅgunla salin mols, "Khyozhaa tshaṅme i naṅne thuṅ ²⁸ ibo ʔe ʔhag in kaboe Konchog taṅ khoṅṅi migunni parla chaddonbo tantan dzaddanog, yaṅ mi maṅpoe sdigpe phia ṣogchod tshulla phos. ²⁹ ʔe khyozhaa zerrad, i rgunchaṅbo khyozhagun nyampo ʔe yaṅskyar mithuṅ namtshogpa ʔaraṅṅi yabbi gyaṣiddi naṅṅa iboa soma tontag misal."
- ³⁰ Khoṅgunni Konchogga stodpe lu phul tsharracig, khoṅgun oliwwi ria skyods.

Yeshui Piṭarri khoṅ misheszun taṅcespo luṅstan dzads.

26:31 ne 35

- ³¹ Tene Tsoo Yeshui lobṭuggunla mols, "Diriṅ tshanla khyozhaa tshaṅme ʔa phaṅste chen ciazerna Konchoggi molla dzadte innog, 'ʔe lugsdzi sadcugin, Yaṅ lug tshaṅma yante chen.'
- ³² "Innaṅ ʔa sotea laṅṅa dzadte stiṅne khyozhe saṅ sṅunla Galillii yuljoṅsla chen."
- ³³ Piṭarri lantaṅs, "Tshaṅme nyeraṅ phaṅnaṅ, ʔe nyeraṅ mane miphaṅ."
- ³⁴ Yeshui, "ʔe khyoraṅṅa denba zerrad inna tshanla capoe caskad taṅṅi saṅ sṅunla, khyoraṅṅi ʔaa lan sum misheszun taṅin."
- ³⁵ Piṭarri utshugs taṅste zers, "ʔa nyeraṅ nyampo shigosnaṅ, ʔe nyeraṅ misheszun mane mitaṅ." Tenna tsogs zhan lobṭug tshaṅmeaṅ zers.

Gedshemane tshassi naṅṅa Yeshui moslam zhus.

26:36 ne 46

- ³⁶ Tene Tsoo Yeshu lobṭuggun nyampo Gedshemane zerse nassa skyods yaṅ khoṅṅi khoṅgunla mols, "Khyozhagun ika dug, ʔa aka moslam zhua chad"

³⁷ Khoŋŋi Piṭar yaŋ zebeddii butsha Yakob taŋ Yohanan nyisko, khoŋraŋ nyampo khyerra dzads, Yeshua thugstsher skyodte tshabssa dzads. ³⁸ Yeshui khoŋ tshaŋkoa mols, "De semsla tsherkha maṣaŋte shices tsogs rag. Ika dug, ŋa nyampo nyid mataŋŋa laŋste dug."

³⁹ Yeshu khoŋgunni saŋ tsapig thagriŋŋa skyodte, ljargyelte zhaldon seka phabste, moslam zhuin mols, "De yable, zhan thabsshig yodna i sdugsŋalli korebo ŋe kane thenna dzaddaŋ, innaŋ ŋe dodpa naŋzhin manpa, nyeraŋŋi thuggoŋs naŋzhin coa dzad."

⁴⁰ Tene Yeshu lobṭug tshaŋko yodsa logste skyods yaŋ khoŋgun nyidla soŋte zigs. Khoŋŋi Piṭarla mols, "Chutshod ciggaŋ ŋa nyampo nyid mataŋŋa dugmanyanna?"

⁴¹ Khyozhaa sdigpe naŋŋa migyelcessi phia nyid mataŋŋa moslam zhus. Semsnyiddi dodpa sdigpe naŋŋa migyelces yodnaŋ zugspo uthugs yodte innog."

⁴² Lan nyispa khoŋ tsapig thagriŋŋa skyodte moslam zhua dzads, "De yable, galtes i sdugsŋalli korebo ŋe thuŋste mane then nyances medna, nyeraŋŋi thuggoŋs naŋzhin ḍubshig." ⁴³ Khoŋ logste skyoddacig, lobṭuggun ṣaŋte ŋalcespoe nyidla soŋte zigs.

⁴⁴ Lobṭuggun yaŋskyar borte khoŋ tsapig thagriŋŋa skyodte lan sumpa sŋunma tsogsla moslam zhua dzads. ⁴⁵ Tene khoŋ lobṭuggun yodsa logste skyodte mols, "Tarunŋaŋ khyozhaa nyid taŋin ŋaltshoada? Stos, mirigssibua ŋolog coste sdigcangunni lagga stadcessi tustshotpo leb tshar. ⁴⁶ Loŋ, ŋadaŋgun chen. Stos, ŋaa ŋolog cokaŋbo yoŋŋala."

Yeshu zums.

26:47 ne 56

⁴⁷ Tsoo Yeshui zhalta salin yod zane lobṭug rcugnyispoe naŋne Yuda teka leb, kho nyampo lama uskyoŋgun taŋ Yahudapa uskyoŋgunni kalkanni mi maŋpo rai taŋ berga Rompo khurte yoŋs. ⁴⁸ Ŋolog cokaŋboe khoŋgunla Yeshu zummala stagsshig coin zers "De pug taŋkanni mibo khyozhe zum." ⁴⁹ Tennamalla Yuda Yeshu yodsa soŋte, "Lobponle, jule" zerte pug taŋs.

⁵⁰ Yeshui khoa mols, "Dzao, khyoraŋ coala yoŋskaŋbo cos." Tene khoŋgun yoŋste Yeshu zums yaŋ lcagthag nyampo tags. ⁵¹ Hunmedla lobṭug ciggi khoranŋi rai phiŋste lama chenmoe yogpoa gyabste khoe namchogpo cadtaŋs.

⁵² Yeshui khoa mols, "Rai shubssi naŋŋa cug ciazerna rai kolkan tshaŋma rai kane shiin. ⁵³ Khyoraŋŋi ci sam, galtes ŋe ŋaraŋŋi yabba zhuna tennamalla phonye

magmi ðaᅇs medshig ᅇaa skyobba kalla midzadda? ⁵⁴ Innaᅇ galtes tebo ᅇe cona, tene dampe suᅇrabssi naᅇᅇa igun ᅇeka cuᅇgos molkanbo kazuggi ðaᅇᅇa ðubin."

⁵⁵ Tene Yeshui khoᅇ zumkangunla mols, "Rai taᅇ berga khurte ᅇa zumma yoᅇste ci ᅇa stanshig innogga? Chodkhaᅇᅇi naᅇᅇa zhagdaᅇ ᅇe labzha taᅇ zane khyozhe ᅇa cia mazumspin? ⁵⁶ Innaᅇ dampe suᅇrabssi naᅇᅇa luᅇstonpe Griiskangun ðubcessi phia i tshaᅇma cuᅇgos." Tene khoᅇ phaᅇste lobᅇuggun shor.

Yeshu Yahudape tshogsdui dunla khyers.

26:57 ne 68

⁵⁷ Tsoo Yeshu zumkangunni, khoᅇ lama chenmo Kayaphassika khyers, karu chosthimsia khaspagun taᅇ Yahudape uskyoᅇgun dzomste yodpin. ⁵⁸ Innaᅇ Piᅇar lama chenmoe phoᅇaᅇᅇi gyaᅇskor tshogpa thagriᅇzhigne khoᅇᅇi gyabne soᅇ yaᅇ naᅇkugga soᅇte Yeshua ci corug stala suᅇkangun nyampo seka dug.

⁵⁹ Lama chenmo taᅇ Yahudape tshogsdui thusmi tshaᅇme Yeshu sadnyancessi zusme spaᅇpo tsals. ⁶⁰ Maᅇpoe zusme spaᅇpo taᅇnaᅇ khoᅇ sadnyancessi spaᅇpozhiᅇ mathob. Stiᅇjugga mi nyis yoᅇste ⁶¹ zers, "I miboe, 'ᅇe Konchoggi chodkhaᅇ shigste, zhag summi naᅇᅇa yaᅇskyar stsignyanin' zerrarag."

⁶² Tene lama chenmo laᅇste Yeshua zers, "Khyoraᅇᅇi gyabgalla spaᅇpo taᅇkangunla lantaᅇᅇa medda? Raᅇ skyobcessi phia khyoraᅇᅇa zerces yodda? "

⁶³ Innaᅇ Yeshu cubcade zhuᅇs. Tene lama chenmoe zers, "ᅇe khyoraᅇᅇa Konchog sonpoe naa kallad, ᅇazhaa shoddaᅇ khyoraᅇ ldamma dzadkanni Mashikaa, Konchoggi ᅇas inna?"

⁶⁴ Yeshui mols, "Ona nyeraᅇᅇi zerkanbo in, innaᅇ ᅇe khyozhaa zerrad, maᅇspe tussi naᅇᅇa mirigssibu kunwaᅇ Konchoggi chag yaspe thissika dugste, namkhe ᅇinnika zhonte yoᅇᅇa khyozhe thoᅇin."

⁶⁵ Tene lama chenmo laᅇste khoraᅇᅇi Kospo shags yaᅇ zers, "Khoe Konchogga dadlog coste innog. ᅇadaᅇᅇa i saᅇ maᅇᅇa spaᅇpo ci gosin? Khoe dadlog cokaᅇbo dagsaraᅇ khyozhe tshorte innog. ⁶⁶ Khyozhe ci thagcaddad?" Khoᅇgunni lantaᅇs, "Kho sadgoshessi ospa innog."

⁶⁷ Tene khoᅇgunni khoᅇᅇi zhaldᅇᅇika thu gyabste multhug coste rduᅇs yaᅇ zhangunni khoᅇᅇa ðamlcags taᅇin ⁶⁸ habgod taᅇin zers, "Ldamma dzadkanni Mashika ᅇazhaa luᅇstan shoddaᅇ, khyoraᅇᅇa rduᅇkanbo su innog?"

Pitarri Yeshu masheszun taᅇs.**26:69 ne 75**

⁶⁹ Piᅇar philogga phoᅇaᅇᅇi kyaᅇre naᅇᅇa dugste yod zane, yogmozhig kho yodsa yoᅇste zers, "Galillipa Yeshu nyampo khyoraᅇᅇaᅇ medpinna?"

⁷⁰ Innaᅇ khoe khoᅇ tshaᅇme dunla zun taᅇste zers, "Khyoraᅇᅇi cia skorla spera taᅇᅇad ᅇa caᅇ gyusmed."

⁷¹ Tene kho gyasghoeka soᅇ, teru zhan yogmozhiggi kho thoᅇte nyekhorla yodkangunla zers, "I mibo Natsaredpa Yeshu nyampo dugpin."

⁷² Khoe yaᅇskyar misheszun taᅇin naa skyalte zers, "Te mibo ᅇe shessamed."

⁷³ Tsapigshiggi stiᅇne teka laᅇste yodkangun Piᅇar yodsa soᅇte zers, "Tantanla khyoraᅇᅇaᅇ khoe ᅇopagunni naᅇᅇe cig innog ciazerna khyoraᅇᅇi spera taᅇtshulbo Galillipa tsogs rag."

⁷⁴ Piᅇarri kho ᅇan phogshig zerin naa skyalte zers, "ᅇe te mibo shessamed." Tennamalla capoe skad taᅇs.

⁷⁵ Tene Piᅇarla Yeshui, "Capoe caskad taᅇᅇi saᅇ sᅇunla, khyoraᅇᅇi ᅇaa lan sum misheszun taᅇin" molkanbo idtu yoᅇs, yaᅇ kho philogga soᅇte maᅇaᅇte ᅇus.

Yeshu Pilatuika khyers.**27:1 ne 2**

27 ¹ Datog ᅇamone, lama uskyoᅇ tshaᅇma taᅇ Yahudape uskyoᅇgunni Tsoo Yeshu sadgos zerte thagcads. ² Khoᅇgunni khoᅇᅇi chag ldamste kalon Pilatui lagga stadda khyers.

Yude khorāᅇ sads.**27:3 ne 10**

³ ᅇolog cokanni yude Yeshua shadcessi chadpa phogga thoᅇte khoe cokaᅇboeka tsherkhaa yoᅇste yaᅇ mulli pene sumcubo lama uskyoᅇgun taᅇ Yahudape uskyoᅇgunla logste khyers, ⁴ yaᅇ khoe zers, "ᅇe noᅇsmedkanzhigga ᅇolog coste sdigpa costog."

Khoᅇgunni zers, "ᅇazhe cia tsherkhaa coin. Teboa tsherkhaa khorāᅇᅇi cos"

⁵ Tene yude chodkhaᅇᅇi naᅇᅇa mulli penegun phaᅇs yaᅇ philogga soᅇte ogskyelliga zhugs.

⁶ Lama uskyoᅇgunni mulli penegun tuste zers, "I penegun mi sadcesla shalpa, chodkhaᅇᅇi baᅇdzoddi naᅇᅇa borcespo thims naᅇzhin galte innog" ⁷ Khoᅇgunni te peneboa dzama cokanni zhiᅇbo nyoste zhanyulli migun shina subcessi phia nassa cocesla thagcads. ⁸ Tenna gyuntshanboe phia dagsaᅇ te zhiᅇboa thaggi zhiᅇ zerranog. ⁹ Sᅇunme luᅇstonpa yeremyi molkanbo ᅇaᅇᅇa ᅇubte innog, khoᅇᅇi mols, "Israelpagunni ᅇog rin cadkanni Mulli pene sumcu khurte ¹⁰ Dzama cokanni zhiᅇbo nyos. Kazug Tsoo Konchoggi ᅇaa ka salla dzads."

Yeshua Pilatui ᅇiwa ᅇis.

27:11 ne 26

¹¹ Tsoo Yeshu Pilatui dunla zhaᅇste yod tus khoe khoᅇᅇa ᅇis, "Khyoraᅇ Yahudape gyalpo inna?"

Yeshui lansals, "In, nyeraᅇᅇi zerkanbo in."

¹² Lama uskyoᅇgun taᅇ Yahudape uskyoᅇgunni khoᅇᅇa nyad kal zane khoᅇᅇi caᅇ lansalla madzads. ¹³ Tene Pilatui khoᅇᅇa ᅇis, "Khoᅇgunni skyon maᅇpo kalkanbo khyoraᅇᅇa tshorra meragga?" ¹⁴ Khoᅇᅇi skyon kalkan ciggaᅇ lan masalpa, kalon maᅇaᅇte halas.

¹⁵ Pesaggi tuschenni tusla, kalonni lugᅇol naᅇzhin, khoe mitshogssi ldamkanni tsonpa cig phuddadpin. ¹⁶ Tedusla lasᅇan coste miᅇcan gyurkan Barabas tsonpazhig yodpin. ¹⁷ Mitshogs dzommacig, Pilatui khoᅇgunla ᅇis, "Barabas ya Yeshu kaboa ldamma dzadkanni Mashika zerrad, khoᅇ nyiskoe naᅇne phuddala khyozhe kabo ldammad?" ¹⁸ (Uskyoᅇgun Yeshuika tshigcespoe khoᅇ Pilatui lagga stadkanbo khoa gyusyodpin.)

¹⁹ Pilatu thimspotni thissika dugste yod zane, khoe name i lonbo kals, "Te mi noᅇsmedpoa thimscadcessi naᅇᅇa ᅇes maᅇes ciazerna taᅇᅇi tshanla khoe skorla jigssnaᅇcan nyilam thoᅇcespoe ᅇaa sdugsᅇal chenmo thoᅇ."

²⁰ Innaᅇ lama uskyoᅇgun taᅇ Yahudape uskyoᅇgunni Barabas phudces taᅇ Yeshu sadcugcessi phia mitshogsla kalonla zhuwa phulcugcessi phia lce kolte khachams cugs. ²¹ Kalonni yaᅇskyar mitshogsla ᅇis, "Khoᅇ nyiskoe naᅇne ᅇe khyozhe phia su phud?"

Mitshogssi lantaᅇs, "Barabas phudda dzad."

²² Pilatui ᅇis, "Tene ᅇe ldamma dzadkanni Mashika, Yeshua ci co?"

Mitshogssi zers, "Kho şkyanşhiŋŋa şkyoŋ"

²³ Pilatui ŋis, "Ciphia, khoe thimssi gyabgal ci costog?" Innaŋ mitshogssi kuco şante taŋin zers, "Şkyanşhiŋŋika şkyoŋ."

²⁴ Pilatui mitshogssi naŋŋa gyurja khyoŋ minyannog sam matshad khoŋgunla ŋo yoŋste hiliŋs phiŋces gozugspa khoe mitshogssi dunla chu khyoŋste khoranŋi lagpa thus yaŋ zers, "I mibo sadcessi naŋŋa ŋa noŋsmed in, iboe phia khyozhaa noŋscan innog"

²⁵ Mitshogssi zers, "Kho sadcessi nyadgalbo ŋazhaa taŋ ŋazhe ŋugu gunla phogshig"

²⁶ Tene khoŋgunni phia Pilatui Barabas tsonkhaŋne phudcugs yaŋ Yeshua stallcag gyabte şkyanşhiŋŋika şkyanşcesla magmigunla stads.

Maggimgunni Yeshua tshigpa şogs.

27:27 ne 31

²⁷ Tene kalonni magmigunni, kalonni kharri magmi dzomsse nasse naŋŋa Tsoo Yeshu khyerte magtshogs gaŋpo khoŋŋa khorthe dug. ²⁸ Khoŋgunni khoŋŋi namzaa phudte, gyalpo gonkan tsogssi namzaa marpozhiŋ skons. ²⁹ Tsherme thorshog laste khoŋŋi ua skons. Khoŋŋi chag yaspe naŋŋa snyugberzhiŋ kals yaŋ khoŋŋi dunla pigdoŋ tsugste, "Yahudape gyalpoa stsiwa" zerin khoŋgunni tshigpa şags. ³⁰ Thu gyab, snyugberbo khurte khoŋŋi ua lan maŋpo gyabs. ³¹ Tshigpa şagste stiŋne khoŋgunni gyalpoe namzaa marpobo phudte, Yeshua khoŋraŋŋi namzabo skons. Tene khoŋ şkyanşhiŋŋika şkyanşcesla khyers.

Yeshu şkyanşhiŋŋa şkyanş.

27:32 ne 44

³² Khoŋgunni Tsoo Yeshu Yerushalemmi gyalsane phiŋste thidte khyer zane Kirinpa Shimon thug, yaŋ magmigunni khoa waŋ taŋste Yeshui şkyanşhiŋ khurcugs. ³³ Khoŋgun Golgotha (Kaboe tontagpo goi ruspe sakyad) zerkanni nasseka leb. ³⁴ Teru khoŋgunni Yeshua rgunchanŋi naŋŋa gal^h zerkanni sman şeskanni chaŋ doncesla phuls, innaŋ khoŋŋi tebo nyanste donna madzads.

³⁵ Yeshu şkyanşhiŋŋika şkyanş tsharracig, khoŋgunni khoŋŋi namzaa gocesla gyan gyabs, ³⁶ yaŋ magmigun seka dugste Yeshu şuŋs. ³⁷ Khoŋŋi ui stagga nyadgal

^h27:34 gal zerkanbo şkyanşhiŋŋika şkyanşkanni migunla zumo nyuŋun tshorcessi phia thuŋŋa taŋŋanog

kalkanni stagspoeka ibo Yeshu Yahudape gyalpo in Griiste yodpin. ³⁸ Cagpa nyis khoṅ nyampo ṣkyaṅshiṅṅika ṣkyaṅs, cigpo khoṅṅi yaspa yaṅ cigpo yomaa.

³⁹ Te nassa gyudte ḍulkangunni go yugte smadra taṅin zers, ⁴⁰ "Chodkhaṅ shigste zhag summi naṅṅa stsigin zerkan khyod, galtes Konchoggi ṣas inna ṣkyaṅshiṅṅi kane yogga babste raṅ skyobbaṅ."

⁴¹ Tenna tsogsla lama uskyoṅgun, chosthimsla khaspagun taṅ Yahudape uskyoṅgunniaṅ khoṅṅa tshigpa ṣagin zers, ⁴² "Khoe zhanmagun skyobs, innaṅ khorāṅ skyobnyanna midug. Israelpe gyalpo ṣkyaṅshiṅṅi kane dagsa babste yoṅṅa, ṅazhe tatpa coin. ⁴³ Khoe Konchogga idshes coste khoe zerradpin, 'Ṇa Konchoggi ṣas in', ta stenba Konchoggi kho skyobbadzad dugga?" ⁴⁴ Tenna tsogsla khoṅ nyampo ṣkyaṅshiṅṅika ṣkyaṅskan cagpagunniaṅ khoṅṅa tshig taṅs.

Yeshu ḍoṅs.

27:45 ne 56

⁴⁵ Nyiṅguṅne chutshod sumpa tshagpa yul gaṅpo muṅḍig soṅ. ⁴⁶ Chutshod sumpa zodshigga Yeshui ibripe skaddi naṅṅa kuco ṣaṅṅe salin mols, "Eloi eloi lama sabacthani" kaboe tontagpo, "Ṇe Konchog, ṅe Konchog, nyeraṅṅi ṅa cia phaṅṅa dzadte in?"

⁴⁷ Teka yodkangunni naṅne khaciggi tebo tshorracig zers, "Khoe luṅstonpa Eliya boddarag." ⁴⁸ Tennamalla khoṅgunni ṭone cig baṅtaṅste rasbalzhig rgunchaṅ skyurmoe naṅṅa cugs yaṅ bergeka skyonte Yeshua doncesla taṅs. ⁴⁹ Zhangunni zers, "Dugcuggaṅ. Luṅstonpa Eliyaa kho skyobbala skyoddugga stenba."

⁵⁰ Yeshui yaṅskyar skad chenmo nyampo kuco salte raṅṅi skuṣogpo sals. ⁵¹ Tenna zane chodkhaṅṅi yolla gone jug tshogpa khagnyissi naṅṅa chad. ⁵² Romkhaṅgun bete shikanni mi dampa maṅpo sotea laṅṅa dzads. ⁵³ Yeshu sotea laṅṅa dzadte stiṅne Romkhaṅne biṅste yoṅkangun dampe Yerushalemmi gyalsa soṅ yaṅ mi maṅpozhiḡḡa thoṅ.

⁵⁴ Yeshu ṣuṅṅe yodkan maggye sponbo taṅ zhan magmigunni, saṅgul taṅ cuṅkan tshaṅma thoṅṅe maṣaṅṅe jigs yaṅ zers, "Tantanla khoṅ Konchoggi ṣas inkyag."

⁵⁵ Teru thagriṅzhigne Yeshu ṣkyaṅshiṅṅa ṣkyaṅcespo sten bumo maṅpo yodpin, khoṅgun Yeshui gosdomgun rigste zhabshi zhuin khoṅ nyampo Galilline parla yoṅṅe inpin. ⁵⁶ Khoṅgunni ṭoa Miryam Magdallenma, Yoseb taṅ khoe no Yakobbi ama Miryam taṅ zebeddii butshaa gunni ama yodpin.

Spurkhaṅṅi naṅṅa Yeshui spur borra dzads.**27:57 ne 61**

⁵⁷ Muncurubkyis yod zane Yoseb zerkan Arimathapa mi chugpozhiḡ teru yoṅs, khoṅ Yeshui lobṭugzhiḡ inpin. ⁵⁸ Kho Pilatuika soṅte, khoa Yeshui spur sal zerte zhuwa phuls, tene Pilatui tebo khoa toṅ zerte ka taṅs. ⁵⁹ Yosebbi Yeshui spur khyerte ras lagmo kuspoē naṅṅa tumste ⁶⁰ ḡaggi naṅṅa khorṅṅi phia skoste yodkanni soma spurkhaṅboē naṅṅa Yeshui spur bors yaṅ spurkhaṅṅi kheka rdoā lebleb chenmozhig rilte kho soṅ. ⁶¹ Magdallenma Miryam taṅ zhan Miryam gun spurkhaṅṅi aṅo chogsla dugste yodpin.

Magmigunni Yeshui spurkhaṅ ṣuṅs.**27:62 ne 66**

⁶² Thorezugpo shabbaddi zhagga, lama uskyoṅgun taṅ pharushipagun Pilatu yodsa soṅ. ⁶³ Khoṅgunni zers, "Sponbole, te gobskorkanboē sotea yodtus khoe, 'Zhag summi stiṅne ṅa sotea laṅin' zerkanbo ṅazhaa idturag. ⁶⁴ Teboephia zhag sum tshogpaa khoe Romkhaṅṅa ṣuṅkan rig borra dzad, te mane khoe lobṭuggun yoṅste robo skuste khyerte migunla kho shikangunni ṭone laṅs zerṣidces innog. Tene ṅadaṅgunni phia stiṅjuggi gobskorbo ṣuṅme saṅ maṅṅa thua yoṅin."

⁶⁵ Pilatui zers, "Magmigun khyerte tsamthub nyannaṅ stanpo coste ṣuṅcug."
⁶⁶ Tene khoṅgun soṅte spurkhaṅbo stanpo coste ghoeka thetse gyabs, yaṅ magmigun ṣuṅṅa bors.

Yeshu sku sotea zhaṅs.**28:1 ne 10**

28 ¹ Shabbad, ṅaltshoe zhagḡi stiṅne zanyime zhagga ṅatog nyima sharkisla, Magdallenma Miryam taṅ zhan Miryamzhiḡ spurkhaṅṅa stala soṅ.

² Hunmedla saṅgul ma chenmozhig yoṅs ciazerna Konchogḡi phonya namkane babste spurkhaṅṅi ghoē kane rdoā leblebpo rilte, teka zhugs. ³ Khoṅṅi zhaldon skamlag tsogsla ldaṅshan yaṅ namzaa khaa tsogs karmo yodpin. ⁴ Khoṅ thoṅte ṣuṅin yodkan magmigun maṣaṅte jigste darin seka gyelte shikan tsogs gyur.

⁵ Phonye bumo nyiskoa mols, "Jigs majigs, khyozhe ṣkyaṅshiṅṅika ṣkyaṅskan Yeshua tsalkanbo ṅa gyusyod. ⁶ Khoṅ ika med; khoṅṅi molkan naṅzhiṅ khoṅ sotea zhaṅste in. Yoṅste khoṅṅi spur borse nassa stos. ⁷ Tene gyogspa soṅte

khonji lobtuggunla shod, 'Khoj shikangunni tone sontea zhanste, khyozhe san sɔnla Galillii yuljonssi nanja skyodin. Teru khyozhagunla khoj jalin.' Ne shadkangun idtu bor."

⁸ Tene bumogun jigsnaɔ thadte gamo nyampo spurkhaɔne baɔtaɔin khonji lobtuggunla shaddala sɔn. ⁹ Khoj nyisko chen yod zane hunmedla Yeshu khongunni dunla jalte, "Jule" mols. Khongun Yeshui dunla sɔn yaɔ khonji zhabsla thamste chagphuls. ¹⁰ Yeshui khongunla mols, "Jigs majigs. Sɔnte ne spungunla, Galillia sɔn zer yaɔ khongunni ɔaa teru thonin."

Spurkhaɔ sɔnkangunni nastshul shads.

28:11 ne 15

¹¹ Bumo nyisko chen yod zane, magmi sɔnkan khacig Yerushalemmi gyalsaa yonste cuɔkan tshanma lama uskyongunla shads. ¹² Lama uskyongun taɔ Yahudape uskyongun dzomste magmigunla pene maɔpo taɔste zun taɔcugcessi thabsldiɔs. ¹³ Khongunni magmigunla zers, "Khyozhe, 'Tshanla ɔazhaa nyidla sɔnte yod zane khoe lobtuggun yonste ro skuste khyertog' zergos. ¹⁴ Galtes tebo kalonni tshorna, ɔazhe skyobste khyozhaa chadpa phog micug." ¹⁵ Tene magmigunni pene lente khongunni zerkan nanzhin cos pasaɔ, Yahudape toa diriɔ tshogpaɔ te sperabo khyebsin innog.

Yeshui stinjuggi labzha sals.

28:16 ne 20

¹⁶ Tene Galillii nanja Yeshui sɔn molkanni rika lobtug cugshigpo sɔn.

¹⁷ Khongunni Yeshu jallacig chagphuls, innaɔ khaciggi (Khoj Yeshu innahe samste) thetshoms cos.

¹⁸ Yeshu khongun yodsa skyodte mols, "Namkhaa taɔ jigstenni nanja yodkan tshanmeka waɔcha gaɔpo ɔa salla dzadte in. ¹⁹ Teboephia gyalkhams tshanme nanja sɔnte migun ne lobtug gyurcugcesla stsonɔus coste khongunla yab, sas taɔ dampe thugnyiddi tshanni nanja thus toɔ. ²⁰ Yaɔ ne khyozhaa taɔkanni ka tshanma kanyancesla khongunla labzha toɔ, yaɔ ɔa tussi thama tshogpaɔ khyozhaa nyampo tusgyun dugcespo idtu bor..